

1963



Հայաստանի Գրադրական Կենտրոն

ՀԱՅԱՍՏԱՆ

19563



ლიბერატორულ-მხატვრული და
საზოგადოებრივ - პოლიტიკური
ჟურნალი

საპარტიზო მუშაობა
კავშირის აპარის
განყოფილების ორგანო

შ ი ნ ა ა რ ს ი

ვ. გვარიშვილი — ლექსები	3
ფ. ხალვაში — გახსენება (მოთხრობა)	5
გ. სამხარბაძე — სვანეთის გზაზე (ლექსი)	11
ნ. ჩხბიძე — ხოხობა (მოთხრობა)	13
ჯ. ქათამაძე — ლექსები	22
ნ. მრღვაძე — მოთხრობები	24
ლ. სეიდოშვილი — ლექსები	32
ბ. სანაღორბაძე — ველური (მოთხრობა)	33
მ. მანიაკოვსკი — წერილი მოლჩანოვის მიერ მიტოვებულ სატრფოს (ლექსი, თარგმნა გ. სალუქვაძემ)	39
ს. მიხალკოვი — შტილი (მოთხრობა, თარგმნა ტ. ხინთიბიძემ)	42

დღეები და აღამიანები

ბ. შრუშაძე — ჩვენ დაგბრუნდით, მშობლიურ მიწავ!	49
მოგონებანი	

ა. შალაძე — იმ მღელვარე დღეებში	57
---	----

კრიტიკა და კუპალიციისტიკა

ფ. მახარაძე — ოცნებიდან სინამდვილისაკენ	83
--	----

92.23.

5

1963

საქართველოს
ოქროსი

3. ნაცვლიშვილი — სოციალისტური
რელიზმის მეთოდის ნოვატორული
ხასიათი 67



ლიტერატურული კალენდარი

- დ. ნაცვალბძე — „სიტყვას ვიტყვი, ცამ
ქუხილი დაიწყოს“ 73
- ა. ახვლედიანი, ბ. სურგულაძე —
მებრძოლი პოეტი და
პუბლიცისტი 77
- ი. მართაბაძე — გამოჩენილი ქართველი
საზოგადო მოღვაწე და პუბლიცისტი . . . 81

აჭარის წარსულიდან

- ზ. თანდილაძე — ქართველ ტომთა
თევზაობა-ნაოსნობის
წარსულიდან 89

საბჭოთა და იუშორი

3. ოგოლი — მოთხრობები 92



რედაქტორი შოთა ქურიძე

სარედაქციო კოლეგია:

- ბ. ახვლედიანი, ნ. გვარამიანი, მ. ვარშანიძე (პ/მგ. მდივანი),
პ. ლორია, ალ. ჩავჭავჭავაძე, ფრ. ხალვაში.

რედაქციის მისამართი: ბათუმი, გოგებაშვილის ქ. № 24.
ტელეფონები: რედაქტორის — 33-71, პ/მგ. მდივნის — 33-72.

ნანა გვაჩიშვილი

ცის ასულს

დედოფალი ხარ ცხრაფერა ზეცის,
შენით თავდება ყველა ზღაპარი,
მთვარის ნიაფი გამოიტაცე,
გააღე ყველა ოცნების კარი.
ჩემო იგავო! ჩუმაღ მითხარი,
როცა დაბრძანდი დედოფლად-ცაზე,
იქ, ვარსკვლავებში, ხომ არ გინახავს
ჩვენი ლამაზი ნატო ვაჩნაძე?!

* * *

ბროლის ლარნაკში იცინის
ორი ლამაზი თვალი.
პატარა იის ფერი აქვთ
და მისი ნაპერწკალი...

შენი თვალების ფერი აქვს,
რატომღაც ასე მჯერა.
უცნაურია, რად ვდარდობ —
პირველ ვინ მოგეფერა?

საზის სმარე

მე რომ ვდარდობ, ისა ხარ,
რომ ვიცინი, ისა ხარ,
როცა ვღაფ, მზისა ხარ,

როცა ღელავ, ზღვისა ხარ,
მაგრამ როცა გულსა ვთხოვ,
მაშინ, კარგო, ქვისა ხარ!

* * *

ჩვენს შორის ფრთხილი დუმილი დადის,
თითქოს ფიქრები წარბებს გირკალავს...
შენ მხოლოდ ჩემთან ეწევი თუთუნს
და ლამაზ თვალებს კვამლში მიმაღავ.

* * *

შენ არ მოხვედი... ასე მგონია,
დარდს მიცემია მთელი ქვეყანა...
არა გრცხვენია?! რას შეუშინდი,
რას დაემაღე, ჩემს ლექსებს განა?!

ჩემო პატარა ბაბუაწვერა

აგიყვან ხელში, მოგეფერები,
გასათაცებლად არ მიგცემ ნიავს...
ქალიცა მყავს და პატარა ვაჟიც,
არ შეგიბერავ, ნუ გეშინია.

* * *

სულ ვევედროთ გულს,
ზეცას შენცა, მეცა...

სიყვარულის ყვავილს
მულამ წითლად ეცვას!

* * *

ყმაწვილურ სურვილს ვინახავ გულში,
ნუ შიშობ, თუ კრთის თმებში ვერცხლები!
მის დასამალავ ინის ყვავილებს
ლამაზ ხათუნებს დავესესხები.





ფრილონ ხალვაში

გ ა ხ ს ე ნ ე ბ ა

ზოგიერთი შემთხვევა, ან ზოგიერთი ვინმე უცნაურ რაიმეს გაგახსენებს ხოლმე წარსულიდან.

აი, ახლაც, სოფლის ფოსტის წინ, კაკლის ხის ქვეშ, გრილოში, სულ მარტოდმარტო მოხუცი ზის. არა, კი არ ზის, მოკეცილ მუხლებზე დაშვებულა და ასე ჩაჩოქილი გაშეშებულა თითქოს. ცალ ხელში ყვითელი კრი-ალოსანი უჭირავს და ნელა, შეუმჩნევლად მარცვლავს. ტუჩებს აცმაცუნებს, ხშირ-ხშირად ცაში იყურება — ალბათ, ლოცვისთავეს იმეორებს.

შავგვრემანი ახალგაზრდა კაცი შორიახლო ჩერდება, ბერიკაცს აკვირდება, დალაპარაკებაც მოუნდა, მაგრამ უცებ რატომღაც ცვლის გადაწყვეტილებას და ფოსტაში შედის. გაზეთებს იღებს, ბრუნდება, კიბეზე კიდევ ერთხელ ანელებს ნაბიჯს, რომ მოხუცს კვლავაც თვალი შეავლოს.

მოხუცს მატყლივით თეთრი წვერი აქვს. ძველისძველ, ფსკერგამოცვეთილ ფესკზე მოთეთრო ყაბალახი ჩალმასავით მოუხვევია.

ახალგაზრდის მზერას, ალბათ, კიდევ გრძნობს, მაგრამ თვალსაც კი არ ამრუდებს. მას თავისი საქმე აქვს. მტკიცე, ურყევი და აუცილებელი გადაწყვეტილება, რწმენა: ლოცვის დამთავრებამდე გვერდით მიხედვა არ შეიძლება.

ახალგაზრდას თითქოს ოდნავ ეცნო თეთრწვერა კაცი. რაღაც შორეული, ჯერ კიდევ გაურკვეველი, მაგრამ ძალიან ახლობელი და მტკივნეული რამე იღვიძებს მეხსიერებაში. მოხუცს თვალს აშორებს, მაღაზიას ჩაუვლის, ძელებით დატვირთულ მანქანას გზას დაუთმობს, მერე ახალგაყვანილი შარავზიდან მარჯვნივ უხვევს, წვრილ ბილიკს მიყვება. ეს ბილიკი

პატარა მინდორს გვერდით ჩაუვლის და იქით, ბარდებიან ფერდობზე თე-
ორად დაკლავნილი, მაღლა-მაღლა მიიწევს.

მოხუცის სახე ახალგაზრდას სულ წინ უდგას და აწვალებს მისი სურათი
რვილი, რომ სიცხადე მიანიჭოს გონებაში გაღვიძებულ ბუნდოვან მოგო-
ნებას.

ვიდრე ამას გააკეთებს, სადღაც სულის სიღრმეში ცივად იგრძნობს,
რომ ის წელანდელი მოხუცი კაცი სძულს და ჩუმი წყენა უკაწრავს გულს,
ოდნავ სირცხვილსაც განიცდის თავის წინაშე, იღუშება. ფიქრი სხვა რა-
მეზე გადააქვს, თანაც მალულად ტუქსავს თავის თავს, მაგრამ ყველაფერი
თავიდანვე მეორდება.

შემდეგ მამა აგონდება...

„ჰო, მამაჩემი?“ — ეკითხება თავისთავს. რალაცნაირ სიმსუბუქეს
გრძნობს, რადგან მამის გახსენებამ დიდი სურათის პატარა ნაგლეჯები უე-
ცრად ერთმანეთს მიაკერა, დავიწყებული და საკმაოდ შორეული სიყმაწ-
ვილე დაანახა.

იქ კვლავ გამოჩნდა წელანდელი მოხუცი, ასეთივე თეთრი წვერით,
მაგრამ უფრო ახალი, გაუხუხნარი ყირმიზი ფესკით და ზედ მოხვეული თე-
თრი ღაზლის ყაბალახით.

იგი ჯამეს კარებს ალებს, უკან მხოლოდ ათამდე მლოცველი მიყვება.
გაჯავრებულია და საშინლად უკმაყოფილო სახე აქვს, მაგრამ ცდილობს
კმაყოფილის იერი იქონიოს, რადგანაც ცოდვთა ალაპის წინაშე ჯამეში
უკმაყოფილო შეხვიდე-გამოხვიდე.

წინ ეს „გიაურის ბიჭი“ ეფეთება და ხოჯის სახიდან საბოლოოდ იკა-
რგება ღიმილის ნამცეცცი. მაგრად მოქნეული მუშტი, რომლის ერთ თით-
ზე ხოშორი ვერცხლის ბეჭედი. გამეტებით ხვდება ბიჭს ყვრიმალში და
ფერდით ეცემა ხეშეშ მიწაზე. იმდენი აზრი მაინც შერჩა, რომ საშინლად
უნდა წამოხტეს და ყელში შეაფრინდეს ხოჯას, ფრჩხილებით დაკაწროს
და დაახრჩოს იგი, მაგრამ ძალა აღარ ყოფნის. ოვალეებში რატომღაც უც-
ნაური მწვანე რგოლები აცურდნენ და ისევ მიწაზე დაეშვა თვალდახუჭუ-
ლი ბიჭი. მეორე დღეს მეზობლის ბავშვებმა უთხრეს, მამაშენმა ჩამოიარა
ზეგნიდან, დაგინახა, გადაირია, მივარდა ხოჯას, თვალეებში შეაფურთხა,
მერე ჯამესაც შეაფურთხა, შენ ხელი ცალ მკლავში წაგატანა, ზურგზე მო-
ვიგდო და შინ მოგიყვანაო. ხოჯა მთელი დღე ხელაპყრობილი წყევლიდა
მამაშენს და იქ მყოფებს აძალებდა ეთქვათ — ამინ!

წამოვიზარდე, — ფიქრობს ბილიკზე მიმავალი, — მაგრამ შურისძიე-
ბა გულშიც არ გამივლია. ის ამბავი აღარც ახსოვდა ვინმეს, მე კი რატომ
ვიკადრებდი მოხუცის გალახვას, სხვა ვერავინ გამიგებდა მაინც.

არა, იმ გარტყმის გამო არ შემძულებია ის... — ასკვნიდა თავისთვის
ახალგაზრდა კაცი. ის? ჰო, ის! წელან კაკლის ძირას რომ ლოცულობდა,
სწორედ ის იყო ხოჯა ჩვენი სოფლის ჯამეში.



უფრო მწარე სხვა ამბავი იყო...

ზამთრის ერთი ღამე ახსენდება.

თვითონ კუჩხეში იწვა დედასთან.

ფრთხილმა ჩურჩულმა გამოადგინა. არ გადმობრუნებულა, რამაზანი იყო და იფიქრა, ისევ იასლუღის გამო ჩხუბობსო დედ-მამა. იმ თვეში სულ ასე ხდებოდა. განთიადისას დედა საჭმლის მზადებას დაიწყებდა, ბალები არ გავაღვიძო, ბუხრიდან ჯამ-ჭურჭლის თარომდე ფეხაკრეფით დადიოდა. დასუფრავდა ცეცხლაპირთან მიდგმულ მრგვალ პატარა სუფრაზე და ქმარსაც გააღვიძებდა. ბიჭს ესმოდა, როგორ მჭახედ გადმოძახებდა მამამისი, არ მინდაო. დედას ალაპის ეშინოდა და მთელ საათს ეხვეწებოდა, ადექი იასლულე, სამი დღე მაინც იმარხეო. ბიჭს ნერწყვი ადგებოდა პირში, საჭმლის სურნელი რომ მოხვდებოდა. თავს ჯერჯერობით კი იმძინარებდა, მაგრამ ძალიან უნდოდა მამაც ამდგარიყო იმიტომ, რომ მამა მასაც დაუძახებდა და ტკბილ ბაქლავას პირდაპირ ლოგინში გადაუწვდიდა.

მაგრამ ის ღამე სულ სხვანაირი ღამე იყო.

— რამ აგაყენა ავ მხარზე ამ შვალამით, — წუწუნებდა დედა.

— კვერი გამომიცხვე, მივალ... — დინჯად ბრძანებდა მამა.

— ერთი გათენდეს, ჭო. ხვალ ბაირამია. რამაზნის ბოლო — არაფა ღამეა. იყავ შინ, თვარა რას იტყვიან: ბაირამ დღეს სანადიროდ წვევიდაო.

— თქვან... მაგას ვუყურებ თუ? საღამოზე ცა მოიწმინდა და მთაში თოვლი კარგად გაიყინა. იცი ახლა რაფერ ვივლი? ჩემი ბაირამი ვიცი რაცაა. — ბუზღუნებდა მამა და თავისისავე მოჭრილ, თუნუქქვეშ დაგორგვალეზულ თხილისოდენა ტყვიას მსხვილ ვაზნაში ტენიდა.

ის კი, პატარა ბიჭი, ჩუმად იწვა და აღელვებით უსმენდა მშობლებს.

მამა წამოდგა, სახლი აკრატუნდა. ბიჭმა დრო იხელთა და მხარი იცვალა. ცალი თვალი ოდნავ გაახილა, მამას შეჰყურებდა. ადგომა უნდოდა, მაგრამ ვერ ბედავდა. იქნებ, დიდი საიდუმლო ამბავია და ჩემს გამო ხელი შეეშალოთო.

მაგრამ რა მოხდა — მამა სანადიროდ მიდის. უცნაურია, ხვალ ბაირამია, ის კი სანადიროდ მიდის.

მამის გვერდში ამოდგომა სურდა, სანადიროდ გაყოლა, თოფის მხარზე გადაკიდება, თხილამურებით სიარული, საღამოს ნანადირევის ჩამოტანა სოფელში, თუნდაც იგი მამის მოკლული ყოფილიყო.

— ბაღანას არ უთხრა ჯერ.

— რატომ? აკი არაფერი გწამს.

— ეს მწამს მარტო: სანადიროდ წასვლა არავინ არ უნდა იცოდეს, რომ დავბრუნდები, გეიგონ მერე.

— ბაირამია. ხედავ, რამდენ ბაქლავას ვაცხობ? დილას სახლიმამალს ვკლავ, გუშინ პური მოვცეხვე კორკოტინა გავაკეთო, ფლავისთვის ბრინჯს ახლა ვდგამ, ვინცხა საქონელსაც დაკლავს, ერთ ოყა ხორცს მეიტანდი,

ფლოყვერი დავალბე, კარგ სარმას შეგიკაზმავდი. ნუ წახვალ... ღმერთი ერთის მაღლმა, ბაირამი ააფერი, ჰა, ბაირამი ააფერი, მარა ნუ წახვალ. ყველა შინ იქნება, მეც მინდა შინ მყავდე. ვინცხა გამოიარა, ვინცხა მცხადება, ლუკმა შეიქმება, იყავი შენც. — ემუდარებოდა დედა. ბიჭი მხოლოდ წელამდე ხედავდა მამას. მას მუხლებამდე ამოწეული შავი ზანკლები ჩაეცვა, ახალშეკერილი მესხური ტუჩამოქნილი ქალამნები კოხტად მოერგო ფეხებზე და ისე უსვამდა ფეხისგულებს იატაკზე, გეგონებოდა ცეკვას აპირებსო.

— ნუ ჯავრობ, ქალო... შეადღემდი მაცალე და უშველებელ ტახს ეზოში გავაწვარადინებ.

— აჰ, ღმერთმა ნუ ქნას! ტახი და ისიც ბაირამ დღეს? — შეჰკვივლა დედამ. — ნუ შეიშალებ, კაცო! ღორის ხორცი ეზოში არ მომაჩვენო, თვარა წავალ. აჰა, შეგაბერდი, მარა წავალ და ასე იცოდე.

ბიჭმა იცოდა: ქალის ჭინაზე ამბობდა მამა, თორემ ვერც თავად ქამდა ღორის ხორცს. მოკვლა კი უყვარდა, მაგრამ ხორცს ექიმს და შვიდწლედის მასწავლებლებს ურიგებდა მუდამ, თვითონ მარტო ეშვს იტოვებდა სახსოვრად. ეშვები ბუხრის თაროზე ჰქონდა დაწყობილი. არავის დაათვლევინებდა — არ ვარგა, თოფი აღარ მოხვდებო.

ჰო, ასეთი კაცი იყო: ეს წამდა, ხოჯისა კი არა.

კვერის გამოცხობას აღარ დაელოდა, შემომათენდებოდა და მეშის აბგაში ნახევარი ხმიადი ჩააგდო, კეჟერას დამბალ ფოთოლში შეხვეული ერთი პეშვი დოც ზემოდან დაადო, დახლის ხელთათმანები და კიდევ რაღაცები ჩააწყო, ყაითნით თავი მოუხუფა და მხარზე წამოივდო. შემდეგ დერეფნიდან მრგვალი თეთრი თხილამურები შემოიტანა, ძაფებით ერთმანეთს გადააბა და ისიც ზურგზე მიიკრა. ბეპუთი ქარქაშში ჩააგო, გვერდით გადაიწია ქამარზე, თოფი ხელში შეათამაშა, მივიდა, დაიხარა და ბიჭს მსუბუქად ეამბორა შუბლზე, ცოლს მხრებზე ხელი მოხვია, ერთი თვალეში ჩახედა ღიმილით და ნელა მიიკრა მკერდზე.

— ნუ გეშინია. ჩემი ცოდვა ჩემს კისერზე იქნება. — დაამშვიდა ქალი და გარეთ გავიდა.

გაღებული კარიდან სუსხი შემოიჭრა, ოთახი მოითარეშა, ბიჭსაც გაჰკრა ლოყაზე. შეიშმუშნა ბავშვი, თავი საბანში ჩარგო, თვალები კი გაახილა და გაღებულ კარებში ღამის ცა დაინახა. ცაზე ორი-სამი ვარსკვლავი კიაფობდა. ისე კანკალებდნენ, გეგონებოდა სადაცაა ჩაქრებინაო.

მამამ ეზოში შეყინული თოვლის გზა ხრამუნით გაიარა. ფეხის ხმა კარგა ხანს ისმოდა, მერე მიწყდა. ალბათ, მამა უკვე შორსაა. ბიჭს გული აუჩქარდა, — მამის მაგიერ შეეშინა. დედა არ შემოდიოდა. ალბათ, აივანზე იდგა და სიბნელეში მიმავალ ქმარს თვალებით აცილებდა. იქნებ, გრძნობდა, რომ ბიჭს ღვიძავდა და ცრემლით შემოსვლა რცხვენოდა.

ანდა, ვინ იცის, იქნებ დარღობდა, ასეთ ჯიუტ და უკუღმარა
რად გავყვეო.

ბოლოს შემოვიდა, ეზოდან ორი ღერი მუხის ხის შეშის ნაჭრები
მოიტანა, ბუხარში ცეცხლს შეუკეთა, ბიჭთან მივიდა. ჯერ ცოტა ხანს ჩა-
მოჯდა სექვზე, მერე მიუწვა, მაგრამ ეტყობოდა, თვალი არც მოუხუჭავს.

მეორე დღე წელიწადის ბოლო დღე იყო და სკოლაში საახალწლო
ნაძვის ხე მოეწყოთ. უფროსმა დამ ბიჭი წაიყვანა, ცქრიალა სათამაშოებ-
იან ნაძვს გაჩვენებ. თან საჩუქარსაც გაგიყოფო. დედამ საჭმელებს თითიც
არ დააკარა.

ბავშვები მოვიდნენ, მამა კი არსად ჩანდა.

ასეთ მოგონებებშია ფოსტიდან მიმავალი ახალგაზრდა კაცი.

სოფელს უახლოვდებო.

აი, პირველი სახლებიც.

ბექობზე ჩერდება. აქედან მოჩანს ძველი ჯამე, რომელშიც ახლა სკო-
კითხველოა. ჯამედან პატარა გორაკზე ირიბად გზა ადის. გადღმა ის სკო-
ლაა, საახალწლო ნაძვის ხე რომ ნახა მაშინ, ბავშვობაში. გზა პატარა
კლდეზე გადაივლის, ოდნავ დაეშვება და სკოლასთან მეორე დიდ გზას ჩა-
ერთვის.

ის კლდისძირი, ის გზა, სკოლა და ჯამე ხელმეორედ ახსენდება.

დედა ღელავდა. მამა არ ჩანდა.

საღამოს სკოლის ეზოში თოფი ისროლეს და ყიჟინა ასტეხეს. ბავშ-
ვებმა მოირბინეს ყველა მხრიდან, რა მოხდაო. გზაზე, თეთრ თოვლზე ვეე-
ბერთელა სისხლიანი ტახი იწვა. იქვე იდგა მამამისი, მოგლეჯილ ეშვებს
ჯიბეში იწყობდა, ნანადირევი კი იქვე ორთვალ სახლში მცხოვრებ მასწავ-
ლებლებს საახალწლოდ აჩუქა. მასწავლებლებმა არ გამოუშვეს, შეეხვეწ-
ნენ, შინ შეიპატიეს. მაშინ სოფელში ღვინოს ჯერ კიდევ არ აყენებდნენ.
ამათ შორიდან მოეტანათ სასმელი. მონადირეს მიაწოდეს. მამას უარი არ
უთქვამს. კარი ღია იყო. ბავშვები ეზოდან უყურებდნენ. ამ დროს ეზოში
ხოჯამ ჩამოიარა, თავი არც მიუბრუნებია იმათკენ, მაგრამ ეტყობოდა ტა-
ხიც დაინახა და მამაც ღვინიანი ჭიქით ხელში.

ბიჭი მოწყვეტით გაიქცა თავდაღმართში. დედას მიახარა, მამა ჩამო-
ვიდა მთიდანო. ღვინის დაღევა კი აღარ უთხრა. აღარ გაუფუჭა ბაირამი
დედას. გულში კი ბიჭს უხაროდა: მამა მყოლია ასეთი გამოსაჩენი, მართ-
ლა კაცი, სიტყვის მთქმელი, მონადირე, ყველაზე მაღალი, ყველაზე დიდი
თოფით, ყველაზე ცივ ღამეში უშიშრად მოსიარულე.

შემდეგ?

არც უნდა იმის გახსენება, რაც შემდეგ მოხდა.

მამა შინ აღარ მოსულა.

სკოლიდან მარტო წამოსულიყო, იმ პატარა კლდეზე გადავარდნი-
ლიყო...

ყველას უკვირდა, კლდეებზე გაზრდილი კაცი რამ გადაადგო აქაო/
მთელი სოფელი იქ შეიყარა. ბიჭი მამასთან არ მიუშვეს. *ფეხიანთა*
და, პირს იკაწრავდა, ცრემლი დაბალუბით ჩამოსდიოდა. *ხიზლითა*
ახსოვს, უცებ ყველა გაიკრიბა. მამა კი მაინც ვერ დაინახა. შერე
კლდის ძირას მივიდა, თოვლზე სისხლი შენიშნა, მამის სისხლი.

ხელი ჩაავლო თოვლს, დიდი, წითელი გუნდა მკერდზე მიიღო და ში-
ნისაკენ მოკურცხლა. თბილი იყო თოვლის გუნდა, ძალიან თბილი და თით-
ქოს ცოცხალი...

რამდენიმე დღის შემდეგ, ახსოვს, ეზოში ხოჯა შემოვიდა, კიბის პირ-
ველ საფეხურს ფეხი დააბიჯა და გაჩერდა. დედამ გახედა.

— ხომ მიხდით, რა მოდევს ალაჰთან თამაშს. — უთხრა მწარედ დე-
დას და მიბრუნდა.

ქალმა ველარ მოითმინა, ბოღმა ახრჩობდა, ტირილს ვერ იკავებდა.
ბოლოს, მიაძახა:

— ამფერი რომ ხართ, იმიტომ აღარავინ მოდის ჯამეში...

— თქვენც გაგიავრდით!.. — გინებასავით მიუგლო ხოჯამ და გზა გა-
ნაგრძო.

მაგრამ მამის დაღუპვის ის ბნელი ამოცანა, რომელიც რატომღაც
მამის ვერავინ ამოხსნა, ახლა — კაკალთან დაჩაჩანაკებული ნახოჯარის ნა-
ხვის შემდეგ — შეცარი სხივით განათდა, გაიხსნა, გასაგები გახდა.

და ფიქრებში წასული შავგერემანი ახალგაზრდა კაცი გოცეებით
თვალს ავლებს უკანასკნელ ორ ათეულ წელიწადს, რომელმაც სოფელში
ამდენი რამ გამოცვალა.



გიორგი სამხარაძე

სვანეთის გზაზე

მურის ხიდს გასცდა ფრთამალი ავტო,
სამივე ციხე ჩამორჩა უკან...
დაუსრულებლად მე მინდა ვხატო,
ცხენისწყლისა და სვანეთის რუკა.

სამივე ციხე, მიკრული ამ მთებს,
გასცქერის ცაგერს და ფიჭრებს მისდევს,
იმ წმინდა იმედს კელაპტრად ანთებს
და ერეკება დაძენძილ ნისლებს.

ვით სამი ბუდე მყივარ არწივთა,
დამზრალი, მაგრამ მდგარი მხნე გულით,
ისე ჩანს ახლა ადგილი წმინდა,
თეთრ კლდეთა მკერდზე მიხუტებული.

მოწყენით დგანან... გასცქერენ მგზავრებს...
ცაში აწვდილნი აგრე რად ღუმან!
ტკივილი ცრემლის როგორ ატარეს,
ვერა, ვერასგზით მიუხვდი გუმანს.

გიჟი მდინარე ტალღებს აგორებს,
დაუცქვევითა ირმებს ყურები,
ღევთა დავსებულ თვალებს მაგონებს
ერთ დროს მრისხანე სათოფურები.

შხარას მწვერვალებს შვის ბადე აკრავს,
ქარში სიმღერა იწყეს კორღებმა,

ავტომობილი წინ მიჰქრის, მაგრამ
ის სამი ციხე თვალს არ შორდება.

ბარის ვარდებმა მე დამაბარეს,
გულში ტრფიალს ნუ გამოილევო,
ძმურად ვეზვევი სულ უცნობ სვანებს
და მერე ერთად ვმღერით „ლილვოს“.

წყარო ჩხრიალებს ბროლივით წმინდა,
ნისლი აშალეს კლდეთა უბნებმა,
ის სამი ციხე დროთა სიღრმიდან,
თითქოს მუნჯურად მესაუბრება.

გზა და გზა ექომ მე გამაჯავრა,
მთაზე გამოჩნდა თოვლის ხალები,
უკან დავტოვე ლურჯი ლაჯანა,
საირმის ქედი და კაშხალები.

ვინ გამოხატავს ამ სილამაზეს,
ვინც მოინდომა, თავი ანება...
წინ გზად შემხვედრი ოცნებით მავსებს,
უკან რაც მრჩება, ის მენანება.



ნურალინ ჩხაიძე

ს მ ს მ გ ა

სისხამ დილით წამოხტა მეტყევე ხოხობა ლოგინიდან. წაფერდებული ფიცრული გამოალო და ლელისკენ გაიქცა პირის დასაბანად. ნაყვავილარი, მოგრძო პირსახე ცივი წყლით გაიგრილა, მოშვებული წაბლისფერი წვერა და თმა ძარღვიანი თითებით აივარცხნა და აღიღინდა:

შენ მოწყვიტე ქორთა ვარდი,
გადმომიგდე საყვარელსაოთ და...

დიღხანს ლიღინებდა იგი. ბოლოს, სიმღერა შესწყვიტა და ხმას აუწია:
— მამუკა, წამოფრინდი ზედ, თვარა ქოჩრით გადმოგიორვე ლოგინი-
დან! გაკეთდა ქვეყანა! მკვდრის მეტს ვის სძინავს ახლა?! ჩქარა წავიღეთ
კალაშაში, თვარა დაგვაშუადღევდა.

მეტყევემ რძიარძიებზე გასაშრობად გაფენილი ძველი სათევზაო ბადე
ნაძვის ძირში მიათრია და თხილის სიმსხო ტყვიებს კანაფით დაუწყო და-
მაგრება.

ფიცრულის უკანა კარიდან თხუთმეტიოდე წლის თმააბურძგნული,
ფეხშიშველა ბიჭი გამოვარდა და ისიც ლელისაკენ გაიქცა.

— ჰაიტ, შე ძილის გუდავ! ავია, წუხელის რომ დამეტრაბახე, დილას
ადგომას მოგასწრებო? ბეწვზე მომასწარი თვარა, ფეხით გადმოგათ-
რევი ლოგინიდან. მასე გინდა შენ კალმახები დაიჭირო?! აბა, ცოცხლად
დატრიალდი, მომეხმარე ბადის გამზადებაში, თვარა კალმახები მისით არ
ამოცივა ქერეხზე. ხუთმეტკავლიანი კალმახები ყოფილა მომრავლებული
კალაშაში, ხუთმეტკავლიანი!.. გუშხამ მითხრა გარსევანა მწყემსმა. ჰოდა,
მოკვდეს ბიჭი ხოხობა, კალმახს ღვინოც მოყობა, დილ, დილაო, დილაო,
დილაო, დილაო, დელიააა დაა... — ისევ აკრიმანჭულდა იგი და მისი რაკ-
რაკი ბახვისწყალს გაღმა საყორნიას კალთებზე გადაიკარგა.

ბიჭმა თვალის დახამხამებაში დაიბანა პირი, ზღარბივით აბურმავსელი თმა ძლივს დაიწყო და მეტყევესთან გაჩნდა. სათევზაო ბადეს ორივე ხე-ლით ჩააფრინდა.

აგარაკ ბახმაროს ნისლი ყაბალახივით წამოეხურა. იგი ბახვისწყლის ზეობაში სქელი იყო, ზევით კი, ბაისურაში თხელდებოდა. მალლა სარკესავით კრიალა ლურჯი ცა მოჩანდა. მზისამოსავალა გორიდან გადმოტყორცნილმა პირველმა სხივებმა ნისლის ზედა ფენები ჯერ ვარდისფრად, შემდეგ ღვინისფრად შეღება.

ბაზარში, მოედანზე, საჯირითო მინდორზე, ბახვისწყლის ხიდზე ხალხი უკვე ჰიანჭველებივით არეულიყო. ვამპვარტლულ სამჭედლოებთან ახალდაჭედილი სადოღე ცხენები ლაგამის გაწყვეტას ლამობდნენ. ყალყზე დგებოდნენ და ვაბმით ხეხივებდნენ. ბალიანის გორაზე კარგა ხანია პირუტყვი საბალახოდ გამოფენილიყო.

— მამუკია, წუხელის ნაღდად გლახა სიზმარი ნახეს კალმას კალმახებმა... ხო... ხო!.. რა იციან საწყლებმა, რა დღეი დაადგებათ დღეს, თვარა შავ ზღვას გაცილდებოდნენ... — როხროხოზდა მეტყევე და ბადეს მარჯვედ ატრიალებდა.

ბიჭიც უსიტყვოდ ეხმარებოდა.

ბადე შეაკეთეს, დახვიეს და კანაფით მაგრად შეკრეს. ტანზე ძველი შარვალ-ხალათი გადაიკვეს. ტყავის გახუნებულ ჩანთაში მჭადი, სულგუნი, არაყი და მარილის ნატეხი ჩააწყვეს... ჩანთა მამუკამ გადაიგდო მხარიდღივ. ხოხობამ ფიცრულიდან ახალ გაფიცებულ მჭადი და ჰყინტი სულგუნი გამოიტანა.

— აბა, მამუკია, ცოტა წავიხემსოთ, თვარა გრძელი გზა გვაქვს გასავლელი და გულზე მოგვისინისილებს,— მოკლედ თქვა მან და ბიჭს მჭადი და ყველი გაუწოდა. საუზმე გემრიელად მიირთვეს, ხოხობამ არაყიც დააყოლა, ფიცრული გამოიკეტა და თავდაღმართში დაემუნენ.

— დღეს კაი ამინდია კალაშაში. ბუნებაც ხელს გვიწყობს, — თქვა ხოხობამ და კანაფით შეკრული ბადე მარჯვენა მხარზე გადაიგდო. მამუკა ჩქარი ნაბიჯით მისდევდა მას. მეტყევის ერთ ნაბიჯს ორი ნაბიჯით ძლივს ფარავდა. ტყავის გრძელი ჩანთა მუხლებზე ებლანდებოდა და ხელს უშლიდა სიარულში.

ბაზარი შეუჩერებლად აიარეს.

საზამთროებით, ხილითა და ბოსტნეულით მოვაჭრე ნაცნობები შეძახილებით და ხელის ქნევით მიაცილებდნენ მათ. ხოხობაც ბადეს განგებ თავმომწონედ მიაჩხრიალებდა.

— გამარჯობა, ხოხობა! კალმასს ღვინო მოყობა! — დაიძახა საპარიკმახეროს აივანზე გადმომდგარმა დალაქმა ასალომ და გრძელი უღვაშები აიგრიხა.

— ხოხობა, ქოჩორი გაისწორე და ბექებში გაიმართე! — გაიხუმრა ტირიდან ვილაცამ.

— მაგი ოქროს კაკალივით ბალანე რომ გადაგირევი, გზაზე დაგმარებოდა! — დაუმატა თეთრხალათიანმა სასადილოს გამგემ.

— სალამოს შენი სტუმრები ვართ!

— კალმახი შენი, ღვინო ჩვენი!

— მამუკია, კალმახმა არ გადაგყლაპოს!

მეტყევე ყველას ხელს უქნევდა და ღიმილით პირდებოდა ხუმტკავლიან კალმახებს.

ერთი მუხლით გადაიარეს ვაკიჯვრისა და ბუქნარის ქუჩები, ბალახით მუხლამდე დაფარული მოყორილის მთა და ერთ რიგში ჩამწყრივებულ მწყემსების კარვებს მიაღდგნენ.

კარვებს უკან უსიერი ნაძვნარი იწყებოდა, უფრო ქვევით კი უღრანი წიფლნარი რომანტიულად დუმდა. სულ დაბლა, ხეობის ფსკერზე ჩაკარგული კალაშა მიჩხრიალებდა. მისი ხმა ძლივს აღწევდა მწყემსების კარვებამდე.

კალაშა პატარა მდინარეა. ყინულისცივი და ცვარივით კამკამა თოვლის წვენი და მორაკრაკე ღელეებით იკვებება. ვეებერთელა კლდეებსა და ლოდებს დიდ მდინარესავით ზათქით ეხეთქება. მისი ხმა შორს გაისმის. სათავეში იმდენად ცივია, რომ კალმახის გარდა, სხვა თევზი ვერ სძლებს მასში.

ცერივით დაკიდებული ნაძვნარი და წიფლნარი კალაშას პირში თხმელებით დაფარულ ვიწრო ჭალას უერთდება. ამ ჭალაში იშვიათად ჩადის კაცისშვილი — თვეში ერთხელ ვინმეს კალმახის გემო თუ მოენატრება. ანდა დაკარგულ პირუტყვს თუ დაუწყებს ძებნას.

მაისის ბოლოს მოყორილის კალთებზე თოვლი იწყებს გაწყვეტას და მწყემსებიც თანდათანობით ამოდიან კარვებში. ხის ფიცრულებს გამოადებენ, სკამ-ლოგინებს, სამფეხა სუფრებს შეაკეთებენ, პირუტყვს ამორეკავენ. სექტემბრის დაწყებამდე სიცილ-ხითხითით, დოლის დუმდუმით, ფანდურის ჩხაკუნით და ომახიანი შეძახილებით აღვიძებენ მიძინებულ ბუნებას, ბუნებას, რომელმაც ცხრათვიანი ზამთარი და სამთვიანი გაზაფხული იცის.

კარვებთან ხოხობამ ყვირილი ატეხა:

— ამირანა! შე ზარმაცო, გამეიხედე გარეთ!

— შოთაია კეჭეხა, შენს მტერს ტყვია ენჯეხა, წამოხტი ზედ!

— დურუბია, შე ხესავით აყუდებულო, წამოჩანჩალდი კალაშაში, კალმახი დავიჭიროთ!

— გარსევანა, ვახშამი დაგვახვედრე სალამოს!

მაგრამ კარვებში აღამიანის ჭაჭანება არ იყო. სიჩუმე იდგა. კარები მაგრად გამოეკეტათ და სადღაც გამჭრალიყვნენ.

— სად გაქრენ ოჯახქორები ამ ცის იალონზე?! შავ ჭირს ხომ არ გაუწყვეტიათ?! — გაიკვირვა ხოხობამ და შეჩერდა. ცხვირსახოცით მხვილი ოფლი ჩამოიწმინდა.

— ბახმაროში თუ წაიღეს ბაზარზე კარაჭი და ყველი, — ეჭვი აიღო მამუკამ, ჩანთა მხრიდან ჩამოიღო და ზედ ჩამოჴდა. მის ხმელ, შავგვრემან სახეს ოფლი არ მოკიდებოდა ჩქარი სიარულისაგან, მაგრამ ლოყები წამოწითლებოდა.

— კი მარა, ყველა ერთად? ბალნებიანა-მოხუცებიანა?! გზაზე ვერ უნდა შეგვცილებოდნენ. მიწამ ხომ არ ჩაყლაპა, ავი ხალხი? მოცდის დროიც აღარა გვაქვს, მამუკა! ჩქარა წავიდეთ კალაშაში, თვარა ველარ ჩავასწრებთ. ისე მისწრება კი იყო ჩვენდა ახლა დურუბიე აყლაყულა, ანდა გარსევანა მაქცაფუნა. საკალმახე ადგილები ზეპირად იციან. მარა მეც მივაგნებ კალმახს. სადამოს დავაყენებ იგენს ცეხად. კარგ ვახშამს გავაწყობიებ... ოლონდ კალმახი დავიჭიროთ და დანარჩენი მე ვიცი! — გულზე ხელი დაირტყა მეტყვევემ და ვიწრო ბილიკზე დაეშვა.

მამუკამაც ისევ წამოიგდო ჩანთა ზურგზე და უკან დაედევნა. ოზონით შეზავებულმა ნაძვისა და ფიჭვის საამურმა სუნმა, მოცვით, შქერიითა და იელით მოფარდაგებულმა ხშირმა ტყემ მალე აამღერა მეტყვევე.

შენ მოწყვიტე ქორთა ვარდი,

გადმომიგდე საყვარელსაო.

მამუკამაც ააყოლა ხმა. ტყემ ექოთი გააძლიერა მათი სიმღერა და სიჩუმეში სიხალისე შეიტანა. დამფრთხალი ფრინველები ნაძვებსა და წიფლებზე აფართხალდნენ. ციყვები ფულუროებში შეძვრნენ. ბუჩქებში მელამაც გაიკანცალა.

გაზაფხული იღიმებოდა კალაშას ხეობაში. ახალგაფოთლილი წიფლები და თხმელები წყნარად შრიალებდნენ. გულჩასისხლული მოცვის ყვავილები, შავად დაჭორფლილი მთის მსხვილი ყაყაჩოები, აგურისფერი ინგირი და ოქროსფერი ბაია სუსტ ნიავქარზე თამამად ცქრიალებდნენ.

ღელეების შესართავებში ჩახერგილ ვეებერთელა ლოდებს და ქვებს ხავსი მოჰკიდებოდათ და მწვანედ ხასხასებდნენ. ნეკერჩხლების, ცაცხეების, წიფლების ხშირ ტოტებში მზის სხივები ძლივს მიძვრებოდნენ და ცვარს აორთქლებდნენ.

სველ მიწაზე ფეხი უცურდებოდათ. ერთხელ მამუკა კინაღამ არ შესკდა ბებერ წიფელას!

ღარტაფებში შემორჩენილ გახუნებულ თოვლს სიძველისაგან მატლებიც კი დასეოდა.

ხოხობამ გადაწყვიტა მდინარეს აღმა აჰყოლოდა. იქ ეგულებოდა საკალმახე ადგილები.

მამუკა ქვიდან ქვაზე მარჯვედ ხტებოდა და მოუთმენლად უფანცქალებდა გული პირველი კალმახის მოლოდინში.

ხოხობამ ღრმა ღარისთვალის შეარჩია და ბაღე მოიქნია. ძლივს ამოათ-
რის იგი. ბაღეში გახლართული დიდი კალმახი გველივით იკლავებოდა და
კანაფის გაგლეჯას ცდილობდა. მზეზე თვალს სჭირდა მისი დაჭორბულილი
სხეული.

დიდხანს იწვალა კალმახმა, იხტუნა, იხტუნა და რიყეზე დალია სული.
ხოხობამ მაშინვე ჩანთაში უკრა თავი.

— ამას ჰქვია, მამუკია, ხუთმეტკავლიანი კალმახიო, რომ იტყვიან. ხომ
ხედავ, ჩანთაში არ ეტევა. აქანა კალაშაა. ასე იცის. აბა, რა გგონია შენ?
რაფერი ღონიერია მერე, ბაღე კინაღამ არ გაგლიჯა?! ახლა ექვსმეტკავლი-
ანებსაც დავიჭერთ. საშულაში იცის. იქით წავიდეთ. გავკეთდით შავი დე-
დალივით, ხო... ხო... ხო... რა კალმახია, ბიჭო!.. — დიდხანს როხროხობდა
გახარებული ხოხობა.

ისევე აღმა განაგრძეს გზა, საშულასკენ.

მამუკა მალე მოიღალა, ვეღარ შეძლო რიყეზე ჩქარი სიარული და ჩა-
მორჩა. ბრტყელ, ხავსმოდებულ ლოდთან სული დაითქვა. ლოდს გაღმიდან
რალაც კატის კნავილის მსგავსი ხმა შემოესმა. ხმა მისუსტებული იყო და
ძლივს მოისმოდა. თითქოს ვიღაცა იხრჩობოდა და უკანასკნელად ხროტი-
ნობდა.

„აღბათ, კვერნაა, ან გარეული კატა, ან ჩხიკვი. ჩხიკვებმა იციან ასე
კნავილი“, — გაიფიქრა ბიჭმა და ჭალაში ქვა გაისროლა.

ხმა მაინც მოისმოდა, ამჯერად უფრო ჩქარ-ჩქარა.

— არა, არც კატას ჰგავს, არც კვერნას და არც ჩხიკვს. აბა რა უნდა
იყოს? — დაიზაფრა ბიჭი და ლოდზე ფრთხილად გადაცოცდა.

ლოდს იქით, ბურთივით მრგვალ ქვაზე სველი თითების ანაბეჭდი შე-
ამჩნია, იქვე ბავშვის გაცვეთილი ფეხსაცმლებიც ეყარა.

— ბაღანას კვალი! ბაღანას ფეხსაცმელი! — წამოიძახა მან და აქეთ-
იქით გაფართოებული თვალეზით მიმოიხედა, ბავშვი არსად ჩანდა.

— მამუკია! რა წელკავი ვაგიდგა, გამოადგი ფეხი!.. ხო... ხო... ხო... რა
კალმახები დაშვარათუნობენ ამ ღარისთვალში! — მოისმა შორს წასულ ხო-
ხობას ხმა.

— ხოხობაა! ხოხობაა! — ისეთი ხმით დაიყვირა ბიჭმა, თითქოს ნა-
დირს შეეფეთა და დახმარებას ითხოვს.

— რა იყო, ბიჭო?! რა გაყვირებს ასე თავგატეხილივით? მგელი ხომ არ
შეგეფეთა! — იყვირა ხოხობამ, ბაღე რიყეზე დააგდო და მამუკასკენ გა-
მოიქცა.

— ხოხობაა... ხოხობა, ხედავ? ა, ხედავ? აბა დახედე აგერ, ამ ქვაზე...
ბაღანას კვალი... ბაღანას ფეხსაცმელიც. — და ძირგამოგლეჯილი ფეხსაც-
მელი ხელის კანკალით მაღლა ასწია.

— ბაღანას ფეხსაცმელიო? ბაღანას კვალიო? რამ გადაგრია, ბიჭო,
შენ?! რა უნდა აქანა ბაღანას?! ამას რას ხედავს ჩემი თვალეზი? — მართლა

ბაღანას ფეხსაცმელია! ბაღანას კვალია! ახალი კვალია! ალბათ, აქანას სიღმე. ამ ქვაზე გაუთევია ღამე. — ხმას დაუწია ხოხობამ.

— ამ ქვებს იქით რალაც ხმადაბალი კნავილიც შემომესმა, აქანას სიღმე არის, — დაუმატა ბიჭმა.

— აბა, მოვნახოთ! — მოკლედ მოჭრა მეტყვევებ, წელში მოიხარა და ქვებზე ოდნავ დაჩნეულ კვალს გაჰყვა. ორმოციოდე მეტრი რომ გაიარეს, პატარა ბრტყელ ქვაზე მიძინებულ ბავშვს წააწყდნენ.

შვიდი-რვა წლის გოგონა კატის კნუტივით მოკუნტულიყო. თვალები მიეხუჭა და მკვდარივით პირადმა გაშეშებულიყო. შავი, ხუჭუჭი თმა ჩანადველებულ, დაწვრილებულ თვალებზე ჩამოწეწოდა. დასიებულ ქუთუთოებს ველარ არხევდა. პაწია გაყვითლებული ხელები მკერდზე დაეწყო. იქვე ეგდო ნაფლეთებად ქცეული სარაფანა კაბაც.

ბავშვმა ოდნავ გააღო დახეთქილი ბაგეები და ძლივს წამოიჩურჩულა: — დედა... დედიკოო... მშიაა...

შემდეგ ხმა ჩაუწყდა.

ხოხობამ ბავშვი აიტაცა, მკერდზე მიიკრა და ტიალ ადგილას გაიყვანა. საგზალი გახსნა, სულგუნის ნაჭერი ამოიღო და ბაგეზე დააწურა. ბავშვმა სისველე იგრძნო, ტუჩები გახსნა და რამდენიმე წვეთი სულგუნის რძე გადაყლაბა. დახეთქილი ბაგეებიდან სისხლმა გამოჟონა.

— დედიკოოო!.. მამიკოოო! დათვი!.. მგელი!.. — უფრო გარკვევით ამოიხრიალა მან.

— ნუ გეშინია, ციცუნია! დათვის და მგელს რა უნდა შენთან! ჩვენ ვართ აგერ. გამეიხედე ჩემკენ. მე ვარ, ხოხობა ბიძიე. მამუკიეც აგერაა. აბა, ვახილე თვალი... ხედავ, რამხელა კალმახი დავიჭირეთ?! ვისი ხარ, ბიძიკელა, ასე ოქროს კაკალივით ბაღანა? — თავზე ხელი ფრთხილად გადაუსვა მეტყვევებ ბავშვს და თვალის გახელა დაუპირა.

— დედიკოო... მამიკოო... დათვი... მგელი... შემეჭამეს... — გაიბრძოლა ბავშვმა და ხოხობას მკერდს მჭიდროდ მიეკრა. თვალის გახელა მოინდომა, მაგრამ ველარ შეძლო.

მამუკა ერთ ადგილზე გაშეშებულიყო. ხმას ველარ იღებდა. ბოლოს, აზრი მოიკრიბა, ხალათი გაიძრო და შიშველ ბავშვს შემოახვია. ბავშვმა სითბო იგრძნო და მაშინვე ხმა გაკმინდა, მიიძინა.

ხოხობას ძარღვიან მკერდზე დაფენილ ბავშვის ხშირ ხუჭუჭ თმას საშულადან მონაბერი სუსტი ქარი ფრთხილად არხევდა.

დასავლეთიდან ნისლი ბურთივით შემოგორდა კალაშას ხეობაში. იგი ჯერ მალლა-მალლა წიფლების კენწეროებზე ხეტიალობდა, შემდეგ მდინარეს გველივით შემოერტყა და ჩააბნელა.

ღრო შეუმჩნევლად გარბოდა. მზე, ალბათ, საყორნიას გადაღმა მიგორავდა...

ხოხობამ ბადე მხარზე შეიგდო. ბავშვი მკერდზე მაგრად მიიკრა და

აღმართს სირბილით შეუდგა. მამუკა ტყავის გრძელი ჩანთის ხაკუნით უკან მისდევდა.

— ვისია აგი ოქროს კაკალივით ბალანა? მისი დედ-მამა, მარტვილი მშობნით ხეს და მიწას ასწორებს. აზრიც რომ დაკარგული აქვს? ნეტავი გადარჩებოდეს და... — ფიქრობდა ხოხობა და კარვებისაკენ მიიჩქაროდა. იქ გაიხსნებოდა ბავშვის საიდუმლოება.

კალაშას ხეობისათვის ჩვეული მოკლე დღე თაფლის სანთელივით მალე ჩამოიფერფლა. ტყეში თანდათანობით ჩამობნელდა. ხეობის სიღრმიდან ბნელი ღამე მწვერვალებისაკენ დაიძრა და ისეთ შთაბეჭდილებას ტოვებდა, თითქოს ხოხობას და მამუკას ამ სიბნელისათვის გამოეტაცნათ ბავშვი.

კარვებს რომ მიუახლოვდნენ, მოყორილზე უკვე ლუსკუმა ღამე იწვა. მწყემსებს მინდორზე დიდი ცეცხლი გაეჩაღებინათ, ირგვლივ შემოსხლოდნენ და დასველებულ ტანსაცმელს იშრობდნენ.

— ამირანაა! ილიკო! გარსევანა მაცქაფუნა! შოთაია კეჭენა! ღურუბია აყლაყულა! გამეიხედეთ აქით! შემომეგებეთ! — ატეხა ყვირილი ხოხობამ და ნაბიჯს აუჩქარა.

მწყემსები არც კი წამომდგარან. სახემოდრუბლულნი, ცეცხლისპირას მუმიებივით გაშეშებულიყვნენ.

— ხოხობაი ხარ? რა გაყვირებს ამხელას! შენ თვითონ გამოყევი აქით! — ბოლოს ცივად გამოეძახა მეტყევეს მოხუცი მწყემსი კოდრატი. ღურუბიას ძაღლმა ადგილზევე შეიყეფა, პაერი შეიყნოსა, წკამუტუნით ხოხობასკენ გაიქცა და ხელებში შეახტა.

მეტყევემ წიხლი კრა ძაღლს. ძაღლი ორ ფეხზე შედგა და ყმული ასტეხა. ისევ მეტყევისაკენ გაიბრძოლა. ყმულიზე ბავშვები გამოიქცნენ. ხოხობას მკერდზე მიკრული ბავშვი რომ დაინახეს, სიხარულისაგან აზღრი-აღდნენ:

— ხოხობა ბიძიას ქეთინო მოჰყავს!

— ქეთინო ცოცხალია!

— ქეთინო არ შეუტამია დათეს!..

და მეტყევეს კალთებზე ჩამოეკიდნენ.

კარვიდან კარავში ტალღასავით გადავიდა სასიხარულო ამბავი. ლამპრის ირგვლივ შემომჯდარი მწყემსები ჯერ შეჩოჩქოლდნენ, შებურთდნენ და შემდეგ გაიშალნენ. მეტყევისაკენ გაიქცნენ. გარბოდნენ კაცები, ქალები, მოხუცები, ახალფეხადგმული ბავშვებიც კი.

ყველაზე უწინ აყლაყულა ღურუბია მიიჭრა მასთან და ბავშვი ხელიდან გამოგლიჯა.

— ქეთუნია, ჩემი ქეთუნია ცოცხალი ყოფილა! შენ გენაცვალე, ხოხობა! სამი დღე-ღამეა ვეძებთ ამ ბალანას, არ იქნა მისი ნახვა! ძროხას გასდია, იმ სამგლეს კალაშასკენ და დაგვეკარგა. მთელი კალაშას პირი გავასწორეთ.

იმედი გადაწურული გვექონდა. ქეთუნია, ქეთინო... ჩემო გოგო... ჩემო სოცოცხლევ!.. ჩემი სიხარული ცოცხალი ყოფილა! ქეთუნა... რაფურცხუნი სტებულა საწყალი ბაღანა!.. — მამაკაცური ბოხი ხმით ვიშვიშებდით მიძინებულ ბავშვს კოცნიდა.

ბავშვს ისევ მკვდარივით ეძინა.

მალე ქეთინოს დედა ნატალიაც თმაგაწეწილი მოიჭრა. სიხარულის ცრემლები ჩამოსდიოდა სახეზე. ქმარს შვილი ხელიდან გამოსტაცა. მკერდში ჩაიკრა და კარვისაკენ გააქროლა, თითქოს შეეშინდა, კიდევ არ დამეკარგოს ჩემი ქეთუნიაო...

— სიწყნარე უნდა ახლა ამ ბაღანას და თავისით გამოშუშდება. სიწყნარე და ძილია მაგის პირველი წამალი. თავისით მოვა ჭკუაზე. დედამისის გარდა, არავინ მიეკაროს ახლოს. ძილი არ გაუტეხვით! — გაიძახოდა კარვის კართან მოხუცი კოდრატია და შიგ არავის უშვებდა.

კარავში ლამპის მკრთალ შუქზე ბალიშებში ჩაგორებულ ბავშვს დიდხანს ეძინა გაუნძრევლად, გვერდი არ მოუცვლია ისე. ნაშუალამევს თვალი ოდნავ გაახილა და იქვე თავსასთუმალთან მჯდომ დედას შეხედა.

— დედიკოო! — ძლივს ამოიხრიალა მან და დასუსტებული ხელები მშობლისკენ გაიშვირა. თვალეზე ცრემლი ჩამოეკიდა.

— დედიკოო! — უფრო ხმამაღლა გაიმეორა მან.

დედამ შვილი მკერდში ჩაიკრა და ჩაკოცნა.

— აზრი დაუბრუნდა! გადარჩა ბაღანა! აწი აღარაფერი უჭირს! სიწყნარე მაინც დიდხანს დასჭირდება. ძალიან დასუსტებულია. კიდევ იძინოს, იძინოს რამდენიც უნდა, სანამ წამოდგომას ვერ შეძლებს. საჭმელი ცოტ-ცოტა აჭამეთ, მაგარი ნაშიმშილებია და ერთად და ბევრი ჭამა აწყენს, — გამოცდილი ექიმევით დაარიგა ქალები კოდრატიამ და კარავს მოშორდა.

კოდრატიას იმედინამა სიტყვებმა მწყემსები ხასიათზე მოიყვანა. აქეთ-იქით გაფანტული ბავშვები ლამპართან შეგროვდნენ. ზეიმი გაიმართა, ზეიმი გადარჩენილი ლორთქო სიცოცხლისა, სამ დღე-ღამეს ტყეში მშვიერ-მწყურვალედ მოხეტიალე სიცოცხლისა.

სანახევროდ მიმჭრალი ლამპარი გამოაცოცხლეს. კვარი დააყარეს და ცეცხლის დაგრეხილი ალი ნაძვის კენწეროებს ასცილდა. ლამპრის შუქზე, დურუბიას კარვის წინ, ლხინი გაიმართა.

ლხინი ცეკვა-თამაშით დაიწყო.

ქეთინოს ძებნისას ეკალ-ბარდებით დაბლოტილი ბავშვები ჩიტებივით გამოფრინდნენ. ფანდურისა და დოლის ხმამ მოყორილის კალთები გამოაცოცხლა და დაბლა, საგვერდულეებამდე ჩააღწია.

ნისლმა გადაიღო, მზისამოსავალა გორაზე გადმოგორებული შევანშმებული მთვარე მორცხვად იზიარებდა მწყემსების სიხარულს და შავი ზღვისაკენ მიფონავდა.

კვარი ტკაცანებდა და ირგვლივ ძინთის მძაფრ სუნს აყენებდა-

ცრემლებით გადმონადენი ძინთი ხმამალა შიშინებდა და ცეცხლს სემ-
ხურვალეს მატებდა.

— მამუკია იმ ბაღანას გადამრჩენელი. მაგან გაიგონა მკრეპუნულმა
გი რომ არ მხლებოდა, ქეთინოს ვერ ვნახავდით! — სახალხოდ განაცხადა
ხოხობამ და მამუკაც ქეთინოს გადამრჩენლად აღდგერძელეს.

— ბარში რომ ჩავალთ, ჩემს გაუხედნელ კვიცს ჩემი ხელით დაგიბამ
ჭიშკართან, მამუკია. შენთვის მიჩუქებია! შენ გადამრჩინე ჩემი ქეთუნე
და ალალი იყოს! ორ წელიწადში ნამდვილი სადოლე ცხენი დადგება. სა-
ქენზე ხტება ახლა, — თქვა ღურუბიამ და ბიჭი მაგრად გადაკოცნა.

მამუკას სიხარულს საზღვარი არ ჰქონდა. ღურუბიას გაუხედნელი
კვიცი მისი დიდი ხნის ოცნება იყო. რამდენიმეჯერ მამამისიც კი მიუგზავნა,
მოგვეიდგო, მაგრამ ვერ დაითანხმა...

მთვარის შუქზე ნაძვებისა და წიფლების ჩრდილები თანდათანობით
დაგრძელდნენ. სათიკნიაზე საბანივით დაკეცილიყო სქელი, მოყვითალო
ღრუბელი. მოყორილზე თავის ნებად მიშვებული პირუტყვი ღამითაც ბა-
ლახობდა. დროგამოშვებით გაისმოდა გახვითქული ულაყების ხეხვინი
და ძროხების შებღავლება.

შორს, დაბლა, კოლხეთის დაბლობზე ელნათურები ციციანათელები-
ვით გაბნეულიყვნენ. უფრო ახლოს კი, კალაშას ხეობაში, სქელი ნისლი
და ბნელი ღამე ისევ უძრავად ჩაჯორგილიყო.

ღბინსა და ალავერღობაში ზაფხულის მოკლე ღამე ხელში შეუმჩნე-
ვლად შემოადნათ.

— აბა, წამოხტი, მამუკია, გვეყოფა ბატივისცემა. წასვლის დროა. კაი
ფეხის ვყოფილვართ. კალმახიზა წამევედით და დაკარგული ბაღანა გადა-
ვარჩინეთ. ჩვენს ტყეს მივხედოთ. ბახმაროში წავიდეთ. — ხმას აუწია ხო-
ხობამ, უკანასკნელი ყანწი ცერზე დაირეკა და წამოდგა.

მზისამოსავალა გორაზე უკვე ახალი დილა იღიმებოდა. შეზარხოშე-
ბული მწყემსები სიმღერითა და ხვეენა-კოცნით მიაცილებდნენ ხოხობას
და მამუკას. ყველაზე მეტად ღურუბია ენვეოდა ყელზე შვილის გადამრ-
ჩენლებს.

შენ მოწყვიტე ქორთა ვარდი,
გადმომიგდე საყვარელსათო და...

დიდხანს გაისმოდა ხოხობას ტკბილი სიმღერა ბატარა ბახმაროს გა-
დაღმა, მოყორილის კალთებზე.





ჯეგალ ქათამაქა

ეს თეთრონი ვისია?

ეს თეთრონი ვისია?!
 ჩემ და ჩემი ძმისია!
 ეს გოგონა ვისია?!
 ვინც აკოცებს, მისია!

ვაკოცე და...
 გოგომ უთხრა მამასა,
 მამა ავარდ-დავარდა,
 ხალხი მოჰყვა დავასა,
 დავას კიდევ დავა და —
 დედაჩემიც ავარდა,
 არ ღირდაო, ამადა.
 მაგრამ...

გოგო გახდა ავადა,
 შევეყვარდი თავადა.
 მამამისის ეზოში
 მაჰახელა გავარდა,
 ჩემს ეზოში „მაყრული“
 შემოსძახა თამადამ.

დრო თაფლობის თაფლივით
 მიჰყვა დღეებს ვნებიანს,
 დედამ სოფელს ახარა —
 ბიჭი დამბადებია.
 დედას ახლა დედები
 მოწიწებით ხვდებიან.

გუშინდელი დედილო
უცებ გახდა ბებია.
ეს ბიჭუნა ვისია?
ვინც აკოცებს, მისია.
ეს სიმღერა ვისია?!
ვინც იმღერებს, მისია...
ეს ქვეყანა ვისია?
ჩემი გული ვისია?
დედის გული ვისია?
განა ვინმე სხვისია?! —
ყველაფერი მისია!

* * *

იავ!.. ო, იავ, სულის ტარიგო,
ეს ცრემლია თუ ნამის ბროლია?
რა ვქნა, ყაყაჩომ მახე დამიგო,
დამიმონა და დამიყოლია.
ვიყავი ფიქრი მარტის წვიმაში
და შენი სევდა მღევდა

მთა-ბარად-

მე რასმე მთხოვდა შენი სინაზე,
მაგრამ ყაყაჩომ არ გამაკარა.
ჩემმა თვალებმა ზეცა მოლიეს
და მიილია დრონი მწიფობის.
რომ დაჰკნებოდით ერთ დროს
ორივე,

რად არ ვიცოდი,
რად არ ვიცოდი!



ნოღარ სოღებჲჲ

კ ვ ა დ მ ყ ო ზ ი

ავადმყოფი მძიმედ სუნთქავდა. გამხდარ, მოგრძო სახეზე ყვითელი ფერი ედო. ტუჩები ჩათეთქოდა. დამღრალი ხელები მკერდთან, საბნის კიდეზე ეწყო.

ავადმყოფის სასთუმალთან შუა ტანის მამაკაცი იჯდა. დაკოყრებული, ვეებერთელა ხელის მტევანი მუხლისთავზე ედო. შარვლის ტოტები წინდებში ჰქონდა ჩატანებული. ფეხზე ძველი წაღები ეცვა — ტალახში ამოსვრილი. ტილოს პერანგის გულისპირი შეხსნოდა. გაუპარსავ, ნერვიულობისაგან დაძაბულ სახეზე ფერი ხშირად ეცვლებოდა. სკამზე ძლივს ჩერდებოდა, ავადმყოფს ხანგამოშვებით მაჯას უსინჯავდა და შეწუხებული თავს აქნევდა.

გარეთ ბნელოდა. ადრე გაზაფხულის სადამო იდგა. წინა ოთახის ფანჯარა ღია დაეტოვებინათ და ქარი ფანჯარასთან ალუბლის ტოტს არხევდა. ოთახის სინათლეზე ყვავილებს ავადმყოფსავით გაყვითლებული ფერი ედო. გარედან ზღვის გაავეებული შორეული მზუილი შემოდოდა. გაწვიმებას აპირებდა.

ავადმყოფმა ქუთუთოები ნელა ასწია, თვალი გააღო.

— შენ კიდევ აქ ხარ, ლევან?

— ჰო, დედა.

ოთახში ათიოდე წლის გოგონა შემოვიდა, ფეხაკრეფით გაიარა და კუთხეში სკამზე ჩამოჯდა. ხელები კალთაში ჩაიწყო და გაიყუჩა.

ავადმყოფმა გამშრალი ტუჩები ენით დაისველა.

— აკი გითხარი, წადი-მეთქი!

— ერთხელ ვიყავი, — გაღიმება სცადა ლევანმა, რომ ავადმყოფი დაემშვიდებინა.

— ღამეა, შვილო, ნათესი საქონელმა არ გააფუჭოს.

— კი, დედა, მივხედავ.

ლევანი ადგა. ცდილობდა თავი ჩვეულებრივ დაეჭირა, მაგრამ მისი გულზე აწვა, სუნთქვა ეხუთებოდა. ამ ორიოდ დღის წინათ მეველედ დანიშნეს. ყანები და ბოსტანი ჩააბარეს მოსავლელად... ხელები ჯიბეებში ჩაიწყო და გოგონას გადახედა, მერე წყნარად კითხა:

— ნახე ექიმი?

— კი, ახლავე მოვა.

— ბავშვს რატომ არ სძინავს?! — თქვა ავადმყოფმა. — ხვალ სკოლაშია წასასვლელი.

— კარგი, დედა, დამშვიდდი. ნუ ჯავრობ, ბავშვი ახლავე დაწვება. — შვილს მიუბრუნდა და უთხრა: — ძილის დროა, დაწეკი. ხვალ ადრე უნდა ადგე.

— მამა, შენ წადი, ბებოს მე მივხედავ.

• მამამ ახლა ყესტით აგრძობინა, დაწეკიო.

— თქვენ თქვენს თავს მიხედეთ, მე არაფერი მიჭირს, — თქვა ავადმყოფმა.

გოგონა ადგა, ფეხაკრეფით გაიარა და ოთახის კარები ნელა გაიხურა. ოთახში მძიმე სევდა იდგა. ლევანი აივანზე გავიდა. ალაგესთან ძალღი მოკალათებულიყო და თავაწეული შარას გაჰყურებდა. შარაზე კაცი არ ჰქაზანებდა. სოფელს ეძინა. ქოჩორა მთები სიბნელეში ისე მოჩანდნენ, თითქოს სცივათ და ერთმანეთს ჩახუტებიანო. უახლოეს ფერდობზე, ერთგან, თითქოს ციციანათელები შექუჩებულანო, ისე ციმციმებდნენ ელნათურები. იქ კოლმეურნეობის კონტორა იყო. იქვე მეღბუნქტია, აფთიაქიც. ექიმი გამოღმა ცხოვრობს. ლევანმა მიდამოს გადახედა, მაგრამ სიბნელეში ვერაფერი გაარჩია — მთვარესაც დააგვიანდა ამოსვლა. თხელ, გაცრეცილ ღრუბლებს ქარი მიერეკებოდა. ზღვა არ ისვენებდა, ავადმყოფივით შფოთავდა. ლევანმა სიჩუმეს ყური მიუგდო, ხმაური რამ ხომ არ არღვევსო.

ოთახში შებრუნდა, ავადმყოფს წყალი მიაწოდა,

უცხად ძალღმა დაიყეფა. ლევანი კვლავ აივანზე გავიდა. სიბნელეში ექიმი შეიცნო და კიბეზე მიეგება. ექიმი ახალგაზრდა ქალი იყო. მესამე წელია ამ სოფელში მუშაობს... ოთახში შემოსვლისთანავე თავზე შემოხვეული ხილბანდი მოიხადა და ავადმყოფს გადახედა.

— ტკივილები აქვს? — კითხა ლევანს.

— არა.

— როდის გახდა ცუდად?

— ნაშუადღევს თავის ტკივილი დაეწყო, მერე გაცივა და სიცხე მისცა. სტრებტოციდი დავალევიე.



ექიმმა ხალათი გადაიცვა. სასინჯი ყურმილი აიღო და ავადმყოფს მიუახლოვდა. ლევანმა საწოლის წინ სკამი დაუდგა. სნეულმა ფეხებს დაეხმარა და ექიმს შეხედა. სიტყვა არ უთქვამს. ექიმმა მაჯა გაუსინჯა.

— თქვენი მეუღლე სად არის? — კითხა მან ლევანს.

— თბილისში.

ექიმმა ცნობისმოყვარეობით შეხედა.

— თბილისში, — გაიმეორა ლევანმა, — ჩაის მკრეფავთა რესპუბლიკურ თათბირზე.

ოთახში კვლავ დუმილი ჩამოვარდა. ექიმმა ავადმყოფი ლოგინზე წამოაყენა. როცა გასინჯვას მორჩა, ავადმყოფს დაწოლაში დაეხმარა და ყელთან თავისი ხელით საბანი შემოუკეცა.

— საშიში არაფერია. — თქვა მერე. — გაციებულია, ამალამ ოფლის წამალი მივცეთ, დილით უკვე კარვად იქნება.

ექიმმა მიიხედა, მაგრამ ლევანი ოთახში აღარ იყო. გვერდით კარებში გოგონა შემკრთალი თვალებით უყურებდა. ექიმს სახეზე მკრთალ ღიმილთან ერთად თანაგრძნობა გამოეხატა.

— მამა წავიდა, — თქვა გოგომ.

— სად?

— ფართობის შემოსავლელად წავიდოდა. — მძიმედ, ნაწყვეტ-ნაწყვეტ თქვა ავადმყოფმა. — ბავშვს რატომ არ სძინავს?! — ოხ, ღმერთო ჩემო! ექიმო, მე არაფერი მიჭირს.

— ნუ ღელავთ, დაიძინეთ.

ექიმმა ბავშვი შეათვალა, ჩემოდნიდან საოფლე წამალი ამოიღო და ავადმყოფს დააღვინა. მერე ბავშვი ოთახში გაიყვანა, სასთუმალთან დაუჯდა და, ვიდრე არ ჩაეძინა, ხმადაბლა ლექსებს უკითხავდა. მას ჰქონდა ნაზი, სანდომიანი სახე, თეთრი ვით თოვლი, და ლოყებზე მკრთალი სიწითლე გადაკრავდა, ბავშვს რომ ჩაეძინა, ექიმი ავადმყოფთან დაბრუნდა. ოთახის სიჩუმეს კედლის საათის ტიკტიკი არღვევდა. ზღვის შხუილიც მიწყნარებულებოდა. ოთახი სუფთად იყო დალაგებული. მაგიდის ნათურა მკრთალად ანათებდა და ყველაფერს ვარდისფერი გადაკრავდა. ექიმი ფანჯარასთან მივიდა. იგი ხედავდა, როგორ ირხეოდა ალუბლის აყვავებული ტოტი. მას ძლიერ მოუწონდა ყვავილოვანი რტოს მოწყვეტა. მის სურვილში იყო ალერსი და სიყვარული, მაგრამ იგი შებრუნდა და შეხედა ავადმყოფს, რომელსაც სახეზე კვლავ ყვითელი ფერი ედო და მძიმედ სუნთქავდა.

აივანზე ფეხის ხმა გაისმა. იმავე წამს კარებში ლევანი გამოჩნდა, სახე გაწითლებოდა. ეტყობოდა, ერბინა.

— მამატიეთ, ცოტა დამაგვიანდა, — სული მოითქვა და განავრძო: — ვიფიქრე ვიდრე ავადმყოფს გასინჯავს, ფართობის შემოვლას მოვასწრებ-მეთქი.

ექიმმა კეთილი ღიმილი შეანათა თვალებში.

— რატომ იჩქარეთ, მე აქ არ ვიყავი?

— არა, როგორ გეკადრებათ!

— ლევან, თუ საქმე გაქვთ, ნუ მოგერიდებთ, ავადმყოფს და-
დავ.

ერთ წუთს ღუმილი ჩამოვარდა. ლევანმა ექიმი შეათვალიერა და უნ-
ლოდა ეთქვა, ნუ სწუხდებითო, მაგრამ ამ დროს ორივე ფეხის ხმამ შეაკრ-
თო. კიბეზე ვიღაც ამოვიდა. ლევანი მაშინვე აივანზე გავიდა. ორიოდ
წუთის შემდეგ დაბრუნდა და ექიმს უთხრა:

— დიმიტრის ქალიშვილია, უმცროსი და ცუდად გამხდარა. უნდა გა-
ჰყვეთ.

ექიმმა სწრაფად წამლები გამოწერა. ლევანს უთხრა, დილით გამოი-
ტანეო. ხალათი გაიხადა, სასინჯ ყურმილთან ერთად ჩემოდანში ჩადო და
კარი გაიხურა. ლევანი აივანზეც არ გაიყოლია. ოთახში მკაფიოდ ისმოდა,
როგორ ჩადიოდა ექიმი კიბეზე. მერე კარი გაიღო და დიმიტრის ქალიშვი-
ლი შემოვიდა.

— ექიმს არ გაჰყევ? — გაკვირვებით კითხა ლევანმა.

— არა. მე აქ დავრჩები. თქვენ წადით, საქმეს ნუ მოსცდებით.

ლევანს სახეზე კმაყოფილება გამოეხატა.

— თქვენი და?

— დედა შინ არის.

ლევანის თვალეზში მადლობა გამოკრთოდა. სკამზე გადადებულ ქურ-
თუქს ხელი დაავლო და გარეთ გავიდა. ქალიშვილმა ჯერ ავადმყოფს გადა-
ხედა, მერე მაგიდაზე დაწყობილ რეცეპტებს. სკამზე ჩამოჯდა და ნიდაყვი
მაგიდას ჩამოაყრდნო. ღია ფანჯარაში მოჩანდა ალუბლის ტოტი, რომელ-
საც ქარი არხევდა და ყვავილებს სინათლეზე ყვითელი ფერი დაკრავდა.
ქალიშვილი ადგა, მიუახლოვდა კარადას და წიგნი გადმოიღო. მაგიდასთან
დაჯდა და კითხვა დაიწყო. მერე შენიშნა, რომ ავადმყოფს შუბლზე ოფ-
ლი დაასხა. ქალიშვილმა საწოლის თავზე გადადებული პირსახოცი აიღო
და სნეულს შუბლი მოსწმინდა. მერე ერთხანს დაჰყურებდა მას. აკრ-
ობობდა ავადმყოფის მძიმე სუნთქვა და უფერო სახე. კვლავ მაგიდასთან
დაჯდა და წიგნის კითხვა განაგრძო. იგი კითხულობდა მოთხრობას დიდ
სიყვარულზე. მაგრამ მალე ძილმა დასძლია, თავი დაუმიძინა, თვალეზი
აუწყლიანდა და სტრიქონებს წაუკითხავს ტოვებდა. ქალიშვილი ადგა.
პირზე წყალი შეისხა, რომ მოცოცხლებულიყო. მერე წიგნი გვერდზე გა-
დადო და ავადმყოფს მიაჩერდა. მან იცოდა, რომ ძილი უნდა დაეძლია.

ალუბლის ტოტი კვლავ ნელა ირხეოდა. ღია ფანჯარაში შემოდრიოდა
გრილი ნიავი, მთელ ოჯახს სურნელს აფრქვევდა. მერე იმ ტოტის მიღმა
ღამე გაიბზარა და ცის დასალიერზე გამოჩნდა სინათლის მკრთალი ზოლი.

ავადმყოფმა უცებ გაიღვიძა. სახეზე ყვითელი ფერი აღარ ედო, სხე-
ულში სიმსუბუქეს გრძნობდა. ქალიშვილმა სნეულის გაკვირვებულ მხე-
რას ცისფრის ფერებით შემკობილი ღიმილი შეაფრქვია და უძილოდ და
წამოსიებული თვალები გაუბრწყინდა.

ვარეთ ალუბლის ტოტს ნიავეი კვლავ არხევდა. ცოტა ხნის შემდეგ ცის
დასალიერზე მშემ გამოიხედა და ყვავილები ოქროსფრად აბრწყინდა.

„ნ უ ს ხ კ“

თვალი გავახილე. ფანჯარაში მზე სხივებს აფრქვევდა. ნებიერად გა-
ვიზმორე და, ხელები უკან რომ გადავწიე, ბალიშის ქვეშ ქაღალდი მომყვა.
მყისვე გამოვიღე. ქაღალდი ოთხად ნაკეცი იყო. გავშალე. ზედ რაღაც
არაბული ასოებით ეწერა. „ნუსხა“, უნებლიეთ წამოვიყვირე და საწოლი-
დან წამოვვარდი.

— თინა! — მთელი ხმით დავიძახე.

ხმა არავინ გამცა.

— თინა! — დავიძახე ისევ.

ცოტა ხნის შემდეგ კარებში ჩემი ცოლი გამოჩნდა.

ხელში რომ „ნუსხა“ დამინახა, საქციელი წაუხდა, ფერი დაეკარგა და
აკანკალდა.

ქაღალდი მაღლა ავწიე და ცოლს თვალისწინ ავუფრიალე:

— რა არის ეს?

მან აწყლიანებული თვალი ქაღალდს შეავლო და ჩემს ფეხებთან და-
ეცა.

მე არ გავნძრეულვარ, მაგრამ გული კინაღამ შემიღონდა. იგი მთელ
ჩემს სიცოცხლეს მერჩივნა. მეგონა, ხელს მიწყობდა, ჩემთვის ზრუნავდა,
თურმე... სხვა ვერაფერი მოვიგონე და გავიმეორე:

— რა არის ეს?

— ლევან, დამნაშავე ვარ, ლევან! — ქვითინით აღმოხდა მას.

— არ იტყვი, რა არის ეს?! — მრისხანედ გავიმეორე.

თინამ თავი ასწია და ნაღვლიანი, სველი თვალებით ამომხედა. სახეზე
სიმტკიცე აღბეჭდოდა. ადგა, დივანზე ჩამოჯდა, ხელები კალთაში ჩაიწყო
და თქვა:

— ნუ გეშინია, არაფერი არ მოგივა: უკვე გამოვცადე, მას არავითარ
ჩი ძალა არა აქვს.

— ეს როგორ?

— რაც შენ დისერტაციაზე მუშაობ, ცივი და უყურადღებო გახდი, —
განაგრძო თინამ, — დილით ცისმარე გასული, ღამით გვიან ბრუნდები შინ.

მე მთელი დღე მარტო ვარ, გვერდით არავინ მყავს, გულის ტკივილი რომ გავანდო. რა ვქნა, შენ ასეთი გულჩათხრობილი არასოდეს ყოფილხარ, ისე დილებ თუ არა, ჩაუჯდები წიგნებს და თავს ერთხელაც ზემოთ აწივს და შენ ვერ გრძნობ, მე კი შენზე ფიქრში ძილი გამიტყდა. წავიფარებ თავზე საბანს და ჩუმად ვტირი. ოჯახში არაფრის გაკეთების თავი არა მაქვს. სულ იმის ლოდინში ვარ, აი ახლა, აი ახლა მოვა გონს ლევანი და დაგვიბრუნდება ძველი სითბო-მეთქი. ამ ხნის მანძილზე ერთხელაც კინოთეატრში არ ვყოფილვართ, ქუჩაში ერთად არ გავგივლია. მრცხვენია ნაცნობების. მეგობრებს შეპარვით არაერთხელ უთქვამთ, ქმართან უკმაყოფილება ხომ არ გაქვსო. არ ვიცი, რა ვუთხრა მათ და ვდუმვარ. პირველ ხანებში ვფიქრობდი, თავისი საქმე აქვს და ჩემთვის არ სცალია-მეთქი. რაც შემეძლო ხელს გიწყობდი, თუმცა შენ ამასაც ვერ გრძნობდი. რა ძვირფასია ჩემთვის შენი ერთი სიტყვა, შენი ერთი შემოხედვაც კი. მე ეჭვიანი გავხდი... შენ ამასაც ვერ ხედავ.

ერთ დღეს უკან გამოგყევი. მინდოდა გამეგო სად მიდიოდი. იმავე დამეს გკითხე სად და ვისთან იყავი-მეთქი. შენ გულახდილად თქვი, ჩემს მეცნიერ ხელმძღვანელთანო, მაგრამ არ დაგიჯერე. მეორე დღეს შენი ამხანაგისაგან გავიგე იმ ქალის ვინაობა. შენ არ ტყუოდი, მაგრამ მე?.. დაგდევი ფეხდაფეხ და გაკვირდებოდი. შენ მასთან გულგახსნილი საუბრობდი, ოხუნჯობდი, ერთად კინოშიც იყავით... შინ წარბშეკრული ბრუნდებოდი, ჩემთან ლაპარაკი არ გინდოდა. ჩემს ხმას რომ გაიგონებდი, სახეზე უკმაყოფილება გეხატებოდა.

ჩემი გულისტკივილი ერთ ჩემს მეგობარ ქალს გავანდე. შევებრალე. მთელი დღე ორივე ვიცრემლებოდით. ბოლოს, მან მკითხავთან წასვლა მირჩია. ქალაქგარეთ ერთ ბერძენ ქალთან წავედით. ისეთი რაღაცეები მითხრა, კინაღამ ჭკუაზე შემარყია. გონება ამერია. შენს თავს უკვე დაკარგულად ვთვლიდი. ქვეყნად აღარაფერი მინდოდა. მეორედ წავედი მკითხავთან. მან ოდნავ დამამშვიდა და მითხრა, ისეთ წამალს გავიკეთებ, ქმარი სულ თვალეში შემოგციცინებდეს, ოღონდ სიტყვა არსად წამოგდესო. მთელი ჩემი საფიცარი დავიფიცე, კრინტს არ დავძრავ-მეთქი.

— კარგი, გასწავლი, — მითხრა მან, — სულ იოლი საქმეა — შენი საკუთარი თმა ჩუმად ქმრის ტანისამოსში—პერანგში ან შარვალში ამოაქსოვე ისე, რომ მან არაფერი იცოდეს! ახლა წადი და თუ არ გასჭრას ამ წამალმა, რაც გინდოდეს, ის მიყავი.

ისე მოვიქეცი, როგორც დამარიგა. მაგრამ შენ ისევ ცივი და უყურადღებო იყავი. კვლავ იმ ქალთან გავიქეცი, მიშველე და ფულებით აგავსებ-მეთქი, დავპირდი. მან მხარზე ხელი დამკრა და მშვიდად მითხრა, ნუ

გემინია, უფრო უტყუარ წამალს მოგცემო. წითელი მიწა, ქათმის ბუბუ-
ლი და ნივრის ქუჩიჩა ძველ კონკებში შეხვია. ეტყობა, შენს ქმარს ძლიერ
რი ნერვები ჰქონია, პირველმა წამალმა იმიტომ არ გაჭრაო. ^{ეხმარება}
ღვთის ნაბოძები სახლში. როცა შენ მუშაობდი, მიწას მაგიდის ქვეშ ჩუ-
მად გიყრიდი, ბუმბულსა და ნივრის ქუჩიჩას კი ვწვავდი და კეამლს ზე-
მოდან ვეფარებოდი, ასე ვეწვალე მთელი ათი დღე. მაგრამ წამალმა არ
გასჭრა.

— იცი, რა ვქნათ. — მითხრა ჩემმა მეგობარმა, — ის ქალი და შენი
ქმარი ერთმანეთს წავკიდოთ.

— როგორ?! — გოცებით ვკითხე, თანაც შემეშინდა, ამით შენთვის
არაფერი შევნო.

— ბებიაჩემიდან გამიგონია, — განაგრძო მან, — ძაღლები ერთმანეთს
რომ წაეკიდებიან, იმ ადგილას მიწა უნდა აიღო და ნაწილი ერთის სახლის
წინ დაყარო, ნაწილი კი მეორის სახლის წინ. ისინი ერთმანეთს იმ ძაღ-
ლებივით წაეკიდებიანო.

დავუჯერე. სად არ ვიარე, რომ ასეთი მიწა მეშოვა. ბოლოს, როგორც
იქნა, ვიშოვე იგი. დღე დღეს სცვლიდა. კარებში შემოსულს რომ დავინა-
ხავდი, სახეში შემოგაჩერდებოდი, აი ახლა, აი ახლა მეტყვის თავის ამბავს-
მეთქი, მაგრამ თქვენ ჩვეულებრივ განაგრძობდით ერთად მუშაობას...

იგი დაფიქრდა, ტუჩები ჩაეთეთქა და ყელზე მომდგარი ნერწყვი
ძლივს გადაყლაპა. ეტყობოდა, სიტყვის თქმა უჭირდა. მერე ნაღვლია-
ნად შემომხედა. მე ვერ გავუძელი მის შემოხედვას და პირი მო-
ვარიდე. ერთხანს დუმილი ჩამოვარდა. ჩემთვის უკვე ყველაფერი გასა-
გები იყო.

— აქ რა სწერია? — ქაღალდი ვუჩვენე ჩემს ცოლს.

— არ ვიცი.

— აბა, ჩემი სასთუმალის ქვეშ რატომ დადევია?

იგი ისევ დაფიქრდა და განაგრძო:

— როცა არაფერმა გასჭრა, კვლავ ბერძენ ქალთან გაგიქეცი. იმ ბერ-
ძენმა ქალმა ვილაც დედაბერზე მიმასწავლა. დედაბერს ყველაფერი და-
წვრილებით ვუამბე. მან გაიცინა და მითხრა, ნურაფრის ვეშინიაო. მომცა
ეს ქაღალდი და მასწავლა, შენი სასთუმლის ქვეშ დამედო, შენ არაფერი
გცოდნოდა, ისე.

— რამდენი დღეა, აქ დევს?

— ოცი.

დუმილი ჩამოვარდა. უეცრად ვიგრძენი, რომ გავწითლდი. ჩემს ცოლს
ქვითინი აღმოხდა.

— რაც შენ თქვი, ყველაფერი მართალია? — ვკითხე ბოლოს.

— მართალია, ყველაფერს გეფიცები, მართალია. მე მინდოდა შენ და
ყვარული, შენი სიბზო. ეს კია, სისულელე ჩავიდინე, მაგრამ გეწინაა
მიგო მე, გამიგო შენ, ჩემო ლევან! ჩემს ოჯახში თავს მართო არ მინდა
ვგრძნობდე.

აი ეს არის ჩემი დანაშაული, ლევან, მხოლოდ ეს.

ქალღი დაგკუწე და ვთქვი:

— იქნებ, მე უფრო მეტი დამნაშავე ვარ, თინა!

თინა უცებ წამოხტა, ყელზე მომეხვია და აქვითინდა. ცრემლი ვერც
მე შევიმაგრე.

ჩვენ ორივენი ვგრძნობდით ჩვენს დანაშაულს და ერთმანეთისათვის
თვალეში შეხედვის გვრცხვენოდა.





ლალ სიღიზივილი

ბათუმის ნაკვეთთან

აქედან იწყება ზღვა უზარმაზარი...
 ზღვაში თევზებია, ქვიშაზე ნაკვალევი;
 ზღვას გამოუგდია დაგლეჯილი მაზარა,
 ომის დროს რომ წაუღლიათ მატარებლით.
 ზღვა უზარმაზარი იწყება აქედან...
 აქეთ ქვიშაა, იქვე პატარები
 თამაშობენ დიდხანს. მერე ლაქებად
 ქვიშაზე რჩება ნაკვალევი.

* * *

შენ იცი ღამის იღუმალება...
 შენ იცი ღამის ტკბილი საუბარი...
 აქ არაფერი არ იმალება, —
 ასეთს საუბარს სხვასაც გაუბამდი.
 მაგრამ მე მინდა შენი სიჩუმე,
 შენი ჩურჩული და შენგან დაღლა...
 ამ სიჩუმეში მე არ ვიჩემებ
 რალაც სხვა დიადს და უფრო მაღალს.



ბიოგრაფიკალიგრაფიკა

ველურს

ველურს იმ მაღალსა და გაზინთულ კაცს ეძახდნენ, რომელიც ყოველ განთიადზე ჩექმების ბრახუნითა და მხარზე გადებული წყვილი ნიჩბით მიემართებოდა ნაპირისაკენ. მთელ დაბაში მხოლოდ ორ კაცს ესალმებოდა — მეთევზეთა კაფეს მზარეულსა და კოჭლ ფოსტალიონს. მათთან თამამად ეჭირა თავი. სხვებს კი გაუბრუნდა და ერიდებოდა. საღამოობით მართო ჯდებოდა კაფეს სარკმელთან, დაიდგამდა წინ ლიტრა ღვინოს და ნელ-ნელა წრუპავდა. შინ ყოველთვის იმ დროს ბრუნდებოდა, როცა შუქურის კომკზე ნაშუაღამევის ზარს ჩამოჰკრავდნენ.


მაგრამ აი, ორი დღე გავიდა, რაც ველური შინიდან არ გამოსულა. სანაპირო კაფეში სულ უფრო ხშირად ახსენებდნენ ამ პირქუშ მეთევზეს.

როცა თევზაობიდან ბრუნდებოდა, ნავს თავთხელ წყალში გააჩერებდა, რათა ადვილად აეთრია ნაპირზე. ნავი დიდი იყო, მძიმე. ფსკერი ფისის საცხით ამოებოხათ და წყალს არ იკარებდა. ნავს მაღალი ქიმი, ოდნავ წაწვეტილი ცხვირი და პატარა, კნაჭა ანძა ჰქონდა. ამ ანძას ლადიმე იშვიათად ხმარობდა. იგი ფსკერზე ეგდო, ხის მძიმე ყუთთან, რომელშიც ათასნაკეროანი აფრა ჩაეჭუჭკა. აქ ნაპირი ყვითელი იყო. სილა ნავების შემკეთებელ სახელოსნომდე აღწევდა და მერე ვიწრო ზოლად გასდევდა ნაპირს. ლადიმე პაპიროსს გააბოლებდა, სულს დაითქვამდა და თევზის დახარისხებას შეუდგებოდა. დიდ თევზებს ცალკე გადააწყობდა, პატარებს ნავის ფსკერზე ყრიდა და მერე დაბის ბიჭებს უბრუნებდა, რომლებიც ამ თევზებს სატყუარებად ჰქრიდნენ. დაბის ბიჭებს არ ეშინოდათ ლადიმესი. ისინი ჯგროდ ტრიალებდნენ მის ნავთან, ეხმარებოდნენ ხარიხების დადგმაში და უცხოური სიგარეტებით უმასპინძლებოდნენ. ლადიმეს უცხოური სიგა-

რეტების გემო იმდენად არ მოსწონდა, რამდენადაც ბრჭყეილა კოლოლო-
იდის კოლოფები, რომლებშიაც ისინი ეწყო. ბიჭებმა იცოდნენ ეს და სი-
გარეტები კოლოფებიანად მოჰქონდათ. ბავშვები ხილამდე ატყუებდნენ
მულამ. ზოგი ნიჩაბს წაუღებდა, ზოგი სათევზაო საჭურვლით სავსე კალათს.
ლადიმე უყურებდა მათ და თვალეში უცნაური შუქი უკრთოდა. ხილთან
ერთბამად შეჩერდებოდა, გამოართმევდა ბავშვებს ნიჩბებსა და კალათს,
ნაღვლიანად გაიღიმებდა: „აბა, გეყოფათო“, და უკან მოუხედავად მიდი-
ოდა მეთევზეთა კაფესაკენ. იქ ფინჯან ყავას, იაფ სადილს და ბოთლ ღვი-
ნოს მიირთმევდა. ბევრი თევზი არასოდეს დაუჭერია. არც ცდილობდა.
ზღვაში დილაბნელზე გადიოდა და უკან მამინ ბრუნდებოდა, როცა შუ-
ადღის მზე გაათბობდა თავთხელ წყალს და ყვითელ ფსკერზე, ნიჟარებსა
და წყალმცენარეებს შორის, პატარა ათასკვები დაიწყებდნენ ხტომასა
და რიალს. ნადავლს — ერთ აცმა თევზს ყავარივით გამხმარი მზარეული
თორნიკე ყიდულობდა. თორნიკე უხმოდ გადაუთვლიდა ფულს, გაჰკეცა-
ვდა და თევზის გვერდით დაუღებდა. ლადიმე ჭამდა აუჩქარებლად,
ჩანგალს ძალზე ფრთხილად ამოძრავებდა და ცდილობდა პურის ერთი ნა-
მცეციც არ გავარდნოდა. როცა ყავას მორჩებოდა და ღვინოს გადაჰკრავ-
და, ფულს დაუთვლელად ჩაიდებდა გულის ჯიბეში, პირს უზარმაზარი
ჭრელი ცხვირსახოცი თეიწმენდდა.

— წავალ ახლა შინ, — იტყოდა შეწუხებული, თითქოს მართლა აკა-
ვებდა ვინმე, და გახუნებულ შლაპას თვალეზამდე ჩამოიფხატავდა.

მისი სახლი დაბის ბოლოს იდგა, ბორცვაკზე. ამ ბორცვაკს იქით ღე-
ლიანი და სიმინდის ყანები იწყებოდა. ჯახველისა და მაყვლის ხოკერა
ბუჩქებში გარეული გვრიტები ბუდობდნენ. ზამთარში, როცა თოვლს და-
სდებდა, გვრიტები ლადიმეს სახლთან მოფრინდებოდნენ, ჩამოჯდებოდ-
ნენ ლამფებზემპალი საბძლის სახურავზე და დაფეთებული აცეცებდნენ
თვალეზს. გვრიტებს გარდა, არავის გაახსენდებოდა იმ თოვლუხვსა და
ქარიან ზამთარში პირქუში მებადური. იყო მასში რაღაც ისეთი, რომელიც
შიშს გგვრიდა, გაფრთხობდა და უსიამო გუნებაზე გაყენებდა. ვერავის
აეხსნა, რად აირჩია საცხოვრებლად ეს უმეზობლო და მივარდნილი სახ-
ლი, რომელიც წინანდელი პატრონისაგან ჩალის ფასად იყიდა, რად დაა-
დო ჭიშკარს მძიმე ურდული და რად ჩააყოლა ღობეს რკინის წვეტიანი
ბუნიკები. მეთევზეებმა პირველი დღიდანვე აითვალისწინეს იგი, აითვალის-
წინეს და ზურგი შეაქციეს, რადგან ლადიმემ, მეთევზეთა კოლმეურნეობა-
ში შესვლის ნაცვლად, სამადგილიანი ნავი დაუკვეთა, აიღო ნებართვა და
მარტოდმარტო გავიდა ზღვაში. ცარიელი არასოდეს დაბრუნებულა ზღვი-
დან. ხანდახან, ყინვიანსა და ქარიან ამინდში, თევზი ორმოებს აფარებდა
თავს, ან ჩრდილოეთისაკენ დაიძრებოდა. თევზის ქარავენებს ამაოდ დაეძე-
ბდნენ აჩენილ წყლებში სეინერთა ექოლოტები. მაგრამ ლადიმე მულამ
ერთსა და იმავე დროს მოაყენებდა ნავს სანაპიროზე, გაკეცავდა აფრას, გა-



აბოლებდა პაპიროსს და ცოტა ხნის შემდეგ, სულდათქმულად და დამშვიდებით, შეუდგებოდა ნაღველი თევზის დახარისხებას. ერთხელ დასრულდა სამთარში, ორი უზარმაზარი ქამბალა დაიჭირა და მზარეული თორნიკე საშუალოდ მოხიბლა ამ უკარება და გოროზმა კაცმა.

- როგორაა შენი ველური, — ეკითხებოდნენ მეთევზეები თორნიკეს.
- რა უჭირს, ალბათ, კარგადაა.
- რაზე ლაპარაკობდით გუშინ?
- არაფერზე.
- კაი, ერთი, აბა, მუნჯებივით იჯექით მთელ ღამეს?
- ჰო.
- მართლა არაფერი უთქვამს?
- სინდისს ვეფიცები... იჯდა და ღვინოს სვამდა მარტო.
- რაცხა მათ არ უნდა იყოს მთლად დაწყობილი ჭკუის.
- რა ვიცი...

დაბაში ხმები დადიოდა, თითქოს იქ, სხვა სოფელში, სადაც წინათ ცხოვრობდა, ცოლი ჰყოლია, თითქოს იქ, სხვა სოფელში, მეგობრების მოყვარე და პატივისმცემელი ყოფილა. იმასაც ამბობდნენ ჩუმად, რომ ერთხელ, როცა გვიან დაბრუნებულა შინ, ცოლს წასწრებია თურმე... ამის შემდეგ მთელი ორი თვე იავადმყოფა, დაჩიავდა, თვალეები ჩაუცვივდა, გულჩათხრობილი და უკარება გახდა. გაზაფხულზე აკრიბა თავისი ბარგი-ბარხანა, დააწყო დანჯღრეულ ფურგონზე და, არავის რომ არ დაშვებოდა და არავისთვის სიტყვაც რომ არ უთქვამს, სოფლიდან წავიდა.

ლაღიმეს ზღვა უყვარდა. სამთარ-ზაფხულ ბანაობდა. ნაწვიმარზე ზღვამ გადარევა იცოდა. დაბაში შორიდან ისმოდა, როგორ მსუოდა წყალი, როგორ ეხათქუნებოდა კლდეებს. ასეთ ამინდში ლაღიმე მარტოდმარტო დაჯდებოდა პატარა ფანჩატურში, სახეს ტალღების მტვერს მიუშვერდა და ფიქრობდა. მეთევზეები კარგა ხნის შემდეგ შეეჩვივნენ მის არსებობას. უკვე აღარ აღიზიანებდათ მისი გამოჩენა, აღარ გააყოლებდნენ ეჭვიან მხერას, როცა კაფეში ძეხვისა და ღვინის საყიდლად შევიდოდა. ლაღიმე იშვიათად თუ იპარსავდა წვერს. შავი, ზიმზიმა წვერი ჰქონდა. მაგრამ ორ თვეში ერთხელ, ისიც დიდ თავსხმაში, დალაქთან შეივლიდა, მორიდებით მიესალმებოდა იქ მყოფთ და სკამზე ჯდებოდა. ამის შემდეგ ყველამ იცოდა, რომ ლაღიმე კლუბშიც შეივლიდა. კინო უყვარდა. ერთი სკამი ჰქონდა ამოჩემებული უკანა რიგში. დაჯდებოდა, ჭუჭყიან, გაცრეცილ შლაპას ილიაში ამოიჩრია, ფეხს ფეხზე გადაიდებდა და ასე უჩუმრად, გალურსული იჯდა ფილმის დამთავრებამდე. მერე, როცა სინათლე იფეთქებდა, წამით შეცბებოდა, საჩქაროდ დაიხურავდა შლაპას, ზედ თვალეებზე ჩამოიფხატავდა და ვასწევდა გასასვლელისაკენ.

- ველური მოსულა, — იტყოდა ვინმე.
- ფილმები უყვარს.



ქართული ენის
საქართველოს
საქართველოს
საქართველოს

— რაღა მოგეწონა, ლადიმე, ფილმი?

ლადიმე არც მობრუნდებოდა, გაწითლდებოდა, თავს ჩაიკურთხებდა — ბიჭს აუჩქარებდა.

მაგრამ ეს ორი დღეა ველური აღარ მოსულა კაფეში.

ზღვაზე ნამდვილი სათევზაო ამინდი იდგა. ღამით წვიმდა, დღისით კი მზის მცხუნვარე სხივები ლიცლიცებდნენ ზღვის ზედაპირზე. თორნიკემ შებინდებას დაუცადა, მერე მეზობლის ბიჭს დაავალა, გაეგო რას აკეთებდა ველური. ბიჭმა პირველად შორს დაიჭირა თავი, მერე უცებ დათანხმდა და გაიქცა.

რკინის ვეება ლოგინზე იწვა ველური. იწვა და მძიმედ სუნთქავდა. როცა ცა გამუქდა, წვიმამ წამოიშინა. ფანჯარა ღია იყო. დავხურავო, — იფიქრა ლადიმემ, წამოიწია, მაგრამ თავი საშინლად ტკიოდა. რაღაც მძიმე და უსასველო გასრესით ემუქრებოდა, და ამ მუქარას სწორედ მაშინ გრძნობდა, როცა წამოდგომა ეწადა. ღია სარკმლიდან მთებიც ჩანდა, ჩანდა ბალის ბოლოში აღმართული ხეთა მწვერვალები. ლადიმემ ჩასთვლიმა. და როცა თვალი გაახილა, გაიგონა, როგორ ბრახუნობდა საწვიმარი მილი. გონება ებურებოდა. რაღაც ხმა შორეულ და უცნაურ საგალობელივით ჩაესმოდა. ხანდახან იგი ხედავდა გზას, აგურის პატარა ნამტვრევებითა და ხვინჭით დაფარულს. ამ გზით იგი მიდიოდა ნავების შემკეთებელ სახელოსნომდე, ამ გზით მიდიოდა იგი კაფემდე, ამ გზით ბრუნდებოდა უკან. მას ესმოდა საკუთარი ნაბიჯების ხმა და უკვირდა... წვიმა მატულობდა. წვიმა წკანწკარებდა ფანჯრის რაფაზე. „მწყურია, — გაიფიქრა მამაკაცმა, — რახანია მწყურია“. გრძნობდა, როგორ უხეურდა მეგრადი, სასა გაუშრა. „ხვალ გადაიღებს წვიმა, — ფიქრობდა. — მზე ააშრობს გზას და თავთხელ წყალში ლიფსიტები დაიწყებენ ბოყირს“.

უცებ რაღაც ფაჩუნი მოესმა. ეს ფაჩუნი მან ხეებისა და საწვიმარი მილის ხმაურისაგან გამოჰყო და ყური ცქვიტა. სარკმელზე პატარა ბიჭი იჯდა. ამდენი ხნის მანძილზე პირველად ესიამოვნა ადამიანის დანახვა. „რამაზი თვალები აქვს ამ პატარა ადამიანს“, — გაიფიქრა. მერე რაღაც გაახსენდა და მოიღუშა. „წვიმა შეწყდება და მეც დავიძინებ. რა სისულელეა“.

— ძია, — დაუძახა ბიჭმა, — ძია!

— ჰო, რა გინდა? — კითხა ველურმა. — მომეცი წყალი, მანდ, კასრში, წყალია, მომაწოდე.

ბიჭს შეეშინდა. იფიქრა, შემიტყუოს უნდაო, და ჩასახტომად მოემზადა.

— ავად ხართ? — კითხა ჭოკმანით.

— საიდან მოიგონე?! — გაბრაზდა ველური, — ჰმ, საიდან მოიგონე, ა? — ცარიელ კათხას წაეტანა.

ბიჭს ეგონა — ახლა მესვრისო და გაქრა. მაგრამ ჭიშკართან მისულს, საშინელი ხმაური და ამოხვნეშა მოესმა. ისევ მიბრუნდა, აბობლდა და თანაურაზე და იატაკზე გაშხლართული მამაკაცი დაინახა. დაინახა და შევიწყნდა. ათი წუთის შემდეგ ნახევარი დაბა ლადიმეს ჭიშკართან შერგოვდა. ვერავენ ვერ ბედავდა შიგ შესვლას.

— ადამიანები არა ხართ, იქნებ კვდება, — თქვა მსუქანმა ქალმა, რომელიც თევზის მიმღებ წერტში მსახურობდა. — თქვენ კი აქ დგახართ და ხვრელიდან უციცქირებთ. — მერე მაგრად ჰკრა ხელი ჭიშკარს. ჭიშკარი გაიღო. კიბე ხისა იყო და ჭრაჭუნებდა. კარი გადარაზული დახვდათ. შეყოყმანდნენ. ერთხანს ქლიბი უჯახუნეს საგდულს, იქნებ ავარდესო, და, როცა ამან არ გაჭრა, ნაჯახით შეამტვრიეს კარი.

ველური იატაკზე იწვა. საშინელი სანახავი იყო. თვალები დაეხუჭა და მძიმედ სუნთქავდა. სიცხისაგან იწვოდა და ბოდავდა.

— ფილტვების ანთებაა. — თქვა ექიმმა, როცა ავადმყოფი ნახა.

ქალებმა მიმოიხედეს, „ცოდოა“, — ამოიხბრეს და სახლის დალაგებას შეუდგნენ. ვიღაცამ ქათმები დააპურა და ეზოში გაუშვა... აყლაყულა დალაქი და მისი ჩოფურა ბიჭი აფთიაქში აფრინეს წამლებისათვის, ხოლო კოკლმა ფოსტალიონმა ერთხელ კიდევ დაუმტყიცა დაბელებს, რომ არაფრით არ ჩამოუვარდებოდა მუხლმაგარ ვაჟკაცებს. შინიდან თვალის დახამხამებაში ამოარბენინა თხის ქონი. ეზოში წყალი იდგა. მამაკაცებმა თოხები მოიმარჯვეს და არხი გაიყვანეს. გამოცოცხლდა კერია. ვინ თაფლი მოუკითხა ავადმყოფს, ვინ ლობიო და სიმინდის ფქვილი, ვინ ყველი და კვერცხი... ოთახში ფეხაკრეფით დადიოდნენ. მორიგეები — ღამისმთევლები გამოჰყვეს და დამშვიდდნენ.

ერთხელ წვიმამ გადაიღო. მაგრამ მზე არ ამოსულა. ზღვა კიდევ უფრო გადაირია, ბეტონებში დატანებული აკაციის მორები მოვლიჯა და წაიღო.

როცა ლადიმემ თვალი გაახილა, პირველად ცა დაინახა, დაინახა ჩიტვამლას აყვავებული რტოები და თეთრი ღრუბლები. ოთახში ახალგაომცხვარი მჭადისა და წვნიანის საამო სურნელი იდგა.

კუთხეში ვიღაცეები ისხდნენ.

შეშინდა. მიმოიხედა. თვალები აემღვრა და აუსიორდა. წამოიწია. მკლავები მოუღუნდა. თავი დაუბრუნდა და ბალიშს მიენდო. ბალიშიც საოცრად რბილი ეჩვენა. კარგა ხანს იყო ასე, თვალი არ გაუხელია. მძიმედ სუნთქავდა.


— მალე ექიმი მოვა, ნემსის გაკეთების დროა, — თქვა ვილცამ.


— სიცხემ დაუკლო? — იკითხა ვილცამ.

— კი, დაუკლო.

— აბა, აწი არაფერი უჭირს.

ლადიმეს ესმის ზღვის შხუილი, გრძნობს, როგორ ეხმიანება გული ზღვის ბობოქარ რიტმს. თვალდახუჭული წევს. შორს, გონების კუნჭულში იგი ხედავს მზის თბილი ჩქერალებით ალიცლიცებულ ზღვის ფსკერს, რომელიც მომწვანო ფერის ნიჟარებითაა სავსე. ხედავს მეთევზეთა ნავეებს, ხედავს ბავშვებს, რომლებსაც მისი ნიჩბები მოაქვთ, და იღიმება.





ვლადიმერ მაიაკოვსკი

წერილი მოლჩანოვის მიერ მიტოვებულ

ს ა ტ რ უ ო ს

იმ ამბავს, თუ როგორ მიატოვა მოლჩანოვმა თავისი სატრფო, იტყობინებოდა „კომსომოლსკია პრავდის“ 219-ე ნომერი ლექსით „პემანი“.

მოლჩანოვმა რომ
მიგატოვებდა,
გამიგონია,
ვიცი მიზეზიც,
რისთვის მოხდა
საქმე ავითი:
შემოდგომისთვის
არა გქონიათ
გადასარევი
თურმე
ჟაკეტი.
ლურჯ თავსაფარს
გირხევს ქარი,
გვეც თვალში
ეკლად ესო:
რად გხურავსო
თავსაფარი,
თანაც...
გამჩნევ
სიბერესო.
მიყვარს

ქალის
მკვრივი მკერდი,
მოელვარე
მიყვარს
ბავე,
მაგრამ ასეთს
თუ ვერ შევხვდი,
მაშინ ვნახავ
ისეთ ვინმეს,
ვინც ატარებს
ძვირფას ჟაკეტს.
მეწვრილმანის
უღვას სული,
სისაძაგლე
ლექსში ჩადო,
სურს ბაზისი
მარქსისტული
ქალის ჟაკეტს
შეუფარდოს.
„მწარე წლებისთვის
და წამებისთვის

არ მეკუთვნოდა
სიმშვიდე მინდად?
ამ მოკამკამე,
ლაყვარდი ცისქვეშ
მინდა ვიცინო,
მიყვარდეს მინდა.
ვასწორებდი დღის და ღამეს
ხან ქვეითად, ხანაც რაშით,
გზას ვკაფავლი,
ხიდს ვაგებდი,
სოციალიზმს ვაშენებდი.
ვაშენე და დავილაღე,
დავისვენე ხიდის თავში.
აქ ბალახი იწვევს მალლა,
ხიდზე ვხედავ ღამაზ ბატკნებს,
ჩვენ უბრალოდ გვინდა ახლა,
ამ ცხოვრების ეშხით დავტყბეთ.
შეახვიეთ ეს დროშები.
წყალს ჩაყვურებთ
გამჰვირვალეს,
იღერებენ ყელს შროშნები,
მალლა ლურჯი ცა კრიალებს.
მიტოვებულს.
ნუ გაშინებს,
რომ დადაფნულმა
პოეტმა
ოქროს სიტყვებით
დაგჭრათ.
მჭევრმეტყველებდა
ის
გაწაფულად,
თქვენ
უპასუხეთ
უბრალოდ,
მკაცრად:
— კმარა,
ტყბილად ნულარ
მღერით.
ვთქვათ,
მე არა ვარ

ნორჩი ქალი.
თქვენ —
ნამდვილად ხართ
ბებერი.
თქვენ
და
თქვენი
პასტორალი.
ამ ყაყეტით
ფერხულს
უვლის
პეტროვკაზე
ქალთა
ბანდა.
ეს ყაყეტი
პოლონური
ჩვენში
მოაქვთ
კოტრაბანდად.
შეგისყიდათ
მუშამ
ფულით?
ჩემს თავსაფარს
ჩვარად
თვლიდით?
სესხით
ინდუსტრიალურით
სჯობს
გვიშველოთ —
ექსოვოთ ჩიითი.
თქვე
ჩერჩეტო
მოლჩანოვო,
ჭკვაში
როდის
ჩავარდებით?
გესიზმრათ, თუ
მოგეჩვენათ
ეს უღრუბლო
ლაყვარდები?


თქვენს ოხვრავში,
ცრემლის თქვეში
მდინარესთან ყვავილებში,
სადაც ნატრობთ
სატრფოს ტუჩებს,
უცხოეთის სუნი თუ გცემთ?
იქ, სად დაჰქრის ტრფობა
ქარად,
თუ მოგესმის მტრის მუქარა?
სიმშვიდეზე

რომ ოცნებობთ,
თქვე უნიჭო
კალმოსნებო,
ფუყე გული გიცემთ მკერდში,
არ უდგახართ ჩვენს დროს
მხარში,
ხელს ნუ გვიშლით
მანევრებში,
ხალხის
მობილიზებაში.



თარგმნა გიორგი სალუქვაძემ.





საკრები მიხალკოვი

შ ტ ი ლ ი

სანაპიროზე წყალმცენარეების, ფისისა და თევზის სუნი იდგა.

სანკა და მიტიაი დამხოზილ სათევზაო ნავებსა და გასაშრობად გაფენილ ბადეებს შორის იდგნენ. ჩამავალი მზე მკრთალად ანათებდა: ერთს თვალბში, მეორეს — ზურგზე.

— აბა, მოიტა! — გაიმეორა სანკამ. — ა?

— სჯობს, ნაპირს გავყვები, — უპასუხა მიტიაიმ.

— შეხე!.. ნავით უკეთესია.

— უფრო შორსაა...

— შენც ამბობ, რა... „უფრო შორსაა“. მე და ჩემი ძმა ერთხელ მეთევზეთა უბნამდე საათნახევარში მივედი. ესეც შენი „შორსაა“.

— ფეხით კი ერთ საათში შეიძლება მივიდეთ, — ყოყმანით თქვა მიტიაიმ.

— მაინც ნავით სჯობს...

სანკამ გადმოაბრუნა ნავი, ჩააწყო შიგ ნიჩბები და წყლისკენ უბიძგა.

— მაგ ნავისათვის კარგად მოგვხვდება ძმისაგან! — მოგვიანებით უთხრა მიტიაიმ, რომელიც კვლავ გვერდზე იდგა.

— მე მომხვდება? შენც ამბობ, რა. — ჩაიცინა სანკამ. — როგორ მომხვდება, როდესაც ის სამი დღით ქალაქს გაემგზავრა, შოფრის საბუთებისათვის... აბა, რას უცდი, მამეშველე!

შიშველი ფეხებით სილაში ჩაეფლნენ, ნავს მიაწვინენ და წყლისკენ ქაჩვა დაუწყეს.

— აბა, ერთი კიდეც, მივაწვეთ.

— მარტო შენ წყალშიც გავიქირდება, ხედავ, როგორი მძიმეა!

— მიმეა? ამბობ რაღა! ოღონდ წყალზე დადგი და მერე მისით წავა
აბა, მიტიაი, მივაწვეთ ერთხელ კიდევ!

მოვარდნილმა ტალღამ მსუბუქად აიტაცა ნავი, დაარწია და
ტალღას მიაჯახა. სანკა უკვე შიგ იჯდა და ნიჩბებს ამაგრებდა, როცა ნა-
პირზე დარჩენილ მიტიაის თავისი ჩანთა მოაგონდა.

— ჩანთა! ჩანთა მომეცი! — დაუყვირა მან.

— რომელი ჩანთა? — ვერ მიხვდა სანკა.

— ნავშია, კიჩოზე დავაგდე!

სანკამ ნავი ნაპირისკენ მოაბრუნა. მიტიაი მუხლამდე შევიდა წყალ-
ში. ცდილობდა ხელი ნავის ქიმისათვის წაეწლო და თავისკენ მოეწია, მაგ-
რამ ნავი ტალღებზე ირწეოდა, თითქოს აღიზიანებდა ბიჭს. ბოლოს, მი-
ტიაიმ მოახერხა, გადახტა, მუცლით გადახობდა ნავის კიდეზე და მეგობ-
რის გვერდით აღმოჩნდა. აქ მათ ერთდროულად დაინახეს ნაპირზე მიმა-
ცალი ქალიშვილი. ხელში მას წიგნებიანი ბადურა ეკავა. თავსაფრიდან
ორი ქერა ნაწნავი მოუჩანდა.

— შენ საით? — დაუყვირა სანკამ გოგონას და ნავი კვლავ ნაპირთან
შეაჩერა.

— თქვენ კი საით? — ნავს გაუსწორდა და კითხა გოგონამ.

— თქვენთან, მეთევზეთა დაბაში! ჰაიდა, მოდი ჩვენთან.

— არ ტყუით?

— ამოცოცდი, ამოცოცდი, ტატინკა! წაგიყვანთ!

— უკეთესად მიგიყვანთ! — დაუდასტურა მიტიაიმ და ნაყიდებით სა-
ესე ჩანთა კიჩოზე დასაჯდომის ქვეშ შეინახა.

გოგონამ ბევრი აღარ ახვეწინა, კალთა აიკეცა, გაბედულად შევი-
და წყალში და მარდად ჩახტა ნავში. ახლა სანკამ უკვე მთელი ძალით მო-
უსვა ნიჩბებს. ნაპირს თანდათან შორდებოდნენ.

— მეთევზეთა დაბაში მივდივარ, ბიძია პეტრო უნდა ვნახო როგორ
ცხოვრობს, — თქვა სანკამ და გოგონასკენ მიიხედა. — მიტიაი კი სახლში
მიდიოდა, — თავით ანიშნა მეგობარზე, რომელიც კიჩოზე საქესთან იჯდა.

— მე კი თქვენს ბიბლიოთეკაში ვიყავი, ჩაწერა მინდოდა. ჩვენი სას-
კოლო უკვე მთლიანად გადავიკითხე, — თქვა გოგონამ. — შენ ყველა წიგნს
დამისველებ! — გულმოსულად დაუმატა მან. — რისთვის უტყაპუნებ ასე!
უკეთესი იყო ფეხით წაესულიყავი სახლში...

მან თავსაფარი მოახადა. წიგნები შეახვია და ისევ ბადურაში ჩადო.

— „ფეხით“... — ჩაიბუზღუნა სანკამ და უფრო კობტად მოუსვა ნიჩ-
ბები. — რატომ უნდა დაქანცო ფეხები? უკეთესია ნავში იჯდე. შენ სხვას
მიპყავხარ.

ახლა ნავი ისე მიდიოდა, რომ ნაპირიდან კარგად ჩანდა. ბავშვები
ერთხანს დუმდნენ.

— დედამ ასანთისათვის გამგზავნა, — მოულოდნელად თქვა

მიტიაიმ, — და კიდევ სარეცხი სოდა უნდა მეყიდა. ჩვენს დუქანში ისევ
რალაც აღწერაა. სამი დღით დაკეტეს.

— იქნებ, გაფლანგეს? — შეეკითხა სანკა.

— ვინ იცის, — გაუარკვევლად უპასუხა მიტიაიმ.

სულ დაბლა, ნავის თავზე, უხმაუროდ გადაიფრინა თოლიამ.

— წყალი თბილია! — თქვა ტატიანკამ, ქიმზე გადაიხარა და ხელები

წყალში ჩაყო.

— ფრთხილად, არ გადავარდე! შენი გადარჩენისთვის სად მცალია! —

მკეახედ შენიშნა სანკამ.

— ნუთუ არ გადამარჩენ? — გაიღიმა გოგონამ.

— ცურვა იცი? — კითხა მიტიაიმ.

— ცოტა! — თვალების ეშმაკური ციმციმით უპასუხა გოგონამ.

ხელს წყლიდან არ იღებდა და ახლა უკვე განგებ იხრებოდა ნავის ქიმიდან.

— ნუ ცელქობ! — მკაცრად დაუყვირა სანკამ.

— შენ კი ნუ ყვირი! — შეიკუმუნა გოგონა, წყლიდან ხელი ამოიღო
და წვეთები სახეში მიიშხეფა სანკას. სანკამ სახელოთი მოიწმინდა სახე,
მაგრამ არაფერი თქვა.

— ნუ წრიალებ, უძნელებ ნიჩბების მოსმას! — უთხრა გოგონას მი-
ტიაიმ.

ჩამავალი მზე ჩაიფერფლა, ჰორიზონტზე გადაჭიმულ ღრუბლებს
მიეფარა. დუმილი მიტიაიმ დაარღვია.

— აი რა, რატომ ქურდობენ ადამიანები? ვინ იტყვის? — იკითხა მან
ჩაფიქრებით.

— რომელი ადამიანები? ქურდები? — ვერ მიხვდა ტატიანკა.

— მე ქურდებზე არ ვლაპარაკობ. იმათზე ვამბობ, ვისაც სამუშაოდ
აქვს, ხელფასიც და მაინც ქურდობს. სხვები კი ხედავენ და გაჩუმებული
არიან. ეშინიათ იმათი თუ რა?

პასუხი დააყოვნეს.

— ჩემი ძმა ამბობს, რომ ასეთ ადამიანებს მალე დაუდგებათ აღსას-
რული. მან რადიოთი მოისმინა, — თქვა ბოლოს სანკამ და დაუმატა: —
აბა, მიტიაი, მომიჯექი გვერდით! ხელები დამელალა. ტატიანკა, საჭის მართ-
ვა შეგიძლია?

— შემიძლია, — ხალისიანად უპასუხა გოგონამ და კიჩოზე გადავიდა.
მიტიაი მეგობართან გადაჯდა და ნიჩბს მოჰკიდა ხელი. ერთხანს მეგობ-
რები ცდილობდნენ ერთმანეთისათვის შეეწყობ ხელი და ერთდროულად
მოესვათ ნიჩბები, მაგრამ ვერ მოახერხეს. შემდეგ საქმე აეწყო და ნავი
სწრაფად გასრიალდა.

— ერთი! ერთი! ერთი! — კომანდრობდა სანკა.

— ჭრრ! ჭრრ! ჭრრ! — უპასუხებდნენ ნიჩბის პალოები.

ასე უსვამდნენ და უსვამდნენ ისინი ნიჩბებს, ერთდროულად იხრებო-

დნენ წინ, შემდეგ კი მთელი ტანით უკან გადაიხნიქებოდნენ, წინ არ იჭედებოდნენ, თვითული მხოლოდ თავისას ფიქრობდა. უცებ მათი ტუჩები შეცბუნებული ხმა ჩაესმათ:

— სადღა არის ნაპირი?

ბიჭებს ნიჩბები ჰაერში გაეყინათ. ნაპირი, რომელიც ცოტა ხნის წინათ გვერდით ჩანდა, ახლა ნისლის მიღმა გამქრალიყო, ერთი სიტყვით, ნაპირი დაიკარგა. დარჩა წყალი და ნისლი. ბინდი და ისინი, სამნი ნავში. ზღვაში...

— სად დაიკარგა ნაპირი? — როგორღაც უცხო ხმით იკითხა სანკამ.

— მოვუსვათ უკან! — თქვა მიტიაიმ.

— უკან? შენც ერთი რა... — უკვე უფრო მტკიცედ წარმოთქვა სანკამ. — წინ უნდა ვიაროთ.

— საით წინ?

— მე რა უნდა ვქნა? — წყნარად იკითხა ტატიანკამ.

— იჯექი, იჯექი! ნუ აბრუნებ საქებს! დაიჭი მიმართულება! — უბრძანა სანკამ და კვლავ მოუსვა ნიჩბები.

— საით უსვამ? ნავი ბრუნავს! ასე სულ ავცდებით გზას, — გაბრაზდა მიტიაი.

— მასწავლე, მასწავლე! — იმავე ტონით უპასუხა სანკამ. — ნაპირი სად იყო? მარჯვენა მხარეს! გასაგებია?

— ჩემგანაც მარჯვნივ იყო? ჩვენ ხომ გვერდიგვერდ ვიჯექით!

— გაიგონე! ჯობია, ნუ მაცდენ! — გადაჭრით უთხრა სანკამ. — უკეთესია ნიჩაბს მოუსვა!

— კეთილი! — თქვა მიტიაიმ და ნიჩაბი მოიქნია. — მოვუსვათ!

ნავი კვლავ წინ გაქანდა. ასე მიცურავდნენ ისინი კიდევ ხუთ, ათ წუთს... და კიდევ ხუთ, შემდეგ კიდევ ათს... სანამ თითქმის სრულიად არ დაბნელდა და ირგვლივ ყველაფერი არ დაბუჩა საიდანღაც მოსულმა ნისლმა.

— აი, ჩვენ რომ კომბასი გექონოდა... — ინატრა მიტიაიმ.

— ბარემ მოტორიც ინატრე, — მოუჭრა სანკამ და მაშინვე სულ სხვა ხმით მიმართა გოგონას: — ტატიანკა! შენ ნუ გეშინია. ზღვა წყნარია. შტილია! ასეთ ნისლში ღელვა არ იცის.

— მე არ მეშინია. ვფიქრობ მხოლოდ უკეთესი იყო ფეხით წავსულიყავი...

— ტყუილად ჯდომას აჯობებს, რაიმეს მოგვეთხრობდე წაკითხულიდან. ან იმღერებდე, — უთხრა სანკამ.

— იმღერე, იმღერე! — მხარი მისცა მეგობარს მიტიაიმ.

— თქვენ გგონიათ, თუ ვიმღერე, ვინმე გაიგონებს?!

გოგონას არ უპასუხეს. მაშინ მან სიმღერა დაიწყო. მისმა წვრილმა ხმამ ზარივით დაიწკრილა წყალზე, თითქოს ცდილობდა გაერღვია გარშემოხვეული ნისლის კედელი.



— მიტიაი! სადა გაქვს ასანთი?

— ჩანთაშია. მოსწიო გინდა?

— „მოსწიო“... ერთი შენც... რომელი მწვეველი მნახე! ფაქვს ავანთო. ტატიანკა, ფარანი შენთან არის?

— აქ არის.

— მომეცი!

— დაიჭი!

— მიტიაი! ასანთი!

— აჰა!..

სანკამ გაჰკრა ერთი ღერი, შემდეგ მეორე. წყნარად, თავისთვის შეიგინა... — დასველდა თუ რა მოუვიდა?

მხოლოდ მეხუთე ღერით აანთო სანკამ სტეარინის სანთლის ჩამდნარი ნაწივი და ნავის ცხვირზე დადგა ფარანი.

— ფიქრობ, რომ ფარანს შეამჩნევენ? — კითხა ტატიანკამ.

— არაფერსაც არ ვფიქრობ. ასე მოითხოვს წესი, თორემ ამ სიბუნღეში დაეჯახები ვინმეს, — თითქოს აქ არაფერიყო, უპასუხა სანკამ და თავის ადგილას დაჯდა. — სწორია ხომ, მიტიაი? სდიე მერე, როცა მთელი სვლით დაეჯახები.

— ჩვენ კი არავითარი სვლა არა გვაქვს! — მოწყენით შენიშნა მიტიაიმ.

— ჰოდა, შეიძლება ჩვენ დაგვეჯახონ!

— კარგი კი იქნებოდა... — იმედიანად თქვა მიტიაიმ.

და კვლავ აჭრიალდნენ პალოები: ჭრრ... ჭრრ... ჭრრ...

— მოიცა, ნუ უსვამ ნიჩბებს, — მათ გარკვევით გაიგონეს მოტორის ხმა.

— მეთევზეები მოდიან! — სწრაფად განსაზღვრა სანკამ, ადგილიდან წამოიჭრა და ფარანს მივარდა. ნავის ცხვირზე შედგა, ფარანი მალლა ასწია და უნდოდა გაექან-გამოექნია, მაგრამ ბოლომდე ჩამწვარი სანთელი ერთი-ორჯერ ახამხამდა და ჩაქრა...

— ჰე-ჰე-ჰე-იიი! — მთელი ხმით აღრიალდა სანკა.

— ჰე-ჰე-ჰე-იიი! — დაიყვირეს მიტიაიმ და ტატიანკამ.

მოტორის ხმაური თანდათან ჩაინთქა ნისლში...

— რა არის ამ ქილაში?

— რომელ ქილაში?

— აგერ, ჩემს ფეხებთან რომაა.

— დაყნოსე! დაყნოსე!

— ფისი უნდა იყოს!

— ფისი? მიტიაი, ჩქარა მოიტა ასანთი! იცი, ფისი როგორ იწვის!

— ასანთი აღარა მაქვს. სოდაც არ არის, სულ გაიხსნა წყალში. მონებდებო ამისათვის ღედისაგან...

— უიმე! ყველა ჩემი წიგნი წყალშია! თითქოს ნავში წყალი მოედინებოდა! — მოისმა ხმა კიჩოდან.

— ეს რა არის? შენ ჯერ არ გინახავს, როგორ ივსება ნავი წყალსა და ხეობის შუაგულში მშვიდად უპასუხა სანკას ხმამ, — სად არის ხაპია? აქ იდო.

— აქ არის. აი.

— მოუსვი ნიჩაბი, მე მანამ წყალს ამოვხაბავ.

— სად არის ნიჩბები?

— შენ რა, გაგიჟდი?

— შენ თვითონ გაგიჟდი! ერთი აქ არის, მეორე სადღაა? ახლა უკვე ყველაფერი გათავდა...

— მერე რა?

— ყველაფერი გათავდა...

— მერე რა?

— ჰოდა, არაფერი!..

ორივემ მძიმედ ამოიოხრა და გაჩუმდნენ. სიჩუმეში ისმოდა, თუ როგორ ხაბავდა ერთი წყალს, შემდეგ სანკამ თქვა:

— სადმე გავირიყვებით! აქ ხომ შავი ზღვა არ არის. იქ დინებას შეეძლო თურქეთში წავედეთ. აქ კი ირგვლივ საკუთარი ნაპირებია! აი, უკვე მეტი სიმშრალეა. შემდეგ კი, მიტიაი, შენ ხაპიანთი გათბები! ჩვენ როგორმე ღამე უნდა გავათიოთ. როგორც კი ინათებს — ყველაფერი ცხადი გახდება! ტატიანკა! შენ მაქ რას აკეთებ?

კიჩოდან წყნარი სლუკუნის მოისმა.

— ტატიანკა! შენ ტირი?

— თქვენ კი რა გითხრათ... როგორღა ჩავაბარო ეს წიგნები?

— გაშრება! — დაბეჯითებით უთხრა სანკამ. — ხომ სწორია, მიტიაი? ხომ გაშრება? როგორც კი მზე გამოიხედავს, გაშრება... გესმის რეაქტიული დაფრინავს!

ღამის სიბნელეში თვითმფრინავმა ზღვას გადაუარა. ზღვა კი დაბურული ნისლით მძინარესავით სუნთქავდა და ტალღებზე არწევდა მარტოხელა სათევზაო ნავს. ძნელი სათქმელი იყო, მიცურავდა ეს ნავი, თუ ადგილზე იდგა...

ტატიანკა დახეული ბრეზენტის ნაჭერში მობუზულიყო სიცივისაგან, სველი ფეხები აეკრიფა. მიტიაი ზარმაცად ხაბავდა წყალს სიბნელეში და ნავის ძირს ურახუნებდა.

სანკამ ყელში მომდგარი ნერწყვი გადაყლაბა:

— ...და ეს ჯარისკაცები, თავიანთ კარჭაპზე საშინელი შტორმის დროს მარტონი ოკეანეში, ათასობით მილზე ხმელეთიდან მიცურავდნენ გაურკვეველი მიმართულებით. მათ ოკეანე აქეთ-იქით აგდებდა... — სანკას ხმა შეუთრთოლდა, მაგრამ მან დაფარა მღელვარება... — საქმელიც არაფერი ჰქონდათ... და შეჭამეს თავიანთი გარმონი... ჰოდა, შემდეგ თქვენ იცით.

— ისინი ამერიკელებმა გადაარჩინეს?
— ამერიკელმა სამხედრო მეზღვაურებმა. მე წავიკითხე, —
თქვა ტატიანკამ.

— საინტერესოა! ამერიკელების ნაწილი ადამიანებს შველის, სხვები კი პირიქით, — გაჰიანურებით თქვა მიტიამ და ხმამაღლა დაამთქნარა.

— ჩვენთან ერთ ბიჭუნას მიმოწერა აქვს ინგლისელ გოგონასთან, — მძინარე ხმით თქვა ტატიანკამ. — ისიც ომის წინააღმდეგია.

— არ დაიძინოთ, ბავშვებო! — თქვა სანკამ, თვითონ კი ძლივს იკავებდა მთქნარებას. — მოდით, ერთმანეთს შეკითხვები მივცეთ. ტატიანკა, დაიწყე! მიტიამ უჯიკავე, რომ არ დაიძინოს, თორემ ყველას დაგვეძინება, ვინლა ამოხაპავს წყალს? ჩავიძირებით... ტატიანკა!

— რა გინდა? — მოგვიანებით უპასუხა გოგონამ.

— გაგონე რა გითხარი?

— გავიგონე.

— შეკითხვა არა გაქვს? შეგვეკითხე!

ტატიანკა შეირხა, დააცხიკვა და მოულოდნელად მხიარული ხმით იკითხა:

— რითაა დამაგრებული ვარსკვლავები ცაზე?

კითხვა დაისვა, მაგრამ როგორ ეპასუხათ არავინ იცოდა.

— აი, მე მაქვს კითხვა! — თქვა მიტიამ. — ადამიანები მაიმუნისაგან წარმოიშვნენ, ხომ ასეა?

— ასეა... — დაეთანხმა სანკა.

— ჰოდა, აი რა, — განაგრძო მიტიამ. — რატომ ყველა მაიმუნმა არ მოისურვა ადამიანად გახდომა?... ა?..

— მე უკვე სიზმარს ვხედავ... — ძლივს გასაგონად ჩაიჩურჩულა ტატიანკამ.

ირგვლივ სიბნელე და სიწყინარე გამეფებულიყო. მხოლოდ ხანდახან ისმოდა წყლის მსუბუქი ტლაშუნი. ეს სანკა უშვებდა წყალში ერთადერთ ნიჩაბს.

* * *

განთიადზე ზღვამ ნავი ქვიშიან ნახევარკუნძულზე, პირდაპირ მეთევზეებთან გაიტანა. ბავშვებს მაგრად ეძინათ. გოგონას მიეხუტებინა თავისი დასველებული წიგნები. თეთრფეროვან ყმაწვილს მაგრად ჩაებლუჯა ხელში ხაპია...

თარგმნა ტიტე ხინთიბიძემ.



გიორგი ურუხაძე

ჩვენ ღავრივით, მუშაობით მ ი წ ა ვ !


„შოთა რუსთაველი“! — პირველი ქართული ტრაულერი. რამდენ სიხარულსა და აღტაცებას მოგვრის ამ საამაყო სახელის გაგონება ქართველ კაცს! „შოთა რუსთაველი“ განუწყვეტლივ წკრიალებდა ჩემს გონებაში იდუმალი ხმა. ოცნებაში წარმოვიდგენდი ამ გემის სიდიდეს, ფერს, ანძებს და ვნატობდი მის ნახვას, მით უმეტეს, რომ მისი ეკიპაჟის წევრი გახლდით. მახარებდა მოგზაურობაც შორეულ მხარეებში, ვნახავდი ჯერ ჩემთვის უხილავ და უცხო ნაპირებს, მონაწილეობას მივიღებდი ეკიპაჟის დავალებათა შესრულებაში.

მახარებდა და მალეღებდა კიდევაც.

ხმები მოგვდიოდა — „შოთა

რუსთაველი“ უკვე ჩამოდგა კალინინგრადის ნავსადგურში, ყოველდღე მოსალოდნელია ეკიპაჟის გამოძახება და მზად იყავითო.

დადგა სანატრელი დღეც. 1963 წლის მარტის მიწურულს ჩვენ ვავემგზავრეთ. შორი გზა ფუსფუსით გავლიეთ... აი, კალინინგრადის არხიც. აქ ამაყად აღმართულა „შოთა რუსთაველი“. ქათქათა და რძისფერ ანძებიანი, იგი ერთობ მომხიბვლელი გვეჩვენა. ეკიპაჟის ყველა წევრი ჩქარობდა გემის კიბეზე ფეხის შედგმას, იმ სიმდიდრის ახლოდან ხილვას, რაც „შოთა რუსთაველის“ საკუთრებად აქციეს ოქროსხელიანმა ოსტატებმა. გემი ხომ უკვე ჩვენს განკარგულებაშია და მის ყოველ



დეტალს. ჩვენი თითები შეეხება. და მერე რამდენჯერ! ჩვენ დავძრავთ მას ზღვებსა და ოკეანეებში, დარსა და ქარიშხლიან დღეებში. მაშ, რად ვჩქარობთ? რად ვიჩენთ მოუთმენლობას? მართალი უთქვამთ, კაცის გული და თვალი ყოველ ახალს მოზღვავებული გრძნობით ეხარბებაო. ჩვენც ასე... და მიედინება მეზღვაურთა ძლიერი ნაკადი გემის შუაგულისაკენ. თითქოს ვეება კლდეს ჩანჩქერი ჩამოკიდებია, არ ვაცლით ერთმანეთს კიბეზე ასვლას.

გემზე შემოგვხვდნენ კაპიტან-დირექტორი აბესალომ ზენაიშვილი — ზღვის შტორმებსა და ქარიშხლებში გამობრძმედილი ვაჟკაცი, ინჟინერი ვალერიან დონაძე, კონოპერატორი ალექსანდრე აჯიბეგაშვილი და ბევრი სხვა. რა გულთბილი იყო ეს შეხვედრა! გემი სახელდახლოდ დავათვალიერეთ. იგი აშენებულია თანამედროვე ტექნიკის უკანასკნელი მიღწევების გამოყენებით.

„შოთა რუსთაველი“ განკუთვნილია ტროპიკულ ზონაში საცურაოდ. მასზე წარმოდგენა რომ ვიქონიოთ, მოვიტან რამდენიმე ციფრობრივ მონაცემს: გემის სიგრძე შეადგენს 79-80, ხოლო განი — 13-20 მეტრს, წყალწყვა — 20.950 ტონას და საათში შეუძლია განავითაროს 12 მილი. თვითუფლი კაიუტა გათვალისწინებულია ორი კაცისათვის, ხოლო ეკიპაჟი შედგება ოთხმოცი მეზღვაურისაგან. კაიუტებში მოწყობი-

ლია ჰაერის კონდესატორი, დადგმულია რადიო, ელემენტები, მაგიდა და რბილი სკამები. დიდებული სანახავია თევზის დასაფქვავე და დასამუშავებელი საამქროები. გემის მაცივარი 450 ტონა ტვირთს იტევს.

ძალიან მოგვეწონა ჩვენი გემი, ხარბი თვალებით ვათვალიერებდით მას. თან დავვყვებოდა კინოოპერატორი. სურათებს გვიღებდა. იგი რეისში მოგვყვებოდა დოკუმენტური ფილმის შესაქმნელად.

მეორე დღეს შევუდექით მზალებას შორეული რეისისათვის. გემს ვტვირთავდით თევზსაჭერი მოწყობილობით, საწვავით, პროდუქტებით და ა. შ. კაპიტან-დირექტორი გვაფრთხილებდა — ადრე წასვლა, ადრე დაბრუნებას ნიშნავსო, და ჩვენც მონდომებით ვმუშაობდით. 14 აპრილს ქართულმა გემმა „შოთა რუსთაველმა“ ომახიანი გადაძახილით ქალაქს აუწყა შორეულ რეისში გამგზავრება. მას სხვა გემებიც გამოეხმაურნენ. ნაპირზე აუარებელი გამცილებელი მოვიდა. მოვიდნენ და მოგვიტანეს ვარდ-ყვავილების თაიგულები, გვისურვეს წარმატებები თევზჭერაში და შინ მშვიდობით დაბრუნება. გვიღებდნენ სურათებს.

გემი დაიძრა. აფრიალდნენ ცხვირსახოცები, ვინ ხელს გვიქნევდა. ჩვენც გემბანიდან მხურვალედ ვემშვიდობებოდით ქალაქის მცხოვრებლებს, მეზღვაურობებს.

ექვსი თვე შორეულ რეისში უნდა დაგვეყო. ექვსი თვის განმავლობაში ვეღარ ვნახავდით უსაყვარლეს მშობლიურ ნაპირებს, ნაცნობებს, მეგობრებს, ოჯახის წევრებს. მელანდებოდა ჩემი პატარა, წამოსვლისას ფუნჩულა ხელები რომ დავუკოცნე და გულში ჩავიკარი. აი, თითქოს ისიც მანდილს მირჩევს და ბავშვური აღტაცებით მომძახის: „მამი, ჩქარა დაგვიბრუნდი, უშენობა გაგვიჭირდებაო“. ამ ოცნებაში ჩაფლულს, გული ამიჩუყდა, თვალზე ცრემლი მომერია. რატომღაც შემრცხვა და სახე ცხვირსახოცში ჩავმალე. ცოტა ხნის შექდეგ მიმოვიხედე, ვინმემ ხომ არ შემინუნა-მეთქი. მეგობრების გაკილვას ვერიდებოდი. თურმე გულჩვილობას სხვებიც დაეძლია. მათ თვალზეც შევნიშნე კურცხალი და დავმშვიდდი.

„შოთა რუსთაველი“ კი ნელ-ნელა მიცურავდა და თანდათან შორდებოდა ნაპირს... ენაზე მომადვა გენიალური ქართველი პოეტის შოთა რუსთაველის მარად ცოცხალი სტრიქონები: „ვა, სოფელო, რაშიგან ხარ, რას გვაბრუნებ, რა ზნე გჭირსა, სადაურსა სად წაიყვან“... ვიმეორებდი ამ სტრიქონებს სიამაყით და დარდიანად. შერე ეს სტრიქონები სევდიან სიმღერად აღმოვთქვი. ქართველი მეგობრებიც ამყვენენ... ენა მებორძიკებოდა, როცა ვამბობდი: „სად აღუფხვრი სადით ძირსა“. არა, ჩვენ კვლავაც დავუბრუნდებით მშობლიურ მადლიან

მიწას და მოწყურებულ დაგვეფებით მის ციციველა ეწვევს ებს. დავბრუნდებით პიტნაფრთხი ვალმოხდილნი სამშობლოს წინაშე. ჩვენ ეს გვწამს, ჩვენ ეს გვჯერა.

...და მიიწევდა წინ „შოთა რუსთაველი“, თითქოს რუსთაველის ნაკვალევის საპოვნელად.

ახალ შეხვედრამდე, ძვირფასო მეგობრებო!

ნახვამდის, მშობლიურო მიწავ! ღამით ბალტიისკი გავიარეთ. დილით უკიდევანო ზღვაში ამოვყავით თავი. არც ხმელეთი ჩანს, არც ფრინველი ჭაჭანებს სადმე. ნისლი, მხოლოდ ნისლი. ზღვა საფარში ჩამალულა. გზა და გზა გვხვდებიან გემები.

„ცა-ფირუზ, ხმელეთ-ზურაფხტო, ჩემო სამშობლო მხარეო... შენი ვარ, შენთვის მოვკვდები“.

ასე ნებიერად ვიხსენებთ ჩვენი ერის ბულბულის აკაკის სტრიქონებს „განთიადიდან“ და ვლინებთ ქართველი ბიჭები.

ყველას გვაინტერესებს კილის არხის ხილვა. მისი გაჭრა 1880 წელს დაიწყო, ხოლო 1909-1914 წლებში გააღრმავეს და ახლა მის ფართო კალაპოტში თავისუფლად დადიან დიდი და პატარა გემები. არხის სიგრძე ოთხმოცდათვრამეტი კილომეტრია. მას სერავენ ხიდები, რომელთა რაოდენობა სამოცდაათს აღწევს. არხს ჩვენ ჩრდილოეთიდან ჩავუარეთ. საათის ისრები ერთი საათით უკან გადავწიეთ. 16 აპრილს გავიარეთ დანიისა და შვეციის



არხები. საკმაოდ ცივა. ვინ იცის, რამდენი ლამაზი ევროპული ნავსადგური ჩამოვიტოვეთ უკან. ადრე გაზაფხულის მიუხედავად, შენობები მწვანეში ჩაფლულან.

ვუახლოვდებით კოპენჰაგენს. აქ უკვე ყინული შეთხელდა. ნისლიც გაიფანტა. საამოდ გამოიყურებიან ზღვაზე გადმომდგარი შენობები. მომრავლდნენ თოლიებიც.

17 აპრილი. მივცურავთ გაშლილ ზღვაში. ვუახლოვდებით ინგლისის სანაპიროებს. სულს გვიფთრიაქებს ნისლი, ამ სანაპიროების ხშირი სტუმარი. სვლა გვიძნელდება. ტალღებიც ყალყზე შემდგარან. გემი საგრძნობლად ინჭლრევა. ალაგ-ალაგ ნისლი თხელდება და ხანდახან მზეც გამოაჭიტებს ხოლმე.

18 აპრილს ჩაუღარეთ ჰაავის ნავსადგურს, მაგრამ თვალი ვერაფერს ვკიდეთ, რადგან ბურუსი იდგა.

დაღამდა. ძალიან ბევრია შემხვედური და თანამგზავრი გემი, გაჩირადდნებული ლამპიონებით რომ მიიკვლევენ გზას. ამდენი გემი ერთად!

19 აპრილი. ზღვა კრიალებს, მაგრამ წყნარი როდია. გემს აკვანივით არწევს. დღეს დილით გადავსერეთ გრინვიჩის მერიდიანი. იგი, როგორც ცნობილია, დედამიწას ჰყოფს აღმოსავლეთ-დასავლეთად. საათის ისრები კიდევ ერთი საათით უკან გადავწიეთ. ახლა თბილისის დროს ოთხი საათით ჩამოვრჩით.

მზე აცხუნებს.

ლამანშამდე მშვიდობა ჩავედით. ღამით ზღვა და მერე როგორ! გემი ირყეოდა, ბოცმანს გადასცეს კაპიტნის განკარგულება, ყველაფერი მოესინჯა, დაემაგრებინა, რათა შტორმებს მზად დავხვედროდით. წამოვდექი. რამდენიმე მატროსიც ამყვა. ჩვენი საქმე რომ მოვათავეთ, კვლავ დავუბრუნდით კაიუტებს. გვწყუროდა ძილი, ვთვლემდით, მაგრამ რა დავვაძინებდა! საწოლში ვეღარ გავძელოთ, ერთმანეთი მოვინახულეთ. თითქმის ყველა გაედვიძებინა ღელვას. გამოცდილი მეზღვაური გვაღიზიანებდა: ჯერ სადა ხართ, ჯეელებო, წინ დიდი გამოცდა გელით, თან გვაშვილებდა, გამაგრდით, კაცი რას არ აიტანს, უარეს შტორმებში მოვხვედრილვარ, მაგრამ ხომ ხედავთ, ზღვის სტიქიამ ვერაფერი დამაკლოო. მართლაც, ღელვა ხუთ-ექვს ბაღს თუ აღწევდა, ხვალ, ზევ კი მოსალოდნელი იყო უფრო მეტი და საშინელი ღელვა. დილით ტალღა ნაფოტივით ათამაშებდა გემს. მესამე სათუღზე, ჩემი კაიუტის ილუმინატორს ტალღა რეცხავდა. პირქარი მდგარ წინააღმდეგობას გვიწევდა. საათში, ალბათ, ორ მილს თუ გავდიოდით.

ეს ბისკაის ყურეა. იგი ცნობილია შტორმების სიავით და გემების სასაფლაოს ეძახიან. ფიქრებმა ამიტანა... ხომ შეიძლება... და დაუმთავრებლად წყდება ახრი გონებაში. ნაშუადღევს ღელ-

ვამ საგრძნობლად იმატა, რვა ბალს მიალწია. ქარი წამში ოცდახუთი მეტრი სიჩქარით ქრის. ისე დაღამდა, ზღვა ოდნავაც არ დაშვებულა. გამთენიისას ღელვამ ცხრა ბალს გადააქარბა, ქარი კი თორმეტი ბალის სიჩქარით ქრის. გემს მძლავრად ეჯახება ტალღები. ჰვინტი ტალღებში ერჭობა, მერე ნელ-ნელა დააღწევს თავს, გასწორდება და დაფინებით მიიწევს წინ. კაპიტანმა განკარგულება გასცა, გემის ცხვირზე არავინ გასულიყო. მატროსები მთვრალეზობით ბარბაცებდნენ. სამხარეულთში რომ შევედი, გავვოცდი: იღვრება კერძები, დაცურავს ჯამ-ჭურჭელი. ასეთ დროს განა შეგერგება პურის ჭამა?! და უკანვე გამოვბრუნდი.

სვლა თითქმის შეჩერდა. კურსი ვიცვალეთ. გამოცდილმა კაპიტანმა, გვერდით დარტყმებს რომ ავცდებოდით, გემი ტალღების წინააღმდეგ ოქტანის სიღრმისაკენ შეაცურა. მეორე დღესაც ოქტანის სიღრმეში მივცურავდით. საღამოს შემოვბრუნდით გიბრალტარისაკენ. დილით ღელვამ იკლო. შუადღისას საგრძნობლად მიწყნარდა ზღვა. გემის ეკიპაჟი გამხიარულდა. მალე გიბრალტარში შევედით. წინ კიდევ რამდენი სანახაობაა!

25 აპრილის დილაა. ჩვენ უკვე გიბრალტარში ვართ. ეს ულამაზესი ქალაქი-ნავსადგური გაშენებულია პირინეის ნახევარკუნძულის სამხრეთში, მთის ძირას, მაგრამ მთის კალთებზეც გაჭრილა. გიბრალტარი აფრიკას

ოცდაათი კილომეტრით შორავს. მისი ფართობი ექვსი კვადრატული კილომეტრია, მოსახლეობა ოცდახუთი ათასს (1954 წლის აღწერით) აღწევს. იგი მსხვილი სავაჭრო ცენტრი და სამხედრო ბაზაა, რომელსაც ინგლისისათვის დიდი სტრატეგიული მნიშვნელობა აქვს, კონტროლს უწევს რა გემების მიმოსვლას ატლანტის ოკეანესა და ხმელთაშუა ზღვაში. აქ საშუალება მოგვეცა მოგვენახულებინა ქალაქი. გადავიდეთ სურათებიც.

ღამე გზა განვაგრძეთ.

უკვე ცხელა. მგზავრობაში განვიცადეთ ზამთრის სუსხიც და ზაფხულის პაპანაქებაც. რაც წინ მივდივართ, პაპანაქება უფრო და უფრო მატულობს. მატროსები მოკლესახელოიანი მაისურებით, პანამის ქუდებით ფაციფუცობენ. ზღვა დღუს.

გემზადებით სამაისოდ. ეს დღეც დადგა. დილის რვა საათზე ეკიპაჟი ორ მწკრივად დაეწყო. საპირველმაისო სიტყვა წარმოთქვა კაპიტან-დირექტორმა აბესალომ ზენაიშვილმა... სადილზე ღვინოც მოგვართვეს. ვილოცებოდით, ემღეროდით, ვცეკვავდით, „მოთარუსთაველი“ კი გზას განაგრძობდა. უკან მოვიტოვეთ კანარის კუნძულები, სენ-ლუი, მწვანე კონცხის კუნძულები...

ჩვენს ეკიპაჟს დაკისრებული ჰქონდა კვლევითი სამუშაოების ჩატარებაც. ამ მიზნით გზა და გზა ვუშვებდით ტრალს, ვეუფლებოდით თევზის ჰერის ოსტობას, ვიკვლევდით თევზის

ახალ რაიონებს. უნდავლოდაც არ ვრჩებოდით. სალამოს დაკარს ჩავუარეთ. სიცხემ უფრო იმატა, კაიუტებში კი გრილა. ვუახლოვდებით ეკვატორს. საზღვაო ტრადიციის მიხედვით, ეკვატორის გადალახვა საზეიმო ვითარებაში ხდება. ჩვენც მოვემზადეთ. 8 მაისს 12 საათზე გემის საყვირის ხმა გაისმა. ეს ნიშნავდა დედამიწის სარტყლის გადალახვას. საყვირის ხმას გულშემზარავი ჭყივილი, დაფდაფის ხმა დაერთო. ზღვიდან ამოვიდა ოკეანეებისა და ზღვების მბრძანებელი ნებტუნი. მას ხელში სამითთა უკავია. მოყვებიან ექიმი, პარიკმახერი, მთავარი ეშმაკი და რამდენიმე მხლებელი ეშმაკი. ჩაცმულობა ველურისას ჰგავს. ნებტუნი გემბანის შუაში დადგა ოთხთვალაზე და კაპიტანი გამოიძახა. კაპიტანმა მოახსენა, რომ „მთა რუსთაველი“ მიდის თევზის საჭერად და კვლევითი სამუშაოების ჩასატარებლად. ნებტუნმა სია წაიკითხა და ბრძანა, ვინც პირველად გადალახა დედამიწის სარტყელი, უნდა განიბანოსო. ეშმაკები ჭყივილ-კივილით მიცვივდნენ ახალბედებს და სათითოდ აბანავეს ყველანი. რა თქმა უნდა, ეს არც მე ამცდა და კარგადაც მანჯღრიეს ოკეანის წყალში. შემდეგ ყველა განბანილს ღვინო დაგვალევინეს და დაგვირიგეს დიპლომები. მეორე დღეს ფაშიზმზე გამარჯვების დღე აღვნიშნეთ. ეს ყველაფერი რეწვის ადგილისაკენ შეუჩერებელი სვლის ვითარებაში კეთდებოდა.

16 მაისს ჩავედით სამხრეთ აფრიკის რაიონში. მაშინვე, როგორც იტყვიან, წყალს მდებარეობაზე ვიპოვეთ პირი. ტრალს ბევრი თევზი ამოყვა. საქმე კარგად დაიწყო. დაიწყო მძიმე, მაგრამ საპატიო, შრომა. ყველა თავდადებით მუშაობდა. როცა ტრალს ოცი-ოც-ლახუთი ტონა თევზი ამოყვება, ეს უფლებას ართმევს კოკსაც და აკუსტიკოსსაც, რადისტსაც და კინოოპერატორსაც თავისი „სპეციალური“ საქმე განაგრძონ. კაპიტანიც ტოვებს ხიდურს და თევზის დამხარისხებელ საამქროებში შრომის მაგალითს იძლევა. წარამარა ტრიალებენ მეზღვაურები. მანქანების გუგუნში საამოდ გაისმის ომახიანი სიმღერა.

ვადაზე რამდენიმე დღით ადრე ავიღეთ პირველი ტვირთი და პორტ უოლფვიშ-ბეის ახლოს დავექით ბაზის მოლოდინში. მალე ტვირთი დიზელელექტრომავალ „სევასტოპოლს“ ჩავაბარეთ, იქიდან კი გადმოვიტანეთ ბათუმიდან გამოგზავნილი სურსათი, ქართული ღვინო. ბევრ ბოთლს ნაცნობ-ამხანაგების წარწერა ჰქონდა. ძალიან გაგვახარეს მეგობრებმა, რომ არ დაგვივიწყეს შორეულ მხარეში ვაჭრილები.

უოლფვიშ-ბეი გერმანიის ყოფილი კოლონიაა. ნაციონალური ლიგის მანდატით იგი ეკუთვნის სამხრეთ აფრიკის კავშირს. მისი ფართობია 823 ათასი კვადრატული კილომეტრი, მოსახლეობა უდრის 458 ათასს (1955 წლის აღწერით), აქედან ევროპელია

მხოლოდ ოცდათერთმეტი ათასი. სტეპიანი და ხრიოკიანი ლანდშაფტის გამო მოსახლეობა ეწევა მონეტიალურ ცხოვრებას. უოლფიშბეი მდიდარია იშვიათი ლითონებით, განსაკუთრებით სპილენძით. ჩვენ რომ პორტში შევედით, ზანგები სწორედ მაშინ სპილენძით ტვირთავდნენ გერმანიის ფედერაციული რესპუბლიკის გემს.

„თეთრები“ ბატონებენ ზანგთა მიწა-წყალზე. ზანგები უმწეოდ ცხოვრობენ. საღამოს შვიდი საათის შემდეგ მათ უფლებაც კი არა აქვთ ქალაქში გაისეირნონ. როცა გაიგეს ჩვენ საბჭოთა ქვეყნიდან ვიყავით, ზანგები შემოგვეხვივნენ. ჩვენთან მოვიდა დიდი და პატარა, ქალი და კაცი. გვიღიმოდნენ, გვეალერსებოდნენ.

ისევ სარეწ რაიონისაკენ მივემგზავრებით. მატროსები თანდათან დახელოვნდნენ თევზის ჭერაში, აითვისეს ახალი ტექნიკა, რომელიც მათ განკარგულებაში იყო. ზღვა უხვად გვიმასპინძლებოდა თევზით. 18 ივლისს სარეისო დავალება გადაჭარბებით შევასრულეთ—ცამეტი ათასი ტონა თევზი და თევზის ფქვილი დავამუშავეთ.

გეგმის გადაჭარბებით ვიკისრეთ ოთხი ათასი ცენტნერი თევზის დაჭერა. მოხალისე თევზჭერ ბრიგადებს შორის გაჩაღდა სოციალისტური შეჯიბრება. ვიბრძოდით პირველობისათვის. კაპიტანი ყოველდღე გვაცნობდა თვითეული ბრიგადის წარმატებას, გვაქებდა და გვაქეზებდა მოწინავეებს. 2 აგვისტოს წარმატებით გავანადღეთ ნაკისრი ვალდე-

ბულებაც. კაპიტან-დირექტორმა ეკიპაჟს საჯაროდ მიულოცა განხორჯება და გვაუწყა, დადგა სამშენობლოში დაბრუნების ვადა.

ჩვენი დიადი ქვეყნის რომელი კუთხიდან არ იყვნენ ჩვენს კოლექტივში: ჭიათურელი ჭიჭიკო კაპანაძე, სუხუმელები ვალერიან აქუბარდია და ოთარ ნადარეშვილი, ფოთელი გურამ ცისკარავა, კალინინგრადელი ანატოლი დიმიტრიევი, ქერჩელი ივანე ჩიკუნოვი, ბათუმის თევზკომბინატის წარგზავნილები ღუხუნა ბაღდაძე, გრიგოლ აკობიანი, მიხეილ დიმიტრიევი, ევგენი ალიხანოვი, ნუგზარ ჯორბენაძე, ნოდარ ძენლაძე, თბილისელი შოთა მარუაშვილი, კინოოპერატორი ალექსანდრე აჯიბეგაშვილი და ბევრი სხვა. ყველას როგორ ჩამოთვლი!

ჩვენი წარმატება მთაბრუნებული იყო მთელი კოლექტივის თავდადებული შრომით. თვითეულმა ჩვენგანმა ვიცოდით, რომ ვასრულებდით საყვარელი სამშობლოს დავალებას, რომ დაბრუნებისთანავე ჩვენი მშობლიური ხალხი მოგვთხოვდა ანგარიშს რა გავაკეთეთ.

თავი არ შეგვირცხვენია და პირნათლად ვბრუნდებით სამშობლოში.

25 აგვისტო ხმელთაშუა ზღვაში გავითენეთ. უკან ვიტოვებთ ალყირს, ტუნისს, ბიზერტას, პალერმოს ნავსადგურს. გამოჩნდა კუნძული საგანძური. აქ არის მთა, რომელიც ამერიკელ ფერმერს ეკუთვნის და სადაც თვითმფრინავებით მიდიან. მთა ღამით

მძლავრად ელავს ამოფრქვეული
ლავით. ჩვენს გზაზე დიდხანს მო-
ჩანდნენ საბერძნეთის მთები,
მთა-პირამიდები. უკან მოვიტო-
ვეთ პელოპონესისა და ლა-
კონიის კუნძულები...

31 აგვისტოს დაუუახლოვდით
დარდანელს. იგი აერთებს ეგეო-
სისა და მარმარილოს, ხმელთა-
შუა და შავ ზღვებს. სამოცდახუ-
თი კილომეტრია მისი სიგრძე,
ხოლო განი 1,3-დან 7,5 კილომე-
ტრამდე აღწევს. როგორც ცნო-
ბილია, დარდანელს დიდი სამხე-
დრო-სტრატე გიული მნიშვნე-
ლობა აქვს.

პირველი სექტემბრის დილამ
სტამბოლში მოგვისწრო. თურქე-
თის ამ ლამაზ ქალაქში მო-
ჩანს ცათამბჯენები, თერთმეტ-
თორმეტ სართულიანი სახლები.
მიუუახლოვდით სულთნის ურჩი
ცოლების საპატიმროს, ზღვაში
რომ აუგია ოტომანთა იმპერიის
მბრძანებელს. მოჩანს ჯერ კიდევ
ნირშეუცვლელი ძველისძველი
ციხეები, რომელთა რიცხვი უამ-
რავია.

ბოსფორის გავლის შემდეგ
„შოთა რუსთაველმა“ კურსი აი-
ლო მშობლიური ნავსადგურისა-
კენ... სახელდახელოდ თავი შეგ-
ვიყარეს. კაპიტანმა მოკლე სიტ-
ყვა წარმოთქვა. მადლობა გადაგ-

ვიხადა შრომითი მამაცობისა-
ვის, დავალებათა პირობებისა
შესრულებისათვის და, ბოლოს,
დასძინა: — მეგობრებო, ჩვენ
უკვე მშობლიურ ზღვაში მივცუ-
რავთ. მალე მივაშურებთ ჩვენს
საყვარელ ნაპირებს. მოგილო-
ცავთ შინ მშვიდობით დაბრუნე-
ბას!

მეზღვაურებს ღიმილის შუქი
დასდებიათ.

მღერთან, ცეკვავენ, ერთობიან.

2 სექტემბერი. კიდევ ერთი
ფურცელი მოაკლდება კალენ-
დარს და ჩვენ მშობლიურ ქალა-
ქში აღმოვჩნდებით. ეკიპაჟი ფა-
ციფუცშია: აუთოებენ ტანსაც-
მელს, იპარსავენ წვერს, ალაგე-
ბენ საჩუქრებს...

ხუთი თვე თითქოს არც ისე
დიდი დროა, მაგრამ ვისაც შორს
უმოგზაურია, მან იცის, რა არის
თუნდაც მცირე ხნით მოშორდეს
სამშობლოს. დამით თვალი არა-
ვის მოუხუჭავს. ყველა სიხარუ-
ლმა აიტანა. დილით გამოჩნდა
მთები, ჩვენი გონიოს მთები, მა-
რად ტკბილი მამულის მიწა.

დინჯად მიიწიეს წინ „შოთა
რუსთაველი“, უკრავს. მუსიკა.

აი, გამოჩნდა ჩვენი მშობლიუ-
რი ქალაქი, ჩვენი ბათუმიც.

ჩვენ კვლავ დაგებრუნდით.
მშობლიურ მიწაზე! დიდება შენ!



იმ მღელვარე დღეებში...

1941 წლის გაზაფხულზე აჭარის სიმღერისა და ცეკვის სახელმწიფო ანსამბლის ხანგრძლივი საგასტროლო ტურნე დაიწყო. გარდა საქართველოს რაიონებისა, კონცერტები უნდა მოგვეწყო აზერბაიჯანში და სხვა მოძვე რესპუბლიკებში.

უკვე თბილისში ვმართავდით კონცერტს, როცა ომი გამოცხადდა. მაშინვე უკან, ბათუმში დავბრუნდით. ბევრი ჩვენი მსახიობი საბჭოთა არმიის რიგებში გაიწვიეს. ანსამბლი დაიშალა.

დაახლოებით თვენახევრის შემდეგ, აჭარის ხელოვნების სამმართველოს დავალებით, შეიქმნა სიმღერისა და ცეკვის მინიატურული საესტრადო ანსამბლი, რომლის შემადგენლობაში შედიოდნენ: ა. ჯიჯიეშვილი (ხელმძღვანელი), ე. ხაბაძე, ტ. მიქელაძე, გ. ჩიხლაძე, ლ. ლუკაშვილი, ნ. დოლიძე (მოცეკვავეები), ნ. სანადირაძე, ა. შალაძე (მომღერლები), ე. დერ-

ვიჩი, ა. ქუთათელაძე, ტ. სტეპანიანი, ა. ბოლქვაძე, ლ. მაკალათია, ყ. რეზელიანი, კ. კამაიჯიანი, ზ. ბაგიროვი და სხვანი, სულ 22 კაცი. ბევრმა მათგანმა სწორედ ამ ანსამბლში დაიწყო შემოქმედებითი მოღვაწეობა.

გულდასმით შემუშავდა მრავალფეროვანი საესტრადო პროგრამა, რომელიც ითვალისწინებდა საბჭოთა კომპოზიტორების ნაწარმოებებს, ქართულ ხალხურ სიმღერებს და ცეკვებს, მხატვრულ კითხვას. პროგრამა მკვეთრად გამოხატავდა საბჭოთა ზურგისა და ფრონტის გმირულ მონოლითურ სულისკვეთებას, რწმენას მტერზე გამარჯვებისათვის ბრძოლაში.

პირველი კონცერტი გავმართეთ ბათუმში. კონცერტს დიდი მოწონება ხვდა. განსაკუთრებით გამოირჩეოდა მოცეკვავეთა ჯგუფი ა. ჯიჯიეშვილის, ე. ხაბაძის, ტ. მიქელაძის, გ. ჩიხლაძის, ფარიკ კიშლიოღლის შემადგენლობით.

1942 წელს ანსამბლი საშეფო კონცერტებს მართავდა ბათუმის საგარნიზონო ნაწილებში, მოგზაურობდა აჭარის რაიონებში: გამოსვლები მოგვიხდა ისეთ მაღალმთიან სოფლებში, სადაც მანამდე არც ერთ მსახიობს ფეხი არ დაედგა. დიდ დახმარებას გვიწევდნენ პარტიის რაიკომები, იდეოლოგიური ფრონტის მუშაკები. გვწამდა, რომ ჩვენი საქმიანობით ხელს ვუწყობდით საყვარელ დედა-სამშობლოს მტრის განადგურებაში და არავითარ სიძნელებებს არ ვუშინდებოდით.

ჩვენ დაჭრილებთან ვართ...

1942 წელს ბათუმის სასტუმრო „ინტურისტი“ ჰოსპიტლად გადააქეთეს. აქ პირდაპირ ფრონტიდან მოჰყავდათ დაჭრილი მეომრები. ჩვენი ქალაქის მშრომელები ჰოსპიტლის ხშირი სტუმრები იყვნენ. დაჭრილებთან მიჰქონდათ ყვავილები, თამბაქო, ხილი, სურსათი. ბევრი მათ შორის ეძებდა თავის ახლობელს — მამას, ძმას, დას, მეუღლეს.

ჩვენი ანსამბლი დაჭრილებისათვის კონცერტებს ჰოსპიტალში მართავდა. ბრძოლის ველიდან დაბრუნებულ მეომრებს სწყუროდათ გართობა-დასვენება, მუსიკა, სიმღერა, ცეკვა, რომ დროებით მაინც დაევიწყათ ტკივილები. ომის მთელი საშინელება. დაჭრილ მეომრებს განსაკუთრებით მოსწონდათ ქართული ცეკვები „ფერხული“, „ქართული“ და სხვ. უნდა გენახათ, როგორი აღფრთოვანებით

ხვდებოდნენ ისინი ყოველ საკონცერტო ნომერს.

მაგონდება ასეთი შემთხვევა: ჩემს რეპერტუარში ბევრ სხვა სიმღერასთან ერთად იყო კომპოზიტორ ბლანტერის „მიწურში“. აი, მე ვასრულებ ამ სიმღერას. მასში ისეთი სიტყვებია, ისეთი სიტბო და სინაზე, რომ ძალაუვნებურად თვალზე ცრემლი მოგადგებათ. დავამთავრე თუ არა სიმღერა, დარბაზში ნამდვილი ოვაცია გაიმართა. ზოგი ყვარაჩენს ურტყამდა იატაკს, ზოგი კიდევ ფეხს უბაკუნებდა, რადგან ხელი არ ჰქონდა და ტაშს ვერ დაუტრავდა. მსახიობებს სევდა გვაწვებოდა გულზე, თანაც გვიხაროდა, რომ ჩვენ, ხელოვნების მუშაკებს, შეგვეძლო, თუნდაც რამდენიმე წუთით, გვესიამოვნებინა მათთვის და გაგვემტკიცებინა მათში სიცოცხლისა და ბრძოლის სურვილი. და ეს ხომ ყველაზე ძვირფასი საჩუქარი იყო!

ასეთივე ჰოსპიტალი იყო ქობულეთშიც. იქ კონცერტებს დარბაზში ვმართავდით, ხოლო ვისაც სიარული არ შეეძლო, მათ პალატებში ვაკითხავდით. აკორდონის თანხლებით ვმღეროდით, ვასრულებდით ღუეტებს. გამოდიოდა მეჩონგურეთა სამეუღლიც.

„გატაცებული პიანინო“

ჩვენ ხშირი სტუმრები ვიყავით შავი ზღვის ფლოტის იმ სამხედრო გემებისა, რომლებიც 1942 წელს ბათუმის პორტში შემოდინდნენ. თითქმის ყოველდღე ორი-სამი და მეტი კონცერტის ჩატარება გვიხდებოდა.

ერთხელ კონცერტის გამართვა დაგვევალა საესკადრო ნაღმოსანზე „ხარკოვი“, რომლის კაპიტანი ტ. შევჩენკო იყო. ჩვენ დანიშნულ დროს ადგილზე ვიყავით. სამწუხაროდ, ავადმყოფობის გამო გამოგვაკლდა აკორდეონისტი, რომლის შეცვლა არც ერთ ჩვენგანს არ შეეძლო. რაღაც უნდა გვედონა. მაგრამ რა?! მალე გამოსავალი ვიპოვეთ... და სახელმწიფო ცირკის პიანინო გემბანზე ავიტანეთ. კონცერტი თითქმის საათნახევარს გაგრძელდა. მეორე დღეს, როცა „ხარკოვს“ ჩვენი პიანინოსათვის მივაკითხეთ, იგი ნავსადგურში აღარ დაგვხვდა. გვიამბეს, რომ ჩვენი წამოსვლისთანავე გემის ეკიპაჟს ბრძანება მიუღია და ზღვაში გასულა. ორმოცი დღის განმავლობაში ასრულებდა გემი საბრძოლო დავალებას. და ორმოც დღეს სახელმწიფო ცირკის პიანინო მოგზაურობდა შავ ზღვაში. ნაღმოსანმა „ხარკოვი“ პირნათლად შეასრულა დავალება და კვლავ დაუბრუნდა ბათუმის პორტს. გავიგეთ თუ არა ეს, მაშინვე პიანინო მოვიკითხეთ. ნაომარი ნაღმოსანის ეკიპაჟმა კვლავ კონცერტის გამართვა გვთხოვა. ჩვენც ადვუსრულეთ სურვილი... შემდეგ კაპიტანი ტ. შევჩენკო მღელვარედ გვიამბობდა ეკიპაჟის საბრძოლო „გასტროლებზე“ და, ბოლოს, ღიმილით დასძინა: „პიანინოს არაერთხელ ჰქონია შემთხვევა წყალქვეშა სამეფოში საგასტროლოდ გამგზავრებულიყო. მა-

გრამ, საბედნიეროდ, ეს არ მოხდა“
უწებელს გაბარებთ მას“.



უარს როგორ ვეტყობი

1942 წელს, დიდი ოქტომბრის რევოლუციის საზეიმო დღეებში, ჩვენს ანსამბლს სხვადასხვა სამხედრო გემზე უნდა გამართა სამი კონცერტი. დილის ათ საათზე ჩვენ უკვე ნაპირს მივადექით. თხუთმეტი წუთის შემდეგ სამხედრო კატარლამ გადაგვსხა „ლვოვზე“.

ჩვენს კონცერტს წარმატება ხვდა. გადავინაცვლეთ კრეისერზე „კრასნი კავკაზი“. გულთბილი საუბარი გვექონდა ჩვენს თანამემამულე მ. ჭინჭარაძესთან, კრეისერის კაპიტნის მთავარ თანაშემწესთან. უნდა ითქვას, რომ დაუფარავი სიხარულით ელოდა ქართველი მსახიობების გამოსვლას კრეისერის მთელი შემადგენლობა. ჩვენც არანაკლებ ველავდით და ვემზადებოდით. კონცერტმა აქაც დიდ საზეიმო განწყობილებაში ჩაიარა. კაპიტნის მთავარმა თანაშემწემ, კრეისერის მებრძოლებისა და ოფიცერთა შემადგენლობის სახელით, მადლობა გადაგვიხადა და შემოქმედებითი წარმატება გვისურვა. შემდეგ მიგვიწვიეს სადღესასწაულო მაგიდაზე. იმ საზეიმო დღეებში შავი ზღვის ფლოტის მეზღვაურებს ქართველი კოლმეურნეებისაგან საჩუქრად მიეღოთ ხილი, საუკეთესო ღვინო, კონიაკი, ჩურჩხლეები, ყურძენი და ბევრი სხვა პროდუქტი. წარმოითქვა სადღევრძე-

ლოები ხალხთა მეგობრობის, კომუნისტური პარტიისა და საბჭოთა ხალხის, ჩვენი დიადი საბჭოთა არმიისა და ფლოტის სადიდებლად.

როდესაც სარეისო გემზე „სევასტოპოლი“ წასასვლელად მოვემზადეთ, მ. ჭინჭარაძემ გვთხოვა „სევასტოპოლზე“ კონცერტის გამართვის შემდეგ მათთან დამატებითი კონცერტი ჩაგვეტარებინა. ეს, როგორც იტყვიან, ზეგვემოთ კონცერტი იყო. უარს როგორ ვეტყოდით. მაგრამ ამ კონცერტის ჩატარება უფრო იოლ ფორმებში მოგვიხდა — მხოლოდ ოფიცერთა შემადგენლობისათვის. კონცერტის დროს ძნელი იყო გავერჩიათ მასპინძელი და სტუმარი: ერთად ვცეკვავდით და ვმღეროდით. გვიან ღამით გემი დაეტოვეთ, მაგრამ ქალქში უსასვებოდ ვინ გაგვიშვებდა! ჩვენ კი არც ერთს არ აღმოგვაჩნდა იგი. მამის კრეცერის მეზღვაურებმა სათითაოდ შინ მიგვაცილეს.

მუდამ მოსაგონრად დაგვრჩა ანსამბლის წევრებს ეს საზვიამო საოქტომბრო შეხვედრები საბჭოთა ფლოტის წარმომადგენლებთან.

ჩაშლილი კონცერტი

ჩვენი ანსამბლი ქობულეთში მიიწვიეს შავი ზღვის ფლოტის მფრინავებთან. ანსამბლის შემადგენლობაში მოხდა ცვლილება, შემოგვიერთდნენ არმავირის სახელმწიფო თეატრის მსახიობი გ. ბელეცკარა და აკომპანეატორი რ. გოლდინა.

ჩვენს პირველ კონცერტს ესწ-

რებოდა შავი ზღვის ფლოტის (სამხედრო-საჰაერო ძალების ოფიცერთა შემადგენლობა) შემადგენელი ძალიან მოიწონეს და დაეინებიით მოითხოვეს ანსამბლს ერთი თვის მანძილზე კონცერტები გაემართა შავი ზღვის ფლოტის მფრინავებისათვის. თანხმობა მალე მივიღეთ პარტიის ადგილობრივი ორგანოებისა და აჭარის ხელოვნების სამმართველოსაგან. დავირიგეს მშრალი კერაები, გადმოგვცეს ბრეზენტით დახურული სატვირთო ავტომობილი და დავიწყეთ მოგზაურობა. თან გვახლდა შავი ზღვის ფლოტის სამმართველოს წარმომადგენელი ვ. ვართანიანი.

ძნელია ჩამოთვალო ყველა სამხედრო ნაწილი, სადაც ჩვენ კონცერტები გავემართეთ, მაგრამ ერთი მათგანი არასოდეს დაგვაიწყდება.

სუხუმის მახლობლად აეროდრომზე გამოვდიოდით. სცენას წარმოადგენდა ორი სატვირთო ავტომობილი, რომელთა გადახსნილი ძარები ერთმანეთზე იყო მიდგმული. უცბად, საკონცერტო პროგრამის შესრულებისას, გამოცხადდა საჰაერო განგაში. რა თქმა უნდა, კონცერტი ჩაიშალა. მფრინავები ჰაერში აიჭრნენ. მალე მტერი განიდევნა და ჩვენც ჩვენი საქმე განვაგრძეთ.

მეორე დღეს სუხუმში ვიყავით. ქალაქის ხელმძღვანელების თხოვნით, ერთი კონცერტი სუხუმელეებისათვის გავემართეთ. მაყურებელი გულთბილად შეგვხვდა. რამდენიმე საკონცერტო ნომერი გან-

მეორებით შევასრულეთ. შემდეგ მიგვიწვია სუხუმის გარნიზონმა. ეს კონცერტიც რიგგარეშე იყო. აფიშები ერთი ღამის განმავლობაში დამზადდა. დილის თორმეტ საათზე სუხუმის საზაფხულო თეატრი მებრძოლებითა და ოფიცერთა შემადგენლობით აივსო. კონცერტს აქაც დიდი წარმატება ხვდა. იმავე საღამოს დამატებით ერთი კონცერტი კიდევ ჩავატარეთ სუხუმელებსათვის, ხოლო დილით ჩვენ უკვე გზაში ვიყავით ვათვალსწინებული გრაფიკის მიხედვით.

ბათუმიდან გამოგზავრების წინ ჩვენთვის ცნობილი იყო, რომ ანსამბლს გამოსვლა მოუხდებოდა საბჭოთა კავშირის გმირის პოლკოვნიკ ნაუმოვის ნაწილში, სადაც იმჟამად მსახურობდა საბჭოთა კავშირის გმირი მფრინავი ე. რიჟოვი. ჩვენი კოლექტივი ამ კონცერტისათვის განსაკუთრებით მოემზადა. გოგონებს გმირის საჩუქრად აბრეშუმის ცხვირსახოცებზე ამოქარგათ მისი სახელისა და გვარის ინიციალები. მომზადდა დუეტი, მიძღვნილი კაპიტან ე. რიჟოვისადმი. ჩვენი გამოსვლა პოლკოვნიკ ნაუმოვის ნაწილში სწორედ ამ დუეტით დაიწყო. მაყურებელი მქუხარე ტაშით შეგვხვდა. სცენაზე ამოვიდა კაპიტანი ე. რიჟოვი და დამსწრეთა გუგუნში ყველა ჩვენგანი გადაკოცნა. მაღლობა გადაგვიხადა ამ დიდი სიამოვნებისათვის. სცენიდან ჩავიდა თუ არა, მაყურებელმა იგი ხელში აიტაცა და ჰაერში ისროდა. მოულოდნე-

ლად გამოცხადდა საჰაერო გარნიზონი. დარბაზი დაიცალა. ჩვენ მხოლოდ ორი საათის შემდეგ შეგვხვდა კონცერტის განგრძობა. როგორც შევითქვეთ, თავს დაგვესხა გერმანელთა თვითმფრინავები. ამ ბრძოლაში ჩამოგდებულ იქნა მტრის ორი თვითმფრინავი და დაზიანდა ერთი. ბრძოლას ხელმძღვანელობდა კაპიტანი ე. რიჟოვი.

და, აი, ყველანი კვლავ ადგილზე ვართ, მაგრამ არ ჩანს კაპიტანი ე. რიჟოვი. გავგაფრთხილეს, მის მოსვლამდე კონცერტი არ დაგვეწყო. ცოტა ხნის შემდეგ დარბაზში ბანდით შეხვეული ხელით შემოვიდა ე. რიჟოვი. აღმოჩნდა, რომ მტრის ორი თვითმფრინავი პირადად მას ჩამოუგდია. იგი მსუბუქად იყო დაჭრილი. როცა კონცერტი დამთავრდა, ჩვენმა გოგონებმა მას აბრეშუმის ცხვირსახოცი გადასცეს. კვლავ ხვევნა, მაღლობა. კონცერტის შემდეგ მიგვიპატიჟეს ვახშამზე. კაპიტანი ე. რიჟოვი გველაპარაკა თავის საბრძოლო გაფრენაზე. ამხანაგებმა ხუმრობით დააყვედრეს, წითელი ვარსკვლავის ორდენი არ დაგისველებიაო. მაშინ ჩვენმა სახელოვანმა გმირმა ორდენებით სავსე მკერდიდან მოიხსნა წითელი ვარსკვლავის ორდენი, ჩადო ჭიქაში, აავსო არაყით და დასცალა. ამრიგად „დაასველა“ თავისი მეორე წითელი ვარსკვლავის ორდენი. მთელი საღამო მხიარულებაში გვატარეთ. დილით ისევ გზაში ვართ. მივდივართ ტუაფსეში. ისევ კონცერტები... და აქ დამთავრდა ჩვე-

ნი „სამხედრო-საგასტროლო“ მო-
გზაურობაც. დავბრუნდით ჩვენს
მშობლიურ ბათუმში.

მცირე ხნის შესვენების შემდეგ
კვლავ მოგზაურობა სამხედრო ნა-
წილებში, გემებზე, წყალქვეშა ნა-
ვზე „ნევა“, კრეისერზე „ვოროში-
ლოვი“, სოფლებში, ქალაქებში,
შემდეგ ბაქოში, ორჯონიკიძეში,
მახაჩკალაში, დერბენდში. ასე გა-
გრძელდა ჩვენი შემოქმედებითი
მუშაობა დიდი სამამულო ომის
დამთავრებამდე. ანსამბლმა ადგი-
ლობრივ მცხოვრებთათვის მოაპ-

ზადა უ. ჰაჯიბეკოვის მუსიკალური
კომედია „არშინ მალ-ალან“, რომ-
ლის დადგმა განახორციელდა ჩვენს
ბლაძემ. ეს სპექტაკლი იდგმებო-
და 1944 წლის დასასრულამდე.

დიდი სამამულო ომის წლებში
სანიმუშო მუშაობისათვის ანსამბ-
ლის წევრები ა. ჯიჯიეშვილი, ე. ხა-
ბაძე, ა. შალაძე, ნ. სანადირაძე,
ლ. ლუკაშვილი, ტ. მიქელაძე და
სხვები დაჯილდოებულ იქნენ სსრ
კავშირის უმაღლესი საბჭოს პრე-
ზიდიუმის ქების სიგელით და მედ-
ლებით: „კავკასიის დაცვისათვის“
და „შრომითი წარჩინებისათვის“.

ა. შალაძე,

აჭარის ასსრ დამსახურებული არტისტი.





ვილიამ მახარაძე

მხნეპირან სინამდვილისაკენ

ადამიანები უხსოვარი დროიდან ოცნებობდნენ ისეთ საზოგადოებაზე, სადაც არ იქნებოდა ადამიანის მიერ ადამიანის ჩაგვრა, გაპირვება და სიღატაკე, სადაც არ იქნებოდნენ არც მდიდრები და არც ღარიბები, სადაც ყველა იშრომებდა და ცხოვრება ყველასათვის საამური იქნებოდა.

დიდი მოაზროვნეები ადგენდნენ იდეალური საზოგადოების შექმნის გეგმებს, თავისებურად ხატავდნენ და ასაბუთებდნენ კომუნისტური საზოგადოების შესაძლო საწყისებს. ასეთი მოაზროვნენი იყვნენ სოციალ-უტოპისტები.

სკკ XXII ყრილობაზე ამხანაგი ნ. ს. ხრუშჩოვი ამბობდა: „უტოპიური სოციალიზმის წარმომადგენლებმა მწვავედ გააკრიტიკეს ექსპლუატატორული წყობილება და მისი მანკიერებანი. ისინი ხატავდნენ მომავალი საზოგადოების სურათებს... ჩვენ მადლიერებით ვიგონებთ დიდ სოციალისტ-უტოპისტებს სენ-სიმონს, ფურიეს, ოუენს, კამპანელას, მორს, ჩვენს რუს რევოლუციონერ-დემოკრატებს ჩერნიშევსკის, გერცენს, ბელინსკის, დობროლუბოვს, რომლებიც სხვებზე ახლოს მივიდნენ მეცნიერულ სოციალიზმამდე“.

სტრეალისტური აზრის ცისკარი ამობრწყინდა სადღაც ოკეანეში მღებარე კუნძულ „უტოპიაზე“, რომლის შესახებაც 1516 წელს მოგვითხრო ინგლისელმა ჰუმანისტმა თომას მორმა (1478-1535 წ.წ.) თავის სახელგანთქმულ წიგნში „უტროს წიგნი ანუ უტოპია“ („უტოპია“, რომლის სახელითაც მორმა ბედნიერი კუნძული მონათლა, ბერძნულად ნიშნავს ადგილს, რომელიც არ არსებობს. ამ დროიდან „უტოპიას“ უწოდებენ ისეთ იდეალურ საზოგადოებრივ წყობილებას, რომლის განხორციელებაც შეუძლებელია). მორი „უტოპიაში“ გვიხატავს საზოგადოებას, სადაც ყველა სრულასაკოვანი ადამიანი, როგორც მამაკაცი, ისე ქალი, სასარგებლო ფიზიკურ შრომას ეწევა, ვარდა იმ პირობისა, რომლებიც სამეცნიერო მუშაობას მისდევენ ან დროებით მმართველობის ორგანოში არიან არჩეული. უტოპიელებს მხოლოდ ექვსი საათი სამუშაო ღლე აქვთ. თავისუფალ დროს ისინი იყენებენ მეცნიერებისა და ხელოვნების დაუფლებისათვის. რომ არ იყოს განსხვავება სოფლისა და ქალაქის მოსახლეობის პირობებს შორის, უტოპიელები პერიოდულად იცვლიან ადგილს: ქალაქის მუშაეები სოფლად მი-



დიან სამუშაოდ და სოფლისა — ქალაქად.

თომას მორის ამ იდეალურ საზოგადოებაში არიან მონებიც, რომლებიც ყველაზე მძიმე სამუშაოს ასრულებენ, რაც ცხადია, უარყოფს ადამიანთა თანასწორუფლებიანობას, რასაც თომას მორი დამახასიათებლად თვლიდა უტოპიისათვის. სხვა უტოპისტების მსგავსად, მორსაც მიიჩნედა, რომ გადასვლა ახალ წყობილებაზე განხორციელდებოდა არა რევოლუციური, არამედ მშვიდობიანი გზით.

ბედნიერი „მზის სახელმწიფოს“ ბრწყინვალე კონტურებს ხედავდა საპატრიოლის საქანის რიკულებიანი ფანჯრიდან იტალიელი რევოლუციონერი და დიდი მოაზროვნე თომასო კამპანელა (1563-1639 წ.წ.).

ამ პერიოდში იტალია ესპანეთის უღელქვეშ იმყოფებოდა. კამპანელა შეეცადა აეგზნებებინა ხალხი უცხოელი მხაგრელების წინააღმდეგ. იგი ოცნებობდა მშობლიურ მთებსა და ველებზე შექმნა ბედნიერების ქალაქი — „ქალაქი მზე“. ამ მიზნით სათავეში ჩაუდგა ფართულ ორგანიზაციას, რომელიც მიზნად ისახავდა სამშობლოს განთავისუფლებას. ლალატის შედეგად ორგანიზაცია დაარბიეს, კამპანელა შეიპყრეს. იგი ოცდაშვიდი წლის განმავლობაში ჰყავდათ გამოწყვედილი ორმოცდაათ სხვადასხვა საპატრიოლეში. მკაცრი პირობების მიუხედავად, მან მიაღწია წერის ნებართვას. ამის ნება იმიტომ დართეს, რომ სურდათ შეეტყობთ, რას ფიქრობდა მათი ტყვე. და აი კამპანელა 1602 წელს საპატრიოლეში წერს განთქმულ ნაწარმოებს „მზის სახელმწიფო“, რომელშიც უარყოფილია კერძო საკუთრება, საზოგადოების ყველა წევრი თანასწორია, ყველა შრომობს და კმაყოფილია. მათ უხდებათ დღეში ოთხი საათი მუშაობა. დანარჩენ დროს ისინი ანდომებენ საუბრებს, კითხვას, მეცნიერული ცოდნის შექმნას, სეირნობას, ვართობას, სპორტს. განსაკუთრებული ყურადღება ექცევა მეცნიერულ და ტექნიკურ გამოგონებებს.

ღრო გადაიოდა, ოცნება კვლავ ცოცხ-

ლობდა, მოუწოდებდა ადამიანებს შეეთესი მომავლისაკენ.

სამართლიანობის საწყისებზე მუშაობდა მნილი მთელი მსოფლიოს სურათის დახატვას შეეცადნენ XVIII-XIX საუკუნეთა ერთ-ერთი დიდი სოციალ-უტოპისტი, ფრანგი ხალხის გამოჩენილი შვილი სენ-სიმონი (1760-1825 წ.წ.) და მისი მიმდევრები. მსოფლიოს მომავალი მათ წარმოდევნილი ჰქონდათ როგორც მშრომელთა საერთაშორისო ასოციაცია, რომელიც შეიქმნება ზნეობრიობისა და ცოდნის პრინციპებზე. იგი ვაერთიანებდა მშრომელებს და უზრუნველყოფდა საზოგადოებრივი წარმოების ორგანიზაციას მსოფლიო მასშტაბით. ადამიანთა მღვთვარეობას ამ ასოციაციაში „განსახლვარავს საზოგადოება მათი დამსახურების მიხედვით და გასამრჩელოს მიიღებენ მათ მიერ შესრულებული საქმის მიხედვით...“ სენ-სიმონი არ იყო კაპიტალისტური წყობილების წინააღმდეგობათა რევოლუციური გზით გადაჭრის მომხრე.

ბურჟუაზიული სახელმწიფოების ბრწყინვალე კრიტიკა მოგვცა აგრეთვე ახალი საზოგადოებისათვის მგზნებარე მეტროქომა, სენ-სიმონის გამოჩენილმა თანამემამულემ შარლ ფურიემ (1772-1837 წ.წ.). ის ხატავს მომავალი საზოგადოების წარმტაც პერსპექტივებს და სთხოვს მდიდარ ადამიანებს, დააფინანსონ მისი ორგანიზაცია, რომელიც ამ საზოგადოების აშენებისათვის იბრძოლებს. ფურიეს მიერ გაუხეთებში გამოქვეყნებულ განცხადებაში აღნიშნული იყო, რომ ყოველ კაპიტალისტს, რომელიც გაიღებს სახსრებს მსოფლიოში უდიდესი გამოგონების განსახორციელებლად, შეუძლია ინახულოს გამოგონებელი ყოველდღე დღის 12 საათზე. შარლ ფურიე, რომელიც ლიონის ერთ-ერთ სავაჭრო კონტორაში მუშაობდა, ყოველდღე სახლში მიიჩქაროდა დანიშნული დროისათვის... მაგრამ ამაოდ. მის განცხადებას არც ერთი კაპიტალისტი არ გამოეხმაურა. შარლ ფურიე, ისევე, როგორც სენ-სიმონი, რევოლუციის წინააღმდეგი იყო.

XIX საუკუნის უდიდესი სოციალ-უტოპისტი იყო გამოჩენილი ინგლისელი მოღვაწე რობერტ ოუენი (1771-1858 წ.წ.). იგი განაგებდა მსხვილ ძაფსახვევ საწარმოებს ნიუ-ლენარკში (შოტლანდია). თავის ფაბრიკაში მან სამუშაო დღე 14-15 საათიდან შეამცირა 10,5 საათამდე. ვარდა ამისა, ოუენი ფაბრიკაში არ იღებდა ათ წლამდე მოზარდს და ა. შ.

რობერტ ოუენი გამოდიოდა მიტინგებზე, ყიდულობდა და ავრცელებდა ასობით გაზეთსა და ბროშურას, რომლებშიც იბეჭდებოდა ამ მიტინგების ანგარიშები. მალე მან თავისი ოცნების პრაქტიკულად განხორციელება დაიწყო. საჭიროა, ამბობდა იგი, რომ მთელ ინგლისში შეიქმნას დასახლებული პუნქტები ღარიბი და უმუშევარი ადამიანებისათვის, მოათავსონ ისინი საერთო საცხოვრებლებში და ამუშაონ საზოგადო მინდვრებსა და ფაბრიკებში. რადგან ინგლისში ამის საშუალება არ მისცეს, რობერტ ოუენი ამერიკაში გაემგზავრა და იქ შექმნა კომუნისტური კოლონია „ახალი ჰარმონია“. ამ საქმეს მან მთელი თავისი ქონება მოახმარა. მართალია, ცდამ სასურველი შედეგი არ გამოიღო, მაგრამ რ. ოუენმა გული მაინც არ გაიტეხა, კვლავ დაბეჯითებით განაგრძობდა კომუნისმის იდეების ქადაგებას. მოაწყო გაზეთის გამოცემა, საჯაროდ გამოდიოდა სიტყვებით, თავის პროექტებსა და მოწოდებებს უგზავნიდა ნიკოლოზ პირველს, საფრანგეთის მეფეს და ა. შ.

რობერტ ოუენს არ უსმენენ. დაცინიან... დრო კი მიდის. მას უკვე ოთხმოცდაშვიდი წელი შეუსრულდა, მაგრამ კვლავ დაუღალავად განაგრძობს ბრძოლას კაპიტალიზმის ნათელი მომავლისათვის... აი უკანასკნელად ადის ტრიბუნაზე, ლაპარაკობს სუსტი ხმით, ლაპარაკობს ახალ საზოგადოებაზე, სადაც არ იქნება სიღატაკე. და უეცრივ წყდება მისი ხმა, ძალა ელევა, უგრძობლად ეცემა...

როგორც ყველა სოციალისტ-უტოპისტს, რ. ოუენსაც საზოგადოებრივი ბოროტების ძირითად მიზეზად მიაჩნდა არა წარმოების კაპიტალისტური წესი, არამედ ადამიანების უეცობა, ის, რომ მათ თი-

თქოს არ იცოდნენ თავისი ბუნება. რ. ოუენი გადაჭრით წინააღმდეგობას უწევს პროლეტარიატის რევოლუციური ბრძოლისა.

სოციალისტური თეორიის განვითარებაში მნიშვნელოვანი წვლილი შეიტანეს აგრეთვე დიდმა რუსმა რევოლუციონერმა დემოკრატებმა ბელინსკიმ, გერცენმა, ჩერნიშევსკიმ და დობროლუბოვმა; რომლებიც ყველაზე ახლოს მივიდნენ მეცნიერულ სოციალიზმამდე.

დასავლეთ ევროპის უტოპისტებისაგან განსხვავებით, რუს რევოლუციონერ დემოკრატებს მიაჩნდათ, რომ ისტორიაში მთავარ როლს ასრულებენ ხალხთა მასები და რომ სოციალიზმზე გადასვლის აუცილებელი პირობაა სახალხო რევოლუცია.

სოციალიზმში უტოპიიდან და ოცნებიდან მეტრძოლი პროლეტარიატის რევოლუციურ მოძღვრებად გადააქციეს მსოფლიო პროლეტარიატის დიდმა ბელადებმა კარლ მარქსმა, ფრიდრიხ ენგელსმა, ვლადიმერ ლენინმა. მათ შექმნეს კომუნისმის მეცნიერული თეორია. მარქსმა და ენგელსმა აღმოაჩინეს და დაასაბუთეს პროლეტარიატის, როგორც კაპიტალიზმის მესაფლავის, მსოფლიო ისტორიული როლი, შეიმუშავეს ბურჟუაზიის წინააღმდეგ მისი კლასობრივი ბრძოლის სტრატეგია და ტაქტიკა.

დიდმა ლენინმა შემდგომ განავითარა მარქსისა და ენგელსის მოძღვრება კომუნისტური საზოგადოების აშენების შესახებ, შეიმუშავა სოციალიზმის მშენებლობის გეგმა და კომუნისტურ საზოგადოებაში გადასვლის კანონზომიერებანი. ჯერ კიდევ მაშინ, როცა ჩვენი ახალგაზრდა ქვეყანა მხოლოდ იწყებდა პირველი მსოფლიო და სამოქალაქო ომებით გაპარტახებულ სახალხო მეურნეობის აღორძინებას, ვ. ი. ლენინი უდიდესი რწმენით ამტკიცებდა, რომ ჩვენ ვაქვს ყოველივე აუცილებელი სრული სოციალისტური საზოგადოების ასაშენებლად. „...თუმცა ეს ამოცანა ძნელია, — ამბობდა ლენინი, — თუმცა იგი ახალია ჩვენს ვეღვ ამოცანასთან შედარებით, თუმცა

იგი მრავალ სიძნელეს გვიქმნის, — ჩვენ ყველანი ერთად, არა ხვალ, არამედ რამდენიმე წელიწადში, ჩვენ ყველანი ერთად გადავწყვეტთ ამ ამოცანას რაღაც უნდა დაჯდეს, ასე რომ ნებური რუსეთიდან გვექნება სოციალისტური რუსეთი“ (თხზ., ტ. 33, გვ. 524).

ცხოვრებამ საესებით დაადასტურა ვ. ი. ლენინის გენიალური წინასწარგანკვერტა. საბჭოთა ხალხმა დაძლია ყოველგვარი სიძნელე და წინაღმდეგობა, უმოკლეს ისტორიულ ვადაში განახორციელა ქვეყნის ინდუსტრიალიზაცია, სოფლის მეურნეობის კოლექტივიზაცია და კულტურული რევოლუცია. სოციალიზმი, რომლის გარდუევალობა იწინასწარმეტყველეს მარქსმა და ენგელსმა და რომლის აშენების გეგმა ლენინმა დასახა, ჩვენს ქვეყანაში უკვე განხორციელდა.

კომუნისტური საზოგადოების შექმნა, კომუნიზმის მატერიალურ-ტექნიკური ბაზის მომზადება ჩვენი მშობლიური კომუნისტური პარტიისა და საბჭოთა ხალხის ყოველდღიურ პრაქტიკულ ამოცანად იქცა. პარტიის XXII ყრილობამ, შეაჯამა რა ჩვენი ხალხისა და მისი მებრძოლი ავანგარდის — კომუნისტური პარტიის ტიტანური მუშაობის შედეგები, მიიღო ჩვენს ქვეყანაში კომუნისტური საზოგადოების მშენებლობის მეცნიერულად დასაბუთებული დიადი პროგრამა.

ახლა კომუნიზმი ოცნება კი აღარ არის, არამედ რეალური სინამდვილეა, კაცობრიობის ნათელი გზა და მომავალია. სოციალიზმის გზით ადრე თუ გვიან წავაყველა ხალხი და შორს არ არის ის დრო, როცა კომუნიზმი იზეიმებს თავის გამარჯვებას მთელ ჩვენს პლანეტაზე.



პეპელე ნახვლიშვილი

სოციალისტური რეალიზმის მეთოდის ნოვატორული ხასიათი

სოციალისტური რეალიზმის ლიტერატურა დღითი დღე მკვედრდება და ძლიერდება, იპყრობს ახალ-ახალ მწვერვლებს. იგი უკვე კარგა ხანია მსოფლიო მასშტაბით გავრცელდა და, რაც დრო გადის, სულ უფრო პოპულარული ხდება. ბუნებრივია, ამ გარემოებამ გამოიწვია რეაქციონერთა გააფთრება. ბურჟუაზიის ისეთი დაქირავებული მკლახნელები, როგორც არიან ვ. სიმონსონი, მ. სლონიმი, ვ. ერლიხი, გ. სტრუვე, ა. ლეფვერი და სხვანი, თავს ესხმიან რა სოციალისტურ რეალიზმს, ცდილობენ დაამტკიცონ მისი ხელოვნური ხასიათი. მათი აზრით, სოციალისტური რეალიზმის მეთოდი თითქოს „კაბინეტში შემუშავებული“ დოქტრინაა, რომელსაც ძალით ახვევენ თავზე მწერლებს კომუნისტური იდეების პროპაგანდის გასაწევად. ამავე დროს ისინი უსირცხვილოდ გაიძახიან, თითქოს ჯერ ტერმინი „სოციალისტური რეალიზმი“ დაიბადა და შემდეგ დაიწყო ამ მეთოდის დანერგვა.

დღეს ყველასათვის ნათელია, რომ სოციალისტური რეალიზმის ლიტერატურა წარმოიშვა კომუნისტურ იდეებთან მჭი-

დრო კავშირში, თითქმის მათთან ერთად, და ამიტომ ახალი ეტაპი, ნოვატორული მოვლენა ლიტერატურის განვითარების ისტორიაში. მაგრამ იგი არ წარმოშობილა ცარიელ ადგილზე და არც ხელაღებით უარუყვია კაცობრიობის მხატვრული განვითარების მონაპოვარნი. სოციალისტური რეალიზმის ლიტერატურა ფართოდ იყენებს წარსულის მემკვიდრეობას — კრიტიკული რეალიზმისა და საერთოდ პროგრესული ლიტერატურის საუკეთესო ტრადიციებს, თავისებურად ამუშავებს და ახალ სახეს აძლევს მათ.

რეალიზმა, ცხოვრებისეული სიმართლე. სოციალისტური რეალიზმის ლიტერატურის მთავარი, ძირითადი დამახასიათებელი ნიშანია. საბჭოთა მწერლებმა ამ მხრივ ბევრი რამ შეიძინეს მსოფლიო ლიტერატურის კლასიკოსებისაგან, გამოიყენეს მათი მდიდარი გამოცდილება. მაგრამ კონკრეტულმა ისტორიულმა პირობებმა ახალი ტიპის მწერალს უკარნახა რეალური ცხოვრება დაენახა მის რევოლუციურ განვითარებაში, პერსპექტივაში. გენიოსმა ლ. ტოლსტოიმ მოგვცა რუსული ცხოვრების შესანიშნავი, მარად

* განხილვის წესით.

უკედავი სურათები, რისთვისაც დიდმა ლენინმა მას „რუსეთის რევოლუციის სარკე“ უწოდა. ეს ტოლსტოის უდიდესი დამახსურებაა, მაგრამ ფაქტია ისიც, რომ მან ვერ მონახა ჭეშმარიტი რევოლუციური გზა, ვერ დაინახა ცხოვრების სარბა-ელზე გამოსული ახალი სოციალური ძალა — პროლეტარიატი, რომელსაც შეეძლო სინამდვილის ძირფესვიანი გარდაქმნა. ერთი სიტყვით, ტოლსტოი კმაყოფილდებოდა მხოლოდ კაპიტალისტურ ფარემოს კრიტიკით, ვერ ხედავდა კლასს, რომელიც შეძლებდა ექსპლუატატორთა ბატონობის დამხობას.

არსებული წყობილებისადმი კრიტიკული დამოკიდებულება ახასიათებდა სოციალისტური რეალიზმის ლიტერატურასაც ადრეულ ეტაპზე, მაგრამ კრიტიკული რეალიზმისაგან განსხვავებით იგი მკაფიოდ ხედავდა განვითარების პერსპექტივებს, სოციალურ ძალას, რომელიც თვით კაპიტალიზმის წიაღში წარმოიშვა და უნდა დაესაფლავებინა ეს უკანასკნელი ექსპლუატატორული საზოგადოება. მაქსიმ გორკი პირველი მწერალი იყო, რომელმაც ამ ახალი კუთხით შეხედა ცხოვრებას და მასში დაინახა კაპიტალიზმის მიერ შობილი, მაგრამ მისდამი ანტაგონისტურად დაპირისპირებული კლასი — პროლეტარიატი. იგი, ეს კლასი, ჯერ კიდევ ახალგაზრდა იყო, თუმცა ძლიერი და მომავალიც მას ეკუთვნოდა. მაქსიმ გორკის „დედა“, ამ რომანის გმირები პაველ და პელაგია ვლასოვები, ანდრეი ნახოდა და სხვები ცხადყოფენ, რომ საზოგადოებას მოეციან მისი გარდამქმნელი ძალა, რომ ჩაისახა ახალი ლიტერატურა, სოციალისტური რეალიზმის ლიტერატურა.

ჩვენს ქვეყანაში საბჭოთა ხელისუფლების დამყარების შემდეგ სოციალისტური რეალიზმის ლიტერატურა, რასაკვირველია, აღარ იბრძვის არსებული წყობილების წინააღმდეგ, აღარ არის მისდამი ანტაგონისტურად განწყობილი. მართალია, მან შეინარჩუნა კრიტიკული დამოკიდებულება სინამდვილისადმი, მაგრამ ეს კრიტიკა უკვე ემსახურება აღმზრდელობით ამოცანებს, იგი მიზნად

ისახავს არა სინამდვილის უარყოფას, არამედ მის განმტკიცებასა და გაძლიერებას, ახლისა და პროგრესულის გამარჯვებას, ძველისა და დრომოკმულულისა და ლიკვიდაციას. საბჭოთა მწერალი როდი ერიდება კომუნისტების მშენებლობის გზაზე არსებულ დაბრკოლებათა ჩვენებას და სრული სიმართლით ხატავს მოვლენებს. კრიტიკული რეალიზმის თხზულებებში ხშირად კეთილი ბოროტის მსხვერპლი ხდებოდა, ზოგჯერ ისტორიულ-კონკრეტული პირობების, ზოგჯერაც თვით მწერლის დიდური პოზიციის გამო. კომუნისტური მსოფლმხედველობის შეაიარაღებულნი ხელგანისათვის კი არ არსებობს ამგვარი წინააღმდეგობა. მან იცის, რომ ახალი საზოგადოებრივი წყობილება ვითარდება ცხოვრების კანონებით და, მიუხედავად წინააღმდეგობებისა, კეთილი საბოლოოდ მაინც გაიმარჯვებს. ეს ტენდენცია სოციალისტური რეალიზმის ლიტერატურის აუცილებელი ატრიბუტია და ამაშია სწორედ მისი ნოვატორული ხასიათიც.

ცხოვრებისეული მოვლენების მართალი სურათების ჩვენება დაკავშირებულია სახეების, ტიპების შექმნასთან. წინათ მწერალი, ეყრდნობოდა რა კონკრეტულ პირობებს, ქმნიდა ტიპებს „მახტვრული განზოგადებული აზროვნების“ უშუალო გამოყენებით. რუსმა მწერალმა ნ. ვ. გოგოლმა კარგად შეისწავლა ცხოვრება, ღრმად ჩასწვდა მისი განვითარების ტენდენციებს და მკვეთრად გამოჰქანდაკებული, განზოგადებული სახეები შექმნა. ასევე საყოველთაო მნიშვნელობა მოიპოვა გონჩაროვის მიერ გამოძერწილმა ობლომოვის ტიპმა. დეკადენტურმა ლიტერატურამ დაამცირა, დააქინა და გადაგვარების გზაზე დააყენა „ტრადიციული“ ტიპიზაცია. იგი გაცოცხლდა, აღდგა და კვლავ გაძლიერდა სოციალისტური რეალიზმის ლიტერატურულ ნიმუშებში. მ. გორკიმ, დ. ბენდომ, ა. სერაფიმოვიჩმა და სხვ. ისტორიული პერსპექტივების სწორი შეგრძნებით აამეტყველეს რევოლუციური სინამდვილე.

სოციალისტური რეალიზმის ლიტერა-

ტურაში, კრიტიკული რეალიზმისაგან განსხვავებით, ტიპიურობის პრობლემა უშუალოდ უკავშირდება დადებითი გმირის პრობლემას. დადებითი ადამიანის სახეს იცნობს მსოფლიო ლიტერატურას მრავალი თვალსაჩინო ნაწარმოები. აგი უმეტესად რეალისტური ხელოვნებისათვისაა დამახასიათებელი, რადგან რეალიზმი მოითხოვს სინამდვილის ასახვას, ხოლო სინამდვილე ობიექტური კანონების მიხედვით ვითარდება. მაგრამ ამ ობიექტური კანონების ბოლომდე შეცნობა შესაძლებელია მხოლოდ დიალექტიკური მატერიალიზმის მომარჯვებით. ამიტომ, როცა ვმსჯელობთ კლასიკურ ლიტერატურაში ახალი ადამიანის შესახებ, მხოლოდ მის ელემენტებს ვგულისხმობთ. დადებითი გმირის, როგორც მთლიანი, მონოლითური სახის ფორმირება სოციალისტური ლიტერატურის საკუთრებაა და იგი კომუნისტურ მსოფლმხედველობას უკავშირდება.


დადებითი გმირის შექმნა სცადა დიდმა ქართველმა მწერალმა ილია ჭავჭავაძემ, რომლისთვისაც უცხო არ იყო რევოლუციური იდეები. დადებითი ადამიანები მან ნახა როგორც გლეხთა, ისე სხვა სოციალურ წრეებში. მაგრამ ილია ვერ ამადლდა კლასობრივი ბრძოლის რევოლუციურ შეგნებამდე. იგი გლეხთა წრიდან გამოსული ადამიანების ბედნიერებას წერილობრივად უახიულო იდეალებში ხედავდა.

კრიტიკული რეალიზმის ლიტერატურის დადებითი გმირი, როგორც წესი, საზოგადოებასთან კონფლიქტში იმყოფებოდა და სოციალურ უკუღმართობასთან ბრძოლაში მარტო რჩებოდა, რაც განაპირობებდა მისი ცხოვრების ტრაგიკულ დასასრულს. ახალი ადამიანის ტრაგიკული ბედი მთელი სიძლიერით გამოიხატა ვაჟა-ფშაველას შემოქმედებაში. მან შოგვაკ მშრომელ ადამიანთა დაუვიწყარი სახეები, რომლებიც მსოფლიო ჰუმანიზმის ტრადიციების უბადლო განსახიერებას წარმოადგენენ. მაგრამ ვერც გენიოსმა ვაჟამ შეძლო ბოლომდე გადაეჭრა დადებითი გმირის პრობლემა. მისი მიზნია, ალუდა და სხეები განწირული აღმოჩნდ-

ნენ საზოგადოებასთან კონფლიქტში. სოციალისტური რეალიზმის ლიტერატურის ძალა და ძლიერება კი პიროვნების და საზოგადოების ურთიერთშეხვედრისა და მის პრინციპში მდგომარეობს. მათ შორის უკვე აღარ არის ძირეული წინააღმდეგობა.

ხალხის წიაღში შობილი დადებითი გმირის იდეალი იგივე საზოგადოების იდეალია და პირიქით. გორკის რომანი „დედა“ ამ დებულების ნათელი დადასტურებაა. პელაგია ნილოვნას, პავლე ვლასოვის, ანდრია ნახოდკას კრისტალიზებულ დადებით სახეებთან ერთად გორკიმ ხსენებულ რომანში დიდი მომავლის მქონე პროლეტარიატი გამოიყვანა. არა ერთი და ორი პიროვნება, არამედ მთლიანი პროლეტარული მასა, ხალხი წარმოადგენს მთავარ მამოძრავებელ ძალას, რომელიც ებრძვის ძველს, დრომოჭმულს, კაპიტალიზმის მგლურ კანონებს. მარქსისტული იდეებით შეიარაღებულმა მ. გორკიმ კარგად იცის, რომ არა ძლიერი ცალკეული პიროვნებანი, არამედ რევოლუციური მასები, ხალხი წარმოადგენს განვითარების მთავარ ძალას და სწორედ მასთან დაკავშირებული ლიტერატურული სახეები იძენენ ტიპურ თვისებებს.

პატრიოტიზმი სოციალისტური რეალიზმის ლიტერატურის ერთ-ერთი ძირითადი მიზან-თვისებაა. ვლადიმერ პეტროვიჩმა ამ დიდი გრძნობის შესახებ კლასიკურ ლიტერატურულ მემკვიდრეობაში, არ უნდა დავივიწყოთ, რომ რევოლუციამდე საზოგადოებაში ანტაგონისტური წინააღმდეგობანი თიშავდა ერს ორ მოპირდაპირე კლასად — მწავრულად და ჩაგრულად. თვითვე კლასს ჰყავს თავისი იდეოლოგია, რომელიც თავისებურად უქქების ეროვნული ცხოვრების პერსპექტივებს. ამის გამო კრიტიკული რეალიზმის პატრიოტიზმი შეზღუდულ ხასიათს ატარებს. იშვიათად თუ გაარდევს რომელიმე გენიოსის მხატვრული ტალანტი ამ ბარიერებს და დაუახლოვდება პატრიოტიზმის ხალხურ გაგებას. მაგრამ იგი მაინც ეროვნულ ჩაჩხოვებაში იკეტება და ვერ აღის პროლეტარული ინტერ-



ნაციონალიზმის სიმაღლემდე. მხოლოდ სოციალისტური ლიტერატურის ხვედრია ამ მოვლენის ღრმა დახასიათება, ინტერნაციონალური მეგობრობის ნიადაგზე პატრიოტიზმის ყოვლისმძლე გრძნობის სრულყოფილი ჩვენება. ეს ასეც უნდა იყოს. დიდმა ოქტომბრის სოციალისტურმა რევოლუციამ პრაქტიკულად განახორციელა კაცობრიობის საუკუნეობრივი ოცნება — სხვადასხვა ეროვნების ხალხთა შემჯიბრობა-შეკავშირება. გაფართოვდა სამშობლოს ცნება და სოციალისტური რეალიზმის ლიტერატურა საბჭოთა პატრიოტიზმის პირველ მედროულ მოგვევლინა.

ნოვატორული სახის პატრიოტიზმმა საბჭოთა ლიტერატურას ახალი, ოპტიმისტური შინაარსი მისცა. ოპტიმიზმი უცხო არ იყო მსოფლიო პროგრესული ლიტერატურისთვისაც, თუმცა რეაქციული ბურჟუაზიის მესიტყვეები მთელი შესაძლებლობით ცდილობენ დაასაბუთონ ამ აზრის უმართებულობა. ოპტიმიზმის ნათელი იდეებით არის გაცისკროვნებული XII საუკუნის გენიალური ქმნილება „ვეფხისტყაოსანი“. მომავლის რწმენა წითელი ზოლივით გასდევს ულიამ შექპირის მრავალფეროვან შემოქმედებას. პესიმოზმის უსასოო იდეებს დაუპირისპირეს თავიანთი შემოქმედება ალ. პუშკინმა, ნ. გოგოლმა, ლ. ტოლსტოიმ. სოციალისტური რეალიზმის ლიტერატურა, ეყრდნობა რა ამ ძვირფას ტრადიციას, მტკიცედ იცავს მას, მაგრამ უცვლელად, დოგმატურად როდი გადმოაქვს იგი. საბჭოთა მწერლის ოპტიმიზმი ახლის, პროგრესულის გარღვეული გამარჯვების რწმენითაა შთაგონებული. თვითონ სოციალისტური სინამდვილე შეიცავს მძლავრ ოპტიმისტურ ნაყადს. ამიტომ საბჭოთა მწერალს არ სჭირდება გარედან მიაკეროს ნაწარმოების რომელიმე მოქმედ პირს ეს თვისება, იგი თვით ცხოვრებიდან მომდინარეობს.

საბჭოთა პატრიოტიზმსა და ოპტიმიზმს ორგანულად უკავშირდება შრომის საგალობელი. შრომის დიადი როლის გამოხატვა სოციალისტური რეალიზმის ლიტერატურის ძირითადი ნოვატორული ნი-

შანია. ამით ჩვენ იმის თქმა არ გვიძალადის, რომ შრომის იდეა უცხო იყო სიკურ ლიტერატურაში. ხატავდნენ ცხოვრების სურათებს, კრიტიკული რეალიზმის წარმომადგენლებს არ შეეძლოთ ეჩვენებინათ შრომის სიღაღე, მისი გარდამქმნელი როლი. შემთხვევითი არ იყო, რომ გენიოსი გოეთე იძულებული გახდა უტოპიური სახით წარმოედგინა ვახუსტის თავისუფალი შრომის იდეალები.

მხოლოდ სოციალისტური რეალიზმის მეთოდით შეიარაღებულმა მწერლებმა გვიჩვენეს შრომის სიღაღე, მისი გამაკეთილშობილებელი და გარდამქმნელი ძალა. მაქსიმ გორკიმ „დედაში“ პირდაპირ თქვა, მუშამ თვით უნდა გამოსკვადოს თავისი ბედი, კაპიტალისტს უნდა გამოეკლავოს შრომის უფლებაო, როგორც ეს დიდი ოქტომბრის სოციალისტური რევოლუციის შემდეგ მოხდა, როდესაც შრომა გათავისუფლდა ხუნდები-სავან და გმირობისა და მამაცობის წყაროდ იქცა.

მწვევე კამათს იწვევს სოციალისტური რეალიზმის ლიტერატურის სტილის საკითხი. ზოგიერთს მიაჩნია, რომ არასოციალისტური ლიტერატურის მიერ შემუშავებული სტილი ვერ გამოდგება საბჭოთა ცხოვრების გამოსახატავად. სამართლიანად აღინიშნა ამ ბოლო დროს გამოქვეყნებულ კრიტიკულ წერილებში, რომ საკითხისადმი ამგვარ მიდგომას მივყავართ დოკმატიზმამდე. ლიტერატურული სტილი, რა თქმა უნდა, არ არის ფორმა. იგი ფორმის მხოლოდ ნაწილია. ფორმა ფართო ცნებაა, რომელიც, სტილის გარდა, მოიცავს ნაწარმოების სხვა კომპონენტებსაც (საუყვებო, კომპოზიცია, ნაწილობრივ სახეთა სისტემა და სხვ.). მასასადავ, სტილური ნიშნების მიხედვით არ შეიძლება ეიმსჯელოთ ფორმისა და შინაარსის წინააღმდეგობაზე. სტილი ძირითადად მხატვრული სამოსელია, რომელიც იღვეს ამა თუ იმ ფორმაში ჩამოყალიბებას უწყობს ხელს ენობრივი მასალის მეშვეობით. ენა კი არასოდეს არ ყოფილა კლასობრივი — იგი ერთნაირად ემსახურებოდა საზოგადოების ყველა ფენას. მხატვრული, ფიგურალური, სა-

ხოვანი გამოთქმები, მოქმედ პირთა მეტყველება, პოეტური სინტაქსი მხოლოდ მასალაა, რომელსაც მწერალი იყენებს ჩანაფიქრის განსახორციელებლად. თუმცა ყოველ ლიტერატურულ მიმართულებას ტრადიციულად თავისი სტილი ჰქონდა შემუშავებული, მაგრამ ისინი არასოდეს არ იფარგლებოდნენ ერთი გაბატონებულ, განსაზღვრული სტილით და უხვად იყენებდნენ სხვადასხვა მიმართულებისათვის დამახასიათებელ სტილურ ნიშნებს.

ეყრდნობა რა კლასიკური მემკვიდრეობის პროგრესულ ტრადიციებს, საბჭოთა მწერალი შემოქმედებითად იყენებს კრიტიკული რეალიზმისა თუ სხვა ლიტერატურული მიმართულების წინააღმდეგ სტილურ ნიშნებს და აქ არაფერია უჩვეულო, შემაშფოთებელი. ისინი, ეს ტრადიციული სტილური ნიშნები, სოციალისტური რეალიზმის ლიტერატურაში ახალი ძალით იფურჩქნება და კომუნისტური მსოფლმხედველობის შესაბამისად საყოველთაო პროგრესის, წინსვლულობის დიად საქმეს ემსახურება. თავისთავად ცხადია, სოციალისტური რეალიზმის ლიტერატურა როდი ემყოფილება მარტო ტრადიციული სტილური ნიშნებით. ჯერ ერთი, მან ახლებური სახე მისცა მათ, მეორეც, თვითონ შეიმუშავა საკუთარი, ნოვატორული სტილი. რა მრავალფეროვანიც არ უნდა იყოს ეს სტილური ნიშნები, ისინი ერთ მიზანს ემსახურებიან — ისეთი მხატვრული ნაწარმოებების შექმნას, რომლებიც ხელს შეუწყობენ მშრომელთა აღზრდას კომუნისტურად ერთგულების სულისკვეთებით. ამ გაგებით სოციალისტური რეალიზმის ლიტერატურული სტილის ნოვატორულ ფუნქციას პარტიულობის პრინციპი განსაზღვრავს.

როგორც ცნობილია, ვ. ი. ლენინი ჯერ კიდევ 1905 წელს გამოქვეყნებულ სტატიაში „პარტიული ორგანიზაცია და პარტიული ლიტერატურა“ მოითხოვდა: „სოციალისტურმა პროლეტარიატმა უნდა წამოაყენოს პარტიული ლიტერატურის პრინციპი, განავითაროს ეს პრინციპი და განახორციელოს იგი რაც შეიძლება

სრული და მთლიანი სახით“ (ვ. ი. ლენინი ბეჭდვითი სიტყვის შესახებ, 1962 წ. გვ. 288).

დიდმა ლენინმა ამ სტატიაში დაადასტურა, რომ ბურჟუაზიულ პარტიულ ლიტერატურას უნდა დაპირისპირებოდა სოციალისტური ლიტერატურა, რომელიც მარქსისტულ მსოფლმხედველობაზე დაყრდნობით სწორად, მართებულად, სრულყოფილად ასახავდა ცხოვრებას და დაეხმარებოდა მასებს პერსპექტივების შეცნობაში, კავიტაციისტური საზოგადოების ძირფესვიანად გარდაქმნაში. ვ. ი. ლენინმა ბოლომდე ამხილა ბურჟუაზიის იდეოლოგთა ფარისევლობა, რომლებიც ლიტერატურის აპოლიტიკურობის „თეორიას“ იცავდნენ. ლიტერატურის მრავალსაუკუნოვან ისტორიაში ვერ დავსახელებთ ცრტად თუ ნაკლებად ცნობილ მწერალს, რომელიც დავალებული არ იყოს თავისი დროის, თავისი ეპოქის იდეებით. არ არსებობს უმიზნო, უიდეო მწერლობა. როცა მწერალი ხელში იღებს კალამს, მას რაღაც აწუხებს, რაღაც მიზანი აქვს, რაღაც იდეა სურს გადასცეს მკითხველს. უკიდურესი ფორმალისტები, სიმბოლისტებიც კი, რომლებიც გულმოდგინედ ქადაგებდნენ უპარტიოობის პრინციპს, უაღრესად პარტიულები იყვნენ, მტკიცედ მისდევდნენ იდეალისტურ ფილოსოფიას. სიმბოლისტთა ერთი ჯგუფი, მაგალითად, ბერკლის უკიდურეს სუბიექტივიზმს ეყრდნობოდა, მეორე ჯგუფი — კანტის ესთეტიკურ პრინციპებს, ხოლო სხვები კიდევ ჰეგელის ობიექტურ იდეალიზმს იზიარებდნენ. თვით ფორმალისტური ჟონგლიორობის უპირატესობის ისინი უაღრესად პარტიული: მიზნით ქადაგებდნენ. მათ სურდათ შეექმნათ ისეთი მხატვრული ნაწარმოებები, რომლებიც გაუგებარი იქნებოდნენ მრავალმილიონიანი მასებისათვის, მაგრამ მისაწვდომი ბურჟუაზიული ზედაფენებისათვის.

ვ. ი. ლენინმა პარტიულობის პრინციპი იმთავითვე მკიდროდ დაუკავშირა ხალხურობას. დიდი ოქტომბრის სოციალისტური რევოლუციის შემდეგ პარტიუ-



ლობისა და ხალხურობის პრინციპების მნიშვნელობა კიდევ უფრო გაიზარდა. საბჭოთა კავშირში აშენდა სოციალიზმი, დაიწყო კომუნისმის გაშლილი მშენებლობა. დღეს მუშა, კოლმეურნე, ინტელიგენტი, პარტიული თუ უპარტიო — ერთი იდეით — კომუნისმის იდეით ცოცხლობს და მოქმედებს, სოციალისტური სამშობლოს მომავალი ბედნიერებისათვის ბრძოლის გრძნობითაა გაყენებული. ხალხის ცნების გაფართოებასთან დაკავშირებით ხალხურობისა და პარტიულობის პრინციპებმა განუყოფელი სახე მიიღეს. პარტიულობა ხალხურობის უმაღლესი გამოხატულებაა.

როდესაც ლიტერატურის ხალხურობაზე ვლაპარაკობთ, არ უნდა დავივიწყოთ, რომ წარსულში მხოლოდ იმ მწერალმა მოიპოვა უკვდავი სახელი, ვინც ახლოს მივიდა ხალხთან, გაუგო მას, მართლად გამოხატა მისი იდეები და მისწრაფებები. ხალხი ყოველთვის წარმოადგენდა საზოგადოების განვითარების მთავარ მამოძრავებელ ძალას და მხოლოდ მასთან დაკავშირებული ლიტერატურა შეიცავდა პროგრესულ ელემენტებს. თავისთავად ცხადია, კომუნისტური საზოგადოების ლიტერატურა არ შეიძლება არ იყოს ხალხური, რადგანაც ხალხი და კომუნისმში განუყოფელია. რა თქმა უნდა, ცხოვრების გზაზე ცალკეული ადამიანები შეიძლება შეცდნენ, ყოველთვის ვერ ამაღლდნენ მოწინავე იდეების გაგებადღე, მაგრამ მთავარი ის არის, რომ სოციალისტურ საზოგადოებაში თვითველი პიროვნება განუყოფელია ხალხისაგან. ხალხსა და პიროვნებას შორის არ წარმოიშვება ანტაგონისტური ხასიათის კონფლიქტი.

სოციალისტური რეალიზმის ლიტერატურაში რეალიზმს უშუალოდ უკავშირ-

დება რომანტიკა. რევოლუციამ და რეალიზმში რომანტიკა შეზღუდული იყო ბურჟუაზიული საზოგადოებისათვის მახასიათებელია ანარქია, არაგვემასობიერება. მწერალი, თუ იგი გამსჭვალული არ იყო მარქსისტულ-ლენინური მსოფლმხედველობით, მხოლოდ ოცნებაში ქმნიდა ნათელ მომავალს და სუბიექტური ილუზიებით საზრდოობდა. საბჭოთა ლიტერატურისათვის უცხოა ასეთი უტოპიური რომანტიკა, მისი შემოქმედებითი მეთოდი არის სოციალისტური რეალიზმი, რომელშიც, როგორც განუყოფელი ნაწილი, შედის რევოლუციური რომანტიზმი.

საბჭოთა ლიტერატურა ასახავს ცხოვრების იმ მართალ სურათებს, რომლებთანაც სისხლხორციელად არის დაკავშირებული რომანტიკა. იგი კომუნისმის მშენებელ ადამიანთა ლიტერატურაა. დღევანდელ დღეზე დაყრდნობით საბჭოთა მწერალს შეუძლია გადახედოს ხვალისდელ დღეს, აჩვენოს მომავალი ცხოვრება და ეს არ იქნება უტოპია, განუხორციელებელი ოცნება, ცრუ ილუზია. რევოლუციური რომანტიზმი მწერალს აძლევს მომავლის განჭვრეტის სწორ ტენდენციას და მეცნიერული ორიენტირების უნარს. პარტიულობისა და ხალხურობის პრინციპი კი არ ეწინააღმდეგება სოციალისტური რეალიზმის ლიტერატურის რომანტიკულ ხასიათს, პირიქით, იგი აიარაღებს მას მომავალი ცხოვრების ქეშმარიტი იდეალებით. დღეს, ატომისა და კიბერნეტიკის ეპოქაში, ხვალისდელი გმირის სახეების გამოკვეთა არ იქნება ფანტასტიკა, უტოპია. ამჟამინდელ ცხოვრებაზე დაყრდნობით ისინი უხვად იქნებიან დაჯილდოებული ტიპიური, მართალი და რეალური ადამიანური თვისებებით, საიდანაც გამომდინარეობს სოციალისტური რეალიზმის მეთოდის ნოვატორული ხასიათი.



დავით ნახვალაძე

„სიტყვას ვიტყვი, ცაჲ ქუხილი დაიწყოს“

საიათნოვას დაბადების 250 წლისთავის გამო

ნარიყალას ციხიდან მტკვრის ნაპირამდე დაშვებული კედელი შემოდგომის მზეს გაუბრწყინებია. ავლაბრის ხიდა ზემოთ მოჩანს დევივით აღმართული მეტეხის ტაძარი, ხოლო მის გვერდით ფერისცვალების მონასტრის ქონგურებმეტეხის ციცაბო კლდესთან თბილისის აშულებს ტივი ლოდზე გამოუბამთ, ზედ სუფრა გაუშლიათ და მტკვარში ჩაცეიბულ კახურ ღვინოს შეექცევიან. ერთი მათგანი ტივის კიჩოზე ჩამომჯდარა და საიათნოვას სიმღერას გასძახის:

კეკლუცი ხარ, სახეს ალი შეგშვენის
მოვიზნდება ატლას-ალი ჩაიცვა,
ბეჭედშიაც აღმას-ალი ჩაუკვა,
მწვანე ქობას ოქროს ნალი დაუსვა.

სიონის ტაძრის მახლობლად ხარფუნისუბნელებს ჭიდაობა გაუმართათ და ხალხის გნიასი ისმის. დასიტულ ქალაქში მწიფე ხილის სურნელი დგას.

მარჯენივ, შორს, ქალაქის კედლის გადაღმა მოჩანს გოგირდის აბანოს მრგვალი ზურგი. აბანოს ახლოს ჩაფხუტიანი მოხუცები ფუსფუსებენ. იქვე კინტოებს ტაშ-ფანდური გაუჩაღებიათ.

მნახველის თვალს იტაცებს ცისფრად შეღებილი მეფე ერეკლეს სასახლე ქალაქის მოედანთან. დარბაზსა და პალატებში სიმშვიდე გამეფებულია. დარჯვან დედოფალი, უფლისწულებითა და ფარეშებით, კოჯორს წაბრძანებულია. დავით სარდალი და ერეკლეს უფროსი ძე გიორგი აივანზე საუბრობენ. ანტონ კათოლიკოსი. მესხეთის ტაძრის ეპისკოპოსი თევდორე და ვიცე-კანცლერი სოლომონ ლეონიძე რალაცას ბჭობენ ერევნის სახანოს შესახებ. მეფე ერეკლე განმარტოებით ზის თავის სასახლეში, გულს მძიმე ფიქრები შემოსწოლია. საქართველოს მომავალი, დარჯვან დედოფლის მიეკრძოებული ნდომანი, ძე-ასულთა სიმრავლე და ტახტის ფლობის სურვილები აფიქრებს მეფეს.

უტეც სასახლის მოედანზე საზი აწერილდა და გაისმა „მეფის საზანდრის“ გულსაკლავი ჰანგები:

ხმალი ხელთ ვიჭირავს,
ერეკლე ხანო!..
ანათებ ქვეყანას,
მთვარე და მზე ხარო!..

სამართალი მიყავ,
ხელმწიფე ხარო.
მთელი საქართველოს
გულის სახარო!..

სიმღერამ მეფე გამოაფხიზლა. სმენა
გამახვილა. სახეზე ღიმილმა გადაურბი-
ნა. მაგრამ მაღე ისევე მოიღუშა.

კარისკაცმა გიორგი ბატონიშვილის მო-
ბრძანება აუწყა მეფეს. ერეკლემ თანხმო-
ბის ნიშნად თავი დაუქნია და ისიც შემო-
ვიდა.

— მამავ, ბატონო, გესმით, როგორ
გულსაკლავად კენისის საიათნოვა?!

— მესმის, შვილო. და მებრალება კი-
დეკ, — მიუგო მეფემ.

— მაშ, თუ გებრალება, დააბრუნე სა-
სახლეში, ხომ ხედავ როგორ იტანჯება
საწყალი. — შეეხვეწა გიორგი.

შეუწხდა მეფე. ეხათრებოდა უფროსი
ვაჟის. პასუხი ვანგებ დააყოვნა. ცოტა
ხნის ღუმლის შემდეგ ჩვეული სიღარ-
ბისლით მიმართა შვილს:

— გიორგი, ადრე თუ გვიან ჩემს ად-
გილს შენ დაიქერ და მაშინ ვაიგებ, თუ
რა ძნელია მეფისათვის სიტყვის გატე-
ხა. ვანა მძულს არუთინა?! არა. მისი
ბულბულისებური ნარნარი ხმა და ვალო-
ბა ჭერ კიდევ თელავს ჭაბუკს მატკობო-
და. კარგი მგოსანია. მიმიძის მოშორება,
მაგრამ სასახლეში ვერ დეაბრუნებ!

— მამავ, ბატონო, გთხოვთ, გამიზი-
ლოთ, რა დაშავა უბედურმა აშუღმა?

— რა დაშავა?! ძალიან დიდი... უც-
ხო კაცის ცოლი გაიჩინა გულის სატრ-
ფოდ და მასზე ლექსებიც კი შეთხზა.
ქმარი საჩივრებით მომეწვინა სასახლე-
ში... და საჭიროდ ეცან საიათნოვას და-
თხოვნა ჩემი საუფლოდან, — მოკლედ
მოჭრა მეფემ.

ღუმდა შვილი... ღუმდა მამავ... მო-
ედნიდან კი კვლავ ისმოდა საიათნოვას
გულსაკლავი კენისა:

შე საწყალო ჩემო თავო რა იქენ?

ქვეყანაში სასაცილო შეიქენ!

ასე მოთქვამდა თავის შაბებდობაზე
სომხური, ქართული და აზერბაიჯანული
აშუღური პოეზიის უდიდესი წარმომად-

გენელი, ერეკლე მეორის სასახლის მგო-
სანი არუთინ საიათნოვა.

საიათნოვა ფსევდონიმია მგოსნის
წარმოებულა სომხური სიტყვიდან სეიდ-
ნავა, რაც ჰანგის პატრონს ნიშნავს. პო-
ეტის მამა კარაპეტი ჰალაბიდან თბი-
ლისში გადმოსახლებულა და ქართველი
მეფის „ყმა-გლეხი“, ადგილობრივი სო-
მხური ეკლესიის ზარების მრეკელი გამ-
ხდარა. კარაპეტს ცოლად ავლაბრის მკვი-
დრი სარა შეურთავს და შეძენია ერთად-
ერთი ძე. ამიტომაც საიათნოვა თავის
ლექსებში თავის თავს „ღედისერთად“
წარმოგვიდგენს.

თელავსა და თბილისში სამეფო კარზე,
მაღალ არისტოკრატიულ წრეში ყოფნამ,
ხალხთან ურთიერთობამ, „თბილისის
ცხოვრების სკოლამ“ არუთინს საიათნო-
ვას ვირტუოზული პოეტური ჩანგი სამ
ენაზე ამეტყველა და იგი ამიერკავკასი-
ის ტრუბადურად, ხალხის მსახურად, ანუ,
როგორც თვითონ ამბობდა, „ნოქრად“ გა-
ხდა.

ა. საიათნოვას შემოქმედება შეიცავს
სამოცამდე სომხურს, ორმოც ქართულს,
ასამდე თურქულ-აზერბაიჯანულ და ოთხ
ნარევე ლექსს. ეს ლექსები აშუღურ პო-
ეზიაში საიათნოვას ყველაზე პოპულარუ-
ლი მგოსნის სახელს ანიჭებს ამიერკავკა-
სიაში, მაგრამ საიათნოვას პოპულარო-
ბა იმით არ აიხსნება, რომ იგი ლექსებს
სამ ენაზე თხზავდა. აშუღის შემოქმე-
დებითი წარმატება იმან განაპირობა, რომ
მის პოეზიაში მკაფიოდ გამოსჭვივის სა-
ზოგადოებრივ-მორალური და დიდაქტი-
კური მოტივები. იგი ხმას იმაღლებს და
ჩაგრულთა ინტერესებს დასაცავად.

ხალხში გავრცელებული აზრით, სა-
იათნოვა ხელობით ფეიქარი ყოფილა,
მაგრამ იგი უფრო დერცვი-მკერვალი
ან ბაზაზ-მოვაკრე უნდა ყოფილიყო. ეს
პროფესია მას სრულებით ხელს არ უშ-
ლიდა იმ საქმეში, რომელსაც სამეფო კა-
რი აკისრებდა. საიათნოვამ მეფის სასა-
ხლეში პოპულარობა მოიპოვა, როგორც
არაჩვეულებრივი ნიჭით დაჯილდოე-
ბულმა აშუღმა მგოსანმა და ვირტუოზმა
მესახანდრემ. საიათნოვას თავდადებით

უყვარს თავისი საქმე, საზი და სახანდარი. თავის განუყრელ ინსტრუმენტს პოეტი შემდეგი სიტყვებით ამკობს:

ყოველ საშუა ნაქები ხარ
ვითა დასი, ქამანჩავ!
ძუნწისათვის შენ ხრეში ხარ
და მარხვაცა, ქამანჩავ!..
გაქებ საკრავ ძვირფასისას
ლალ-ალმასო, ქამანჩავ!

მთელი თავისი სიცოცხლე საიათნოვამ ხალხის სამსახურს შეაღია. შემთხვევით როდი ეძახდა იგი თავის თავს „ხალხის ნოქარს“. 1758 წლით დათარიღებულ ლექსში პოეტი მშვენიერად გადმოგვცემს თავის სულისკვეთებას:

მოდი, საამოდ გვემსახურე
ხალხის ნოქარო, საიათნოვა!
ვინც შენ ნაღველი მოგართოს,
შაქარი მიეც, საიათნოვა!

საინტერესოა საიათნოვას რომანი. 1757 წელს მას შეუყვარდა ნორაშანის უბანში მცხოვრები ფრანგი ქურქჩის ცოლი — ტალითა. მგოსანი მოზნებარე ლექსებს თხზავდა და მღერობდა მიკნურზე. ეს გაუგია ქმარს და საჩივრით ხლებია მეფეს. პატარა კახის განაჩენი მწარედ იწვინა მიკნურმა მგოსანმა. გაქვება მეფის სასახლიდან მისთვის აღვილი ასატანი როდი იყო. მაგრამ რა უნდა ექნა, ძალა აღმართს ხნავსო, ამბობს ქართული ანდაზა და ისიც ბედს დაემორჩილა.

დაუბრუნდეთ ისევ საიათნოვას უიმედო რომანს. სიყვარულს აუფორიაქებია მგოსანის სული, მოთქვამს სატრფოზე, მასთან ახლოს ყოფნა სწყურია და გულმოკლულად ეძახის. მაგრამ ამოდ. დაეწყება კი ეძნელება.

ბოლოს, იქნებ კეთილ მეგობართა რჩევით, ოჯახის შექმნა გადაუწყვეტია. 1760 წელს ა. საიათნოვა ცოლად ირთავს სოფელ ლორეს მკვიდრს შევარდანიან ქალს მარიამს, რომლისაგან მას ოთხი შვილი შეეძინა. 1765 წელს, მეფე ერეკლესთან კონფლიქტის გამო, საიათნოვამ სახანდრობას თავი დაანება და მღვდლად (ტერტერად) ეკურთხა. სომეხთა ეკლესიის საკანონო წესით საიათნოვამ სახელი შეიცვალა, სტეფანე დაიბრუნა, თბილისს

გაშორდა და დაბინავდა საინგილოს სოფ. კახს. სამი წლის შემდეგ საიათნოვას მეუღლე გარდაეცვალა და მღვდელი ახპატის მონასტერში აღიკვეცა.

საიათნოვას შემოქმედებით ანთებული გული ვერ ეგუება ეკლესია-მონასტრების სამსახურს და გულისტკივლით ამბობს:

ბრინჯი ვიყავ, ქერობა რად მინდოდა?
ტრედი ვიყავ, მწყერობა რად
მინდოდა?
მოდრი მითხარ, მწირობა რად
მინდოდა?

საიათნოვას არავითარი განათლება არ მიუღია. ქართული და სომხური წერა-კითხვა პოეტს თავისით შეუსწავლია. აკეთილმანაც ამბობს:

ნურვინ იტყვიო — ეს ყმაწვილი
ვინა ვარ!
ანა-ბანა ვიცი, სიტყვით წინა ვარ,
საიათნოვა მქვიან, არუთინა ვარ,
სიტყვას ვიტყვი, ცამ ქუხილი
დაიწყოს.

ჭეშმარიტად რომ უწყვეტ ქუხილს მოგვაგონებს მისი გაუბზარავი ხმა.

საიათნოვას ქართული ლექსები სამჯგუფად იყოფა. ავტობიოგრაფიული ხასიათის ლექსებიდან გამოირჩევა: „შენ საწყალო ჩემო თაფო“ და „სამართალი მიყავ“, „მორალურ-დიდაქტიკური ხასიათის ლექსებიდან — „ზღვას ვით გააშრობს ვარსკვლავის სხივი“, „ზოგ-ზოგი კაცი“, „დამიჯერე“ და სხვ.

საიათნოვა სატრფილო-სამიჯნურო ლექსების ვირტუოზია. სიყვარული, ვარდი-სა და ბუღბუღის აშკობა, ქალის ფიზიკური სილამაზე, კლემამოსილება საიათნოვას პოეტური ფანტაზიის უშრეტეი წყაროა, რომელსაც იგი ხარბად და ფაქიზად ეწაფება.

საიათნოვას სამიჯნურო ლექსებს ამკობს დიდი უშუალობა, განცდათა სიღრმე და შესანიშნავი პოეტური საღებავები.

საიათნოვას გარდაცვალების თარიღი დაზუსტებული არ არის. კრწანისის ბრძოლების შემდეგ, გიორგი მეთორმე-

ტეს დროს, პოეტი ცოცხალი ჩანს და უნდა ვივარაუდოთ, რომ იგი გარდაცვლილა XIX საუკუნის დამდეგს. მკვლევარების აზრით, მგოსანი დასაფლავებულია საინგილოში და არა თბილისში.

ა. საიათნოვამ მახვილგონიერი გამოთქმების დიდი ოსტატია. მას ეკუთვნის მშვენიერი სტრიქონები: „ზღვას ვით დააშრობს ვარსკვლავის სხივი“, „მტკვარი ცხრილით როგორ უნდა აირწყოს“ და სხვ.

საიათნოვამ სომხურსა და ქართულ ლიტერატურაში პირველმა შემოიტანა აშუღურ-მუხამბაზური ჰანგი, რომელიც შემდეგ ჩვენს ლიტერატურაში ახალ საფეხურზე აიყვანეს ბესიკმა და გრიგოლ ორბელიანმა.

საიათნოვამ, როგორც პოეტმა, საზღვარსა მომღერლის ხელობა გადააქცია პოეტის უმაღლეს მოწოდებად. ამდენად, იგი საქაჯობრიო მოტივების ტრადიციული ი. გრიშაშვილის სიტყვებით რომ ვთქვათ, საიათნოვა „დაიბადა, აღიზარდა და აიფურჩქნა მსოფლიო და ქართული მუზის წიაღში“ და თავისი უკვდავი ნიჭის წყალობით ერთნაირი სიძლიერით იმღერა სომხურ, ქართულ და აზერბაიჯანულ ენებზე. იგი ამ სამი ძმური ხალხის უსაყვარლესი მგოსანია. მალე ამიერკავკასიის ხალხები ზეიმით აღნიშნავენ საყვარელი დიდი აშუღის დაბადების 250 წლისთავს.



აზიზ ახვლედიანი, აბელ სუბულაძე

მეზობელი პოეტი და პუბლიცისტი

ი.რ. ევდოშვილის დაბადების 90 წლისთავის გამო

ქართველმა ხალხმა დიდი ზეიმით აღნიშნა ი.რ. ევდოშვილის დაბადების ოთხმოცდაათი წლისთავი.

იროდიონ ევდოშვილი — სამართლიანადაა აღიარებული რევოლუციური ქართული პოეზიის მამამთავრად. იგი მოღვაწეობდა იმ დროს, როდესაც საქართველოში ფართო ხასიათი მიიღო რევოლუციური პროლეტარიატის საჯარო გამოსვლებმა. როგორც პოეტი და მოქალაქე, ი.რ. ევდოშვილი უყოყმანოდ გვერდში ამოუდგა რევოლუციურ მუშათა კლასს, გულწრფელად გაჰყვა მის საბრძოლო გზას. პოეზიისა და პოეტის მთავარი დანიშნულება ი.რ. ევდოშვილს წარმოდგენილი ჰქონდა, როგორც არსებული სოციალური სინამდვილის გარდაქმნისა და ნათელი მომავლისათვის ბრძოლა. ამიტომაც თავის მოვალეობად მიაჩნდა არა მარტო სოციალური უკუღმართობის მხილება, არამედ მის წინააღმდეგ მედგარი და დაუნდობელი გალაშქრებაც. წყვილიადი მოცულ სინამდვილეს რომ ბოლო ეღებოდა, ეს პოეტს ღრმად სწამდა. იგი ამბობდა:

„შუა ღამეა, წყვილიადი...“

სიჩუმე, ირგვლივ დუმილი,

გულს გაზაფხული ეძახის
და გარიყრაყის წყურვილი!“

აღამიანთა ცხოვრების ნათელი მომავლისადმი ტრფილით იყო გამსჭვალული ი.რ. ევდოშვილის მთელი შემოქმედებამას სჯეროდა, რომ ზედნიერი შერამისი შორს აღარ იყო...

მაგრამ ი.რ. ევდოშვილის რევოლუციური ხმა გაისმა არა მარტო პოეზიაში, არამედ პუბლიცისტიკაშიც. იგი ქართულ მწერლობაში პოლიტიკური ხასიათის მცირე ფორმის ნაწარმოებთა ერთ-ერთი ფუძემდებელიც იყო. მართლაც, XX საუკუნის დამდეგიდან ქართველი საზოგადოების ყურადღება მიიპყრო პრესაში გამოქვეყნებულმა წერილებმა, რომლებსაც ხელს აწერდა „რიგოლეტო“. მხოლოდ ნაცნობთა ვიწრო წრისათვის იყო ცნობილი, რომ ეს ფსევდონიმი ი.რ. ევდოშვილს ეკუთვნოდა, თუმცა ამას არ ჰქონდა გადამწყვეტი მნიშვნელობა. მთავარი ის იყო, რომ რიგოლეტოს წერილები შეიცავდა თანადროულობის გაბედულ კრიტიკას. ჩანდა, რომ ავტორი ღრმად და საფუძვლიანად იცნობდა ცხოვრებას, ერკვეოდა სოციალური უსამართლობის მიზეზებში, მიუთითებდა მათი აღ-

მოფხვრის კონკრეტულ ღონისძიებებზეც. ირ. ევდოშვილის პუბლიცისტურ წერილებში დიდი ადგილი უკავია ბათუმის თემას. მათში ჩვენი ქალაქი პირველად გამოჩნდა 1901 წლის დამდეგს, როდესაც გაზეთ „კვალის“ ფურცლებზე გაქვეყნდა აქაური ვაჭრები, ხოლო შემდეგ, განსაკუთრებით 1903 წლიდან, მას რამდენიმე სტატიაც უძღვნა. სულ ირ. ევდოშვილმა ბათუმზე თერთმეტი წერილი დაბეჭდა, რაც ქრონოლოგიურად ასე ნაწილდება: 1901 წელს — ორი, 1902 წელს — ამდენივე, ხოლო 1903 წელს — შვიდი. ეს წერილები ფაქტიურად იუმორისტულ-მამხილებელი ფელეტონებია.

აღსანიშნავია, რომ ქალაქის თვითმმართველობის გარშემო გაჩაღებული ბრძოლის ცალკეული მომენტები ირ. ევდოშვილს დაწვრილებით აქვს აღწერილი. საიდან უნდა მიეღო მას საამისო ცნობები? უპირველეს ყოვლისა, მაშინდელი ქართულ-რუსული გაზეთებიდან. მაგრამ გაზეთები ბევრ ფაქტს დამახინჯებით, არასწორად გადმოსცემდნენ და ვანმარტავდნენ, რასაც შეეძლო ცალკეულ საკითხებზე მკითხველისათვის არასწორი წარმოდგენა შეექმნა. ირ. ევდოშვილის დამსახურება ის იყო, რომ უბრალოდ კი არ დაეყრდნო საგაზეთო მასალებს, არამედ კრიტიკულად მიუღდა მათ და სწორად გადმოსცა ბათუმის თვითმმართველობის გარშემო გაჩაღებული ბრძოლის მიზეზები, მისი მსვლელობა, ცალკეულ დაჯგუფებათა მისწრაფებანი.

ბათუმის ამბებში გასაცნობად მნიშვნელოვანი წყარო იყო ავტორთავე წერილები მისი ძმის ილარიონ ხოსტაშვილისა, რომელიც სამხედრო სამსახურს ბათუმში გადიოდა. პოეტის დაკითხვის ერთ-ერთ ოქმში აღნიშნულია, რომ მისი ძმა „იყო ბათუმში არდავანის პოლკის პოლკოვნიკად“¹. შესაძლებელია, ილარიონი ბათუმის შესახებ დაწვრილებით ინფორმაციებს აწვდიდა ძმას. ამას გვაფიქრებინებს ირ. ევდოშვილის სტატიებზე დაკვირვება.

1 შ. ჩხეტია, ისტორიული საბუთები ირ. ევდოშვილის შესახებ, 1940 წ., გვ. 107.

ბათუმისადმი მიძღვნილი თვითმმართველობის ძირითადი თემაა ქალაქის თვითმმართველობა. XIX-XX საუკუნეების განმავლობაში ახალგაზრდა ეროვნული განთავისუფლებისათვის ევამებტები იბრძოდნენ თვითმმართველობის დასაყუთარებისათვის, ქალაქის თავად თავისი კანდიდატის გაყენებისათვის. ამ ბრძოლაში იგი წააწყდა უცხოური ბურჟუაზიის მძაფრ წინააღმდეგობას, რამდენადაც ამ უკანასკნელს ეპყრა ქალაქის სამრეწველო განვითარების ეკონომიურ სადავეები და აშუაარად ცდილობდა ქალაქის ხელმძღვანელობაშიაც გაბატონებას. ასე რომ, თვითმმართველობის გარშემო გაჩაღებული ბრძოლა არსებითად იყო პირველობისათვის ბურჟუაზიის ცალკეული ჯგუფების სწრაფვის გამოხატულება.

ამ დროს ბათუმში მეტად დაძაბული ვითარება იყო, რამდენადაც ქალაქის თვითმმართველობა, როგორც ირ. ევდოშვილი შენიშნავდა, „აბრუნდ-დაბრუნდის თამაშობს. ხან საბჭოს ერთი წევრია ქვეშ და ხან მეორე... ხან ერთი მტყუნანი გამოდის მართალი და ხან მეორე და საკვირველი ის არის, რომ „სტატიები“ ორივეს ერთნაირად ამართლებენ და ამტყუნებენ“¹.

უნდა ითქვას, რომ მებრძოლი ჯგუფები წინასაარჩევნო კრებებზე უხვი დაპირებებით კვებავდნენ ამომრჩევლებს. ეს ჩვეული ფანდი იყო იმისათვის, რომ უმრავლესობა მოუპოვებინათ და ქალაქის თავად სასურველი კანდიდატურა გაეყვანათ. ირ. ევდოშვილს შეუშინეველი არ დარჩენია ეს ფაქტი და მწვავე სატირის ცეცხლითა და სარკაზმით აწვლდა შათ დაბრუნებათა არარეალურობას. იგი, როგორც ჭეშმარიტი რეალუტიონერი, არც ქართველ ბურჟუაზიას ინდობდა. როცა ზ. ანდრონიკაშვილმა წინასაარჩევნო კრებაზე გამოაცხადა თავისი გადაწყვეტილება თეატრისა და წიგნსაცავის აგების, აგრეთვე მუშათა უბანში სკოლის გახსნის შესახებ, ირ. ევდოშვილმა დასვა კითხვა: „ეს საკითხები როდის მოსვლია მას?“ და იქვე უპასუხა: „სწორედ მაშინ, როდესაც იგი ასარჩევი იყო ბათუმის... თავათ. მე-

1 „კვალი“, 1901, № 31.

რე? მეგრ ისა, რომ იცვლება დეკორაცია და სცენაზე ტრაგედიის შემდეგ იდგმება კომედია. ტრაგედია იყო მისი ოფლის ღვრა და გადემოკრატება არჩევნების წინა დღით, ხოლო კომედია კი მან ითამაშა შემდეგ თავისი არჩევნებისა, როცა უარი თქვა დაპირების შესრულებაზე“¹.

სხვა წერილში ევლოშვილი პირდაპირ აღნიშნავდა: „ბათუმის ქალაქის თავმა... დღიდან კვარცხლბეკზე შედგომისა, განაცხადა: ვიზრუნოთ ხალხისთვისო! რაში გამოიხატა ეს მზრუნველობა? კანცელარიალურ ჩხირკედლაობაში... რეჩები სათაურით და დასკვნით „ვიზრუნოთ ხალხისათვის“. აი ჭრელი სიტყვები, რომლებიც ბათუმის ქალაქის პატრიარქებს სურთ სოფელი ააშენონ... მაგრამ მკვდარია სიტყვა უსაქმით“².

ირ. ევლოშვილის ასეთი შეხედულება არ იყო შემთხვევითი. ქალაქის გამგეობაში არჩეულ შემდეგ მართლაც ავიწყლებოდათ დანაპირები და კვლავ ძველი გზით განავრცობდნენ სელას. მაგალითად, 1903 წელს ქალაქის თავად ზ. ანდრონიკაშვილის, გამგეობის წევრად გრ. ვოლსკისა და მდივანდ ი. მესხის არჩევასთან დაკავშირებით, ანალოზს უყეთებდა რა არჩევნების შედეგებს, ირ. ევლოშვილი წერდა: „ისევ ძველი გამგეობა, მამასადამე ისევ ძველი გზით მავალი, ისევ ძველი ტიბიკონით მიწირველი. ისევ ანდრონიკაშვილი „ხალხის დასახმარებლად“ თავდადებული გამგეობის სათავეში, ხოლო როგორი იქნება მომავალშიაც ეს „ხალხის დახმარება“, ამას იგივე მისი მოქმედება გვიწინასწარმეტყველებს და ეს არც საჭიროა. ბრძოლა მათი იწყება საარჩევნო ყუთებთან, თავდება იქვე. მერე? მერე რეჩები ხალხის დახმარებაზე, მეტი არაფერი“³.

ამავე დროს ირ. ევლოშვილი მკაცრად აკრიტიკებდა იმ პირებსაც, ვინც აქტიურად ეხმარებოდა ქალაქის თავს არჩევნებში, რათა შემდეგ მისი შემწევობით ხელი მოეთხო და თვითმმართველობისა-

ვან რიგი ეკონომიური დათმობანი მიეღო 1903 წელს გამოქვეყნებულ წერილში „სამშობლოს ცაზე“ იგი ირონიულად ხმოსან ელიავას შესახებ, ვინც იმ დროს გ. ვოლსკისათვის ხმის მიცემით, თურმე, „დაუხსნია სამშობლო განსაცდელისაგან“. ამის სანაცვლოდ თვითმმართველობაში „შვიობუნ მომავალი წლის ხარჯთაღრიცხვაში არ დაავიწყდეთ მისთვის (ელიავასთვის — ავტ.) განსაკუთრებული თანხა გადართ მენდლების გამოსაქვდათ... აკლია მხოლოდ მოსე ჭანაშვილის ისტორიაში შეიტანონ ეს ფრიალ საგულისხმო ამბავი“¹. ისე განქიქებულად უყურებს პოეტი, მიუხედავად მათი ერთგვარი ქველმოქმედებისა, ამ ყალბი ბურჟუაზიული დემოკრატით გატაცებულ პირებს, რომლებსაც უპირველესად „ჯაჭვი ქალაქის თავისა“ ანტერესებთ და ხალხის ბედ-იბაღზე ზრუნვა უკანა პლანზე აქვთ გადაწეული.

ირ. ევლოშვილი ფხიზლად აღევნებდა თვალ-ყურს თვითმმართველობის ყველა პრაქტიკულ ღონისძიებას და თავის წერილებში მკაცრად აკრიტიკებდა ქალაქის ხელმძღვანელობას იმის გამო, რომ არ გახსნა სკოლა, არ იზრუნა საავადმყოფოს კეთილმოწყობისათვის, სათანადო ყურადღება არ მიაქცია მუშათა გარკუთხუნიან კეთილმოწყობას. და ეს მაშინ, როცა თვითმმართველობამ დიდი თანხა გადასდო საკრებულოს ასაშენებლად, რათა სიმდიდრით გაქსუებული პროვინციული ბურჟუაზიისათვის შესაფერი გასართობი დაწესებულება შეექმნა. ამის გამო ირ. ევლოშვილი ერთ-ერთ წერილში აღნიშნავდა: „ნუ სტირი ბათუმის ქალაქის საავადმყოფოვ, ვინიდან „სალხინოს“ ასაშენებლად ქალაქმა გადასდო 55 ათასი მანეთი და შენ კი შეგავარებინა... მხოლოდ სამოცი საწოლი. ნუ სტირი თქვენც, საავადმყოფოს ფერშლებო, არ სცალია მოქვიფე გამგეობას თქვენთვის. ნუ სტირი ბათუმო, რამეთუ ვოლსკი „შენ გეტრფი მარადს“ გივალობს, კარ. ჩხეიძეს კმუნვარების ფერი გადაუწმენდია და

1 „კვალი“, 1903, № 22.

2 „კვალი“, 1903, № 36.

3 „კვალი“, 1903, № 16.

1 „კვალი“, 1903, № 16.

ანდრონიკაშვილის ახალი კანონმდებლობის დავლური შეუსწავლია“.¹

ირ. ევდოშვილის წერილებიდან ჩანს, რომ პოეტს ნათელი წარმოდგენა ჰქონდა კლასობრივ ძალთა თანაფარდობაზე, ბურჟუაზიული პარტიების ხასიათსა და მიმართულებაზე ბათუმში. მან კარგად იცოდა, რომ არც ერთი მათგანი მშრომელთა ინტერესების დამცველი არ იყო, მაგრამ ნათლად ამჩნევდა პალმისა და მუსი უკიდურესად რეაქციული გაზეთის „ჩერნომორსკი ვესტნიკის“ გარშემო შექმნილი დაჯგუფების შავრაზმულ მისწრაფებებსაც. ამიტომ ირ. ევდოშვილი ჩვეული შეუპოვრობით კრიტიკის ქარცეცხლში ატარებდა ამ გაზეთში დაბეჭდილ დიდმპყრობელური, შოვინისტური ხასიათის წერილებს, ამხელდა მათ ნამდვილ ბუნებას და ზრახვებს. ამიტომ იყო, რომ იგი პალმს დაცინვით „სახელოვანს“

უწოდებდა, ხოლო მის გარშემო მჯგუფ დაჯგუფებას — „ყორანთა გუნდს“.

ასე აისახა ირ. ევდოშვილის განხილვით ტურ ნაწერებში ბათუმის იმდროინდელი ამბები. ჩანს, ირ. ევდოშვილს, როგორც წამებული ხალხის გულის მესაიდუმლეს, არ შეეძლო განზე გამდგარიყო იმ დიდმნიშვნელოვანი მოვლენებისაგან, რომლებიც 90-900-იანი წლების ბათუმში მიმდინარეობდა. იგი აკვირდებოდა და ეხმაურებოდა ყველა იმ მოვლენას, რომელიც ხდებოდა „ჩარხ-უკუღმართ დროს“ და ფართო საზოგადოების სამსჯავროს წინაშე გამოჰქონდა ქ. ბათუმის წამებულთა და მამვრალთა ბედი. სჯეროდა რა ხალხის მომავალი, იგი დარწმუნებით წერდა:

„...მოვა დრო და სიტკობებით,
შენც გაგიღიმებს დღის განთიადი,
იგი იქნება დღე განახლების,
დროი ბრწყინვალე, დროი დიადი.

1 „კვალი“, 1903, № 19.



ივოლიუცია პართიზანა

გამოჩენილი პართიზელი საზოგადო მოღვაწე და კუბლიცისტი

ჰაილარ აბაშიძის დაბადების 70 წლისთავის გამო

XIX საუკუნის 80-იანი წლები. მწვავე სამეკდრო-სასიცოცხლო ბრძოლა ორ დიდ სახელმწიფოს — ოსმალეთსა და მეფის რუსეთს შორის. ბრძოლა უმთავრესად შავი ზღვისპირეთის დაპყრობისათვის. ბრძოლის სასწორი რუსეთისკენაა გადახრილი. მოსალოდნელია ოსმალეთის კაპიტულაცია და გამარჯვებულ რუსეთთან საზავო ხელშეკრულების დადება. უეჭველად მოსალოდნელია, რომ ხელშეკრულების დადების დროს გათვალისწინებული იქნება შავი ზღვის ნაპირებთან ახლომდებარე თურქეთის ტერიტორიის რუსეთის იმპერიასთან შეერთება. ამას გრძნობენ, ამას ცხადად ხედავენ ქართველი მოღვაწეები, საქართველოს შეგნებული შვილები, მათ შორის განსაკუთრებით XIX საუკუნის ყველაზე უფრო წინდახედული, საქართველოს მომავალ ბედზე შეუწყვეტილ მზრუნველი დიდი ილია. და აი, სანამ ბერლინის ტრაქტატი დაიწერებოდა და საქართველოს სამასი წლის განმავლობაში მოწყვეტილი აჭარა-ქობულეთის ტერიტორია ვეებერთელა რუსეთის ტერიტორიას შეუერთდებოდა, ილიამ, მისგან მოსალოდნელი ისტორიული პერსპექტივების გათვალისწინებით, უდიდესი გროვნული მოგალოების შეგნებით საქართველოს ყველა შეგნებულ შვილს აღგზნებული და თანაც მაღალგონებრივი შემეცნებით აღსავსე მოწოდებით მიმართა: მომხდარ ფაქტს ყველა ხელგაშლილი შეხვედროდა და სამი საუკუნის განმავლობაში დედა-სამშობლოს მოწყვეტილი და ტანჯული მოძმეები ტკილად გულში ჩაეხუტათ და მათი ცხოვრების ახალი ვითარება შესაძლებლობის ფარგლებში ნორმალურ მდგომარეობაში ჩაეყენებინათ. ამ მოწოდებაში თუმცა გრძნობა სჭარბობდა, მაგრამ პარალელურად მოცემული იყო უდრესად პრაქტიკული ხასიათის პოლიტიკურად, ზნეობრივად მისაღები რჩევა-დარიგება: თუ რას წარმოადგენდა ხალხთა ცხოვრე-

* იმ. ვართავას ეს სტატია წარმოადგენს იმ მოხსენების ნაწილს, რომელიც მსკოვამა საზოგადო მოღვაწემ წაიკითხა 1963 წლის 2 მარტს თბილისის ჭავჭავაძის სახელობის კულტურის სახლში ჰაილარ აბაშიძისადმი მიძღვნილ საღამოზე.

ვალ ბედზე შეუწყვეტილ მზრუნველი დიდი ილია. და აი, სანამ ბერლინის ტრაქტატი დაიწერებოდა და საქართველოს სამასი წლის განმავლობაში მოწყვეტილი აჭარა-ქობულეთის ტერიტორია ვეებერთელა რუსეთის ტერიტორიას შეუერთდებოდა, ილიამ, მისგან მოსალოდნელი ისტორიული პერსპექტივების გათვალისწინებით, უდიდესი გროვნული მოგალოების შეგნებით საქართველოს ყველა შეგნებულ შვილს აღგზნებული და თანაც მაღალგონებრივი შემეცნებით აღსავსე მოწოდებით მიმართა: მომხდარ ფაქტს ყველა ხელგაშლილი შეხვედროდა და სამი საუკუნის განმავლობაში დედა-სამშობლოს მოწყვეტილი და ტანჯული მოძმეები ტკილად გულში ჩაეხუტათ და მათი ცხოვრების ახალი ვითარება შესაძლებლობის ფარგლებში ნორმალურ მდგომარეობაში ჩაეყენებინათ. ამ მოწოდებაში თუმცა გრძნობა სჭარბობდა, მაგრამ პარალელურად მოცემული იყო უდრესად პრაქტიკული ხასიათის პოლიტიკურად, ზნეობრივად მისაღები რჩევა-დარიგება: თუ რას წარმოადგენდა ხალხთა ცხოვრე-

ბაში ეროვნული საწყისი და რას წარმოადგენს სარწმუნოებრივი ფაქტორი.

ილიას ბრძნულმა გამოხმაურებამ სხეებიც, ცნობილი საზოგადო მოღვაწეებიც, სეროიზულად, ჩაკვირვებით და პოლიტიკურ ვითარებათა ვათვალისწინებით ალაპარაკა და, შეიძლება ითქვას, ამოქმედა. ფრიად საგულისხმათა ამ მხრივ ხალხის წრიდან გამოსული, მაგრამ დიდად განვითარებული და გათვითცნობიერებული საზოგადო მოღვაწისა და მწიგნობრის ზაქარია კიკინაძის თავისებური და საინტერესო მოგზაურობა წიგნებით ხელში ახლად შემოერთებულ სამუსლიმანო საქართველოში. საყურადღებოა ისიც, რომ შუათანა ქართველი ინტელიგენტებიც, დაბალ სკოლათა მასწავლებლებიც დაუყოვნებლივ გამოეხმაურნენ ილიას მოწოდებას. ამ მხრივ აღსანიშნავია აბოლონ წულაძე და მის მიერ შედგენილი საპროპაგანდო წიგნი „ძმური სიტყვა“.

განხორციელდა ყველასათვის სანატრელი აქტი. აჭარის ტერიტორია საქართველოს შემოეთვროდა.

გრძნობდნენ თუ არა ამ ფაქტის დიდ მნიშვნელობას თვითონ მაჰმადიანი ქართველები, ისე როგორც ქრისტიანი ქართველები? ამის დამადასტურებელი საბუთები და ფაქტები, მგონია, ჩვენ არ მოგვეპოვება. ფაქტია მხოლოდ ის, რომ ახლად შემოერთებული აჭარის ყოფაცხოვრება და მდგომარეობა, როგორც ქართველი მწერლების ნაწერები მოწმობენ, ძლიერ საგალო, მწვავე და თითქმის ტრაგიკული ყოფილა. აჭარლების დიდი უმრავლესობის მდგომარეობა ისეთი უმწეო და თითქმის აუტანელი იყო, რომ დიდხარისხოვან პოლიტიკურ საკითხებზე, ეროვნული მეობის განმტკიცებაზე ფიქრისა და მოძმი ქართველებთან შეერთების ტკბილი გრძნობით დატკბობის საშუალება და შეიძლება შეგნებაც მათ არ ჰქონდათ. მათ შორის იქნებოდნენ, რასაკვირველია, თითო-ორთა და ინტერესებზე პირები, რომელთა როლი მაჰმადიან და ქრისტიან ქართველთა გაერთიანების პროცესში ქმედითი და დიდად შედეგიანი, უნდა ვიფიქროთ,

მანცდამანც არ იქნებოდა. საჭიროა იყოს დრო, ხანი, საყოფაცხოვრებო პირობებიც მოგვარება, აჭარლების წრიდან გამოსვლა ზრდა ელემენტების გამოვლინება და მათი ხმის შეერთება და შეხმატკბილება მთლიან საქართველოს ხმასთან. მართლაც, 1878 წლის ბერლინის ტრაქტატის დადების შემდეგ განვლო რამდენიმე ათეულმა წელმა და ჩვენ უკვე ვხედავთ რამდენიმე შეგნებულ ახალგაზრდა აჭარელს, რომლებიც ეწეოდნენ ბრძოლას და პროპაგანდის მოძმი ქართველთა ეროვნული შეერთების საქმეში.

ჩემი მიზანი არ არის ყველა მათ შესახებ ვთქვა დაწვრილებით რამე. მე ხაზგასმით აღვნიშნავ მხოლოდ ჰაიდარ აბაშიძის თითქმის მოულოდნელად სამოქმედო ასპარეზზე გამოსვლას. იგი აღმოჩნდა ილიას ანდერძის, მისი მგზნებარე ქადაგების ხორცშესხმელი და ცხოვრებაში გამტარებული. მან მთელი თავისი გონებრივი, ზნეობრივი, სულიერი და ფიზიკური ძალებიც კი, რითაც ის ბუნებას დაუჯილდოვებია, ილიას ბრძნულ და საშვილიშვილო მოწოდების განხორციელებას მოახმარა.

მთელი საქართველოს დიდ შეილს ილიას, ოსმალთს მიერ მიტაცებული აჭარის უსაზღვროდ მოყვარულს, მისი აღგზნებული სიყვარულის განმგარძობად მოევილინა დაჩაგრული და გადაგარების გზაზე დამდგარი აჭარის ერთგული შვილი ჰაიდარ აბაშიძე. ჰაიდარი ილიას უპატიოსნეს და ღრმა გრძნობის პოპულარიზაციას თავგანწირვით, უშიშრად ეწევა თანამოძმი მუსლიმანთა შორის და ცდილობს დიდი ილიას მოსიყვარულე გულის სითბო და სიტკბო უკლებლივ ჩააწვეთოს თანამოძმეთა სულში და ამ წვეთების სიმხურვალით გაათბოს ქამთა ვითარებისაგან საკმაოდ გაციებული და ფანატიზმის ბურუსით დაბინდული მათი გული და სული. ილიას რკინისებური ლოგიკის სიძლიერით ის ამარცხებს და ფანატიკოსთა ნილაბს ხდის ვითომ თურქულად განათლებულ, მაგრამ ეროვნულ გრძნობაჩახშობილ კალმოსანს ყარაღაზადეს. ჰაიდარის გაცხარებულ პოლემიკას გატაცებით კითხულობდნენ თავის დროზე შეგნებუ-

ლი ქრისტიანი ქართველი და აპარელი მკითხველნი. დღესაც ამ წერილებს არანაკლები ინტერესით კითხულობს საქართველოს წარსულის ყველა მოყვარული და მომავალი თაობაც წაიკითხავს. ფანტიკოსებმა ვერ შეძლეს, თუმცა ეს, ალბათ, ძლიერ სურდათ მათ, ჰაიდარა მოენათლათ აპარელთა სარწმუნოებისა და თურქი ხალხის მტრად. ასეთი ვაუბატონების საწინააღმდეგოდ დაწერილი პოლემიკური წერილები მოწმობენ ახალგაზრდა ჰაიდარის სანაქებო და იმეოთ ზნეობრივ და პოლიტიკურ ტაქტს. მის წერილებში, ბევრიც რომ ეძებნათ მოწინააღმდეგეებს, ვერც მორწმუნე ქართველი მაჰმადიანი და ვერც პატრიოტი ოსმალთა თავიანთ სათუთ გრძნობათა შებღალის და დამცირების ნამცეცსაც ვერ იპოვნინდნენ.

ამით აიხსნება ის მოვლენა, სხვათა შორის, რომ მთელი ათეული წლების განმავლობაში აპარელ მშრომელთა არც ერთ წარმომადგენელს ჰაიდარ აბაშიძისადმი, მისი პიროვნებისადმი სიძულვილი და უნდობლობა არ გამოუმჟღავნებია, არ გამოუცხადებია. ასეთი მოსაწონი ტაქტით ქადაგებდა კალმით და ცოცხალი სიტყვით ახალგაზრდა და ხანშიშესული ჰაიდარ აბაშიძე. აპარლებმა იგრძნეს უმწიკვლო სიყვარული თავიანთი დვიძლი ძმისა და შვილის ჰაიდარისა და ნდობით გაყენენ მის მიერ არჩეულ გზას. ეს პროცესი არ მომხდარა სიძულეების გარეშე, წაუბობიძეობად, მაგრამ ეს მთავარი არაა. მთავარია ის, რომ დღეს აპარა საქართველოს საუკეთესო და სასიქადულო ნაწილს შეადგენს. ქართველი ერი ამჟამად თავისი ძმებით, აპარლებით, მათი საბინადრო კეკლუცი და მშენებნიერი კუთხით. აპარას დღეს ჰყავს საამაყო შვილები: პოეტები, ბელეტრისტები, ეურნალისტები, პუბლიცისტები, პოლიტიკოსები, მეცნიერები, ხელოვნების მუშაკები. განვითარებისა და წინსვლის თვალწარმტაც ფერხულში ჩაბმული საქართველოს შვილების მოდღესასწაულე ხმას თანაბრის ღირსებით უერთდება მკვირცხელი და საქმიანი აპარელის ხმაც.

დღევანდელი აპარის პარტიული ორგანიზაციებისა და ხელისუფლების წარ-

მომადგენლები თავის მოვალეობათა თვლიან დიდი პატივისცემით და ღირსებად დაფასებით მოიხსენიონ ჰაიდარ აპარელის ღვაწლი. საქართველოს სსრ-ის აპარის საოლქო კომიტეტის პირველი მდივანი ამხ. ა. დ. თხილაიშვილი საქართველოში საბჭოთა ხელისუფლების დამყარების 40 წლისთავისადმი მიძღვნილი მოხსენების ერთ-ერთ ნაწილში წერს: „წინანდელი, თურქ დამპყრობთა მიერ დაბეჩავებული აპარის ნაცვლად ახალი, განახლებული, აღორძინებული და აყვავებული აპარის ნახეთი მოხიბლული და აღფრთოვანებული იოსებ იმედაშვილი, რომელმაც 1951 წელს შემოიარა აპარა, სწერდა ჰაიდარ აბაშიძეს: „მოველ, მოვიარე და ნამდვილი საქართველო აქა ვნახე, დავრწმუნდი, რომ დიდი შოთა აქ, მესხეთში, დაბადებულა, მის გვირებს თითქოს ახლაც ვხედავ, და მათ სიახლოვეს ვგვრძნობ აპარაში. ჩვენი დიდი ხნის ნატვრა ასრულდა, საქართველო გაერთიანდა, კუთხურობა იშლება და რჩება ერთი ცნება „ქართველით“ (გაზ. „საბჭოთა აპარა“, 1961 წ., № 92). თავის მეორე მოხსენებაში ამხ. თხილაიშვილი ამბობს: „როგორც დადებითი მოვლენა, უნდა აღინიშნოს აპარელი პატრიოტისა და საზოგადო მოღვაწის ჰაიდარ აბაშიძის ბროშურის გამოცემა“ (ამხ. თხილაიშვილი გულისხმობს პ. აბაშიძის „წერილების“ კრებულს ხ. ახვლედიანის შენიშვნებითა და წინასიტყვაობით).

* * *

მე კარგად ვგრძნობ, რომ ჩემი დახასიათება ჰაიდარ აბაშიძის საშვილიშვილო მოღვაწეობისა და საქმისა ზოგადი და პროზაული ფრაზებით მშრალი და განყენებული გამოიყვანდა. ამ ნაკლის გამოსასწორებლად მინდა მივმართო ჰაიდარ აბაშიძის ძველი და ახალი მოღვაწეობის დამფასებელი ცნობილი მწერლებისა და საზოგადო მოღვაწეების გამოწონაქვამებს, მოვიმარჯვო ისინი და ჩემი ზოგადი მსჯელობა ოდნავ მაინც გამოვაცოცხო და კონკრეტული გამოსახულება მივცე.

ჰაიდარ აბაშიძე, მკვლევარ ხ. ახვლედიანის დახასიათებით, თავიდანვე შეუ-

რიგებელ ბრძოლას უცხადებდა აქარაში თურქთა მიერ დანერვილ ჩამორჩენილობას, იგი აქარიდან თურქული ადათ-წესების განდევნასა და იქ მშობლიური ქართული კულტურის აღორძინებას მოითხოვდა...

ჰაიდარ აბაშიძის ასეთი კატეგორიული მოთხოვნის წინააღმდეგ პანთურქისტები და სხვა ჯურის რეაქციონერები მეფის მოხელეების ჩათვლით სასტიკად ილაშქრებდნენ. ისინი ამბობდნენ, ჰაიდარ აბაშიძე გაქრისტიანდა, გაქართვევდა, თავის რჯულს უღალატო და სხვ. პანთურქისტები ახალგაზრდა ჰაიდარის წინააღმდეგ მისივე მშობლების მოშველიებას ცდილობდნენ. ისინი ემუქრებოდნენ „ბათუმის გაზეთის“ რედაქტორსაც და კატეგორიულად მოითხოვეს, რომ ამიერადან მსგავსი სტატიების დაბეჭდვა აღარ გაეხდებოდა. მაგრამ ჰ. აბაშიძეს ასეთი მუქარა არ აშინებდა. იგი თანმიმდევრულად განაგრძობდა თავის საქმიანობას.

ჰ. აბაშიძე არ კმაყოფილდება მარტო მუსლიმანი ფანატიკოსების წინააღმდეგ ბრძოლით; იგი საჭიროდ თვლის, რომ ქართველ ქრისტიანებშიაც გააჩნდეს პროპაგანდა და ბრძოლა გამოუცხადოს მათ შეგნებაში არსებულ მცდარ შეხედულებებს. იგი მათ მოუწოდებს, ნუ აწყვებიან მტრების პროვოკაციას და კიდევ უფრო მეტად გააღვივონ ეროვნულ გრძნობათა „ოღნავ მბეუტავი ნაპერწკალი“.

ჰაიდარ აბაშიძე თავგამოდებით იცავდა ქართული კულტურის ტრადიციებს, ესარჩლებოდა აქარელთა ინტერესებს და თავს ესხმოდა იმ თურქოფილ კალმონებს, რომლებიც ბათუმში თურქული საგანმანათლებლო დაწესებულებების ჩამოყალიბებას და საერთოდ თურქიზაციისათვის ხელშემწყობ ღონისძიებათა გატარებას მოითხოვდნენ. ასეთი იყო, მაგალითად, ვინმე ვასილ-ეფენდი.

ჰაიდარ აბაშიძე თანდათან აფართოვებს თავისი მოღვაწეობის ასპარეზს. თუ ის წინათ მარტო გამოდიოდა პანთურქისტების წინააღმდეგ და აყენებდა ეროვნული გათვითცნობიერების საკითხს, ახლა იგი ხალხს დაუკავშირდა. ხალხის მოწინავე

ნაწილთან ერთად იგი ილაშქრებდა იმთა წინააღმდეგ, ვინც აქარლების ეროვნული გაღვივების საქმეს ხელს უშლის. რუსეთ-ოსმალეთის ომის დროს ჰაიდარ აბაშიძე თანმიმდევრობით იბრძოდა თურქოფილების წინააღმდეგ. იგი ნილაბს ხდიდა მათ მიერ წარმოებულ პროპაგანდას ე. წ. „სალთო ომის“ შესახებ და განუმარტავდა ხალხს, თუ რაში მდგომარეობდა დამპყრობთა ნამდვილი მიზანი და ამოცანები.

ომის მეოხებით შექმნილი აუტანელი მდგომარეობიდან გამოსავალს ჰ. აბაშიძე მხოლოდ ქართველ მოძმე ქრისტიანებში ხედავდა, მთელ იმედებს მათზე ამყარებდა და მათგან დახმარებას მოითხოვდა.

ჰ. აბაშიძე თანაბარ გულშემატკივრობას იჩენდა მთელი ქართველი მაჰმადიანების მიმართ. იგი ერთნაირად იბრძოდა აქარელთა და ლაზთა მდგომარეობის გაუმჯობესებისათვის, მათში ქართული ეროვნული თვითშეგნებისა და ქართული კულტურის აღდგენისათვის.

ჰ. აბაშიძე მეტად დაინტერესებული იყო აქარის შესახებ გამოცემული და გამოსაცემი ლიტერატურით. ის დიდად აფასებდა იმთა, ვინც აქარის შესახებ დაწერდა. საინტერესოა მისი წერილი ზაქარია ჭიჭინაძისადმი.

ჰ. აბაშიძე თავგამოდებით იბრძოდა აქარაში ქართული სკოლების გახსნისათვის (იხ. ბ. ხვლედიანის „სახალხო-განმათავისუფლებელი ბრძოლის ისტორიიდან სამხრეთ საქართველოში“, გვ. 203, 204, 205, 206, 207, 208, 209, 210, 211, 212, 215, 219, 220, 222, 229, 236, 238).

ცნობილი საზოგადო მოღვაწე და პუბლიცისტი ილია ბახტაძე, რომელიც ჰაიდარ აბაშიძის პირად მეგობრად თვლის თავს, მკითხველს აწვდის საინტერესო ცნობებს. მას ჩამოთვლილი ჰყავს ყველა ქართველი მოღვაწე — ილია ჭავჭავაძე, აკაკი წერეთელი, იაკობ გოგებაშვილი, გიორგი წერეთელი, ნიკო ნიკოლაძე, ზაქარია ჭიჭინაძე, ალექსანდრე ყიფშიძე, მოსე ჯანაშვილი, სოფრომ მგალობლიშვილი, პოეტი ქალი განდევილი, დავით კლდიაშვილი, ეკატერინე ვაბაშვილი, რომლებიც მაჰმადიან ქართველთა გათვით-

ცნობიერებისათვის ჩვენში მუდამ თავ-
განწირვით იბრძოდნენ. მათი ავტორი-
ტეტის სიტყვა და გულწრფელი თანა-
გრძობა აასკეცებდა ჰ. აბაშიძის დაუშ-
რეტელ ენერგიას ებრძოლა ქრისტიან
ქართველებთან მაჰმადიანი ქართველების
დასალოებისა და დამოზილებისათვის.

„მე პირადად მოწმე ვიყავი იმისა, —
ამბობს ილია ბახტაძე, — თუ როგორი
მკიდრო ურთიერთობა ჰქონდა ჰაიდარ
აბაშიძეს ჩვენს მწერლებთან, ცნობილ
საზოგადო მოღვაწეებთან და როგორ ეხ-
მარებოდნენ ისინი აქარლებს გათვით-
ცნობიერებისა და ქრისტიან ქართველებ-
თან ძმური კავშირის დამყარების საქმე-
ში“.

შემდეგ ილია ბახტაძე მოგვითხრობს,
რომ 1908 წლის განმავლობაში იგი ხში-
რი სტუმარი იყო ბათუმის და ერთ პერე-
ოლში რამდენიმე წელიწადსაც კი ცხოვ-
რობდა ბათუმში და თანამშრომლობდა
სხვადასხვა რუსულ და ქართულ ჟურნალ-
გაზეთში, იღებდა მონაწილეობას საქ-
ველმოქმედო საქმეებში და კარგად იც-
ნობდა ბევრ შეგნებულ და გათვითცნო-
ბიერებულ მაჰმადიან ქართველს, მაგრამ
მათ შორის, მტკიცედ აღიარებს ავტორი,
იმდენი არავის გაუყუებია მაჰმადიან
და ქრისტიან ქართველთა შორის მტკიცე
ძმური კავშირის დასამყარებლად, რამდე-
ნიც ჰაიდარ აბაშიძემ გააკეთა (გაზ. „საბ-
ჰოთა აჰარა“, № 5, 1957 წ., № 113,
1958 წ.).


ილია ბახტაძის სიტყვებში მოცემულია
ნამდვილი, გაუზვიადებელი და უარესად
დამაჯერებელი დახასიათება ჰ. აბაშიძის
მოღვაწეობისა. ილია ბახტაძის სიტყვებს
და დამოწმებებს კიდევ ერთი დამაჯერებელ
ელემენტი შეაქვს ჰაიდარ აბაშიძის
დიდი მამულოშვილობის ერთსულოვან
აღიარებაში.

ცნობილი ბელეტრისტი პარმენ ლორია,
იგონებს რა საქართველოს სისხლითა და
სრემლებით დაწერილ ისტორიას, მწარე
და ნაღვლიან წარსულს, საერთოდ საქარ-
თველოსი და კერძოდ გამაჰმადიანებული
აჰარისას, იხსენებს ჰაიდარ აბაშიძეს და
ამბობს: „საბჰოთა ხელისუფლების დამ-
ყარებამდე ჰაიდარ ბეგ აბაშიძე აქვეყნებ-

და მაშინდელ ქართულ ჟურნალ-გაზეთე-
ბში წერილებს აჰარელთა ცხოვრებასა და
ქირ-ვარამზე. მას აქებდნენ და უმაღლ-
დნენ, მას ეძახდნენ მწერალსა და ხალხის
გულის მესაიდუმლეს“ (გაზ. „საბჰოთა აჰარა“
ტი“, 1957 წ., № 234).

ჰაიდარ აბაშიძის ყველა წერილისა და
კორესპონდენციის ღირსება იმაშია, რომ
ისინი გამთბარი არიან წრფელი, გულში-
ჩამწვდომი ეროვნული შეგნებით და ამ-
ტომ ყველასათვის თვალსაჩინო და გა-
საგებია. ეს ძვირფასი თვისება ხიბლავ-
და ყველა ქართველს, თუ ის ქართველი
იყო არსებითად და არა მხოლოდ წარმო-
შობით — სახელწოდებით. ყველას: თა-
ვის კაზინეტში ჩაკეტილ და კვლევადი-
ვით გართულ მეცნიერს, პოეზიის სამე-
ფოში მონაგარდე პოეტს, გუჯრებსა და
ხელნაწერებში ჩაფლულ ისტორიკოსს,
ცხოვრების ვითარების ამხსნელ-გამწუ-
ქებელ პუბლიცისტს და ყოველდღიური
ჩვეულებრივი ფაქტების აღმსუსხველ-
შემკერებ კორესპონდენტებს — ქრონიკო-
რებს, ქალებსა და ქალიშვილებს,
მღვდელს და მონაზონს და, ასე წარმო-
იდგინეთ, ხანდახან მეფის თვითმპყრო-
ბელური პოლიტიკის წყალობით ეროვ-
ნულ გრძნობებჩაქსულ და გადაგვარების
გზაზე დამდგარ მოხელეებს და თავად-
აზნაურობასაც კი. ერთი სიტყვით, ყვე-
ლას—„ერს და ბერს“, დიდსა და პატარას
(ამის მავალითა პატარა გაიოზ იმედა-
შვილის საქციელი, გამომხაურება. გაიოზი
ცნობილი მწერლის იოსებ იმედაშვილის
შვილია).

ვის არ მოაჯადოებდა, ვის არ გაუთ-
ბობდა გულს მრავალი ადგილი ჰაი-
დარ აბაშიძის სხვადასხვა ჟურნალ-
გაზეთში მოთავსებული წერილებიდან,
რომლებშიც გაისმა უსაზღვრო სიყვარ-
ული დედა-სამშობლოსადმი. ზოგან სი-
ყვარული, ზოგან ეედრება, ზოგჯერ საყ-
ველურიც, ხანდახან მოურიდებელი, სამა-
რთლიანი მხილებაც კი თავისი ქრისტიან-
ი ძმებისა. სახელდასხვოდ მოვიყვან
პირველად ხელში მოხვედრილ მაგალი-
თებს. ერთ-ერთ წერილში ჰ. აბაშიძე
წერს: „არა, ბატონებო, ჩვენ „თურქები“,



ოსმალები კი არა, ქართველები ვახლავართ — მაჰმადიანები რომ ვართ, ვანა ქართველები აღარა ვართ? მაშ, სადაურია ჩვენი დედაენა, ჩვენი გვარი, რა არის ეს ისტორიული ნაშთები, რომელნიც ღალატებენ ჩვენს ვინაობას. თვით ქვანიც ღალატებენ თუ ვინ ვართ ჩვენ“.

ქართველებმა, მიუხედავად იმისა, რომ სამასი წლის მანძილზე დღეა-სამშობლოს მოწყვეტილი იყვნენ, შეინარჩუნეს თავიანთი ქართველობა. აღნიშნავს რა ამას, ჰაიდარ აბაშიძე შემდეგი აღზნებული სიტყვებით განაგრძობს: „არ იქნა და ვერ ამოგვკლიცეს გულიდან... გრანობა სამშობლოს სიყვარულისა, როგორც მოელოდნენ ამას ოსმალები...“

„სამასი წელია, რაც მოეწყდით ჩვენს ეროვნულ სიტკბობას და ღობე-ყორეს ვედებით. დღეს, როგორც იქნა, ჩვენს გულში იფეთქა დღემდის მიძინებულმა ეროვნული გრძნობის პატარა ნაბერწყალმა და ესწრაფვის მგზნებარე ცაცხლად გადაქცევის და ამიტომ, გთხოვთ, ნუ გვიშლით ხელს. ჩვენც გვინდა გვეყოთ ხალხში, ჩვენც გვინდა და გვწყურია, როგორც მთელ კაცობრიობას, ეროვნული სული და ვინც გადაედობება ამ ჩვენს, ქართველ მაჰმადიანთა წმიდათა-წმიდა გრძნობას, ის ჩვენი მეგობარი არ იქნება!“

ახალგაზრდა პუბლიცისტისა და საზოგადო მოღვაწის ჰ. აბაშიძის მსჯელობადებულებები და მტიციებანი, იმ ტერმინების დადგენა, რაც აჰარასა და აჰარლებს შეეხებოდა, თავიდანვე ისეთი ნათელი, ცხადი და დამაჯერებელი იყო, რომ მათი გავლენით მალე შეიცვალა ზოგიერთი ცნების განსაზღვრა და ტერმინების, სახელწოდებების დადგენა ქართულ მწერლობაში. მაგალითისათვის მიუთითებთ ცნობილი საზოგადო მოღვაწის ზაქარია ჭიჭინაძის აღსარება-განცხადებას, რომ მან თავის წიგნებში უკვე შეიტანა შესწორებები და გამოსაცემად განზრახულ წიგნებშიც შეიტანს იმ სახის ცვლილებებს სხვადასხვა ტერმინების დადგენაში, როგორც ამას მოითხოვდა ჰაიდარ აბაშიძე, ერთ-ერთ სტატიაში, მიმართავდა რა ჰ. აბაშიძეს, ზ. ჭიჭინაძე

საჩაროდ აცხადებდა: „ახლა კი რაიმე ნიერებამ გაიმარჯვა და ქართველ მაჰმადიანთაგან თქვენგვარი პირველნი და ლინა და მათ კალამიც აიღეს ხელში და დაიწყეს ნაციონალური მხარეების შეგნება, საუბარი და კამათი, თუ ვინ ვახლავან თათარი თუ ქართველი მაჰმადიანები, ამიტომ მე ეს კილო შევიცვლე და უკვე ხუთ წელიწადზე მეტი იქნება მას შემდეგ გასული, რაც მე „თათრის“ მაგივრად ქართველ მაჰმადიანს ვხმარობ. ვახეთის განცხადებაში შევცდომით მომიხდა, რომ სიტყვა „თათარი“ იქნა ხმარებული, თორემ დღეის შემდეგ ჩემს წიგნებში ვერსად ნახავთ ამას... ჭეშმარიტად მოხარული ვარ, რომ ქართველი მაჰმადიანების შესახებ თქვენ ხანდახან გულმტკიცენულად საუბრობთ და სწერთ. იმედია, ჩვენს თანაგრძნობას თქვენდამა წრფელის გულით შეხედავთ და იმაშიც დარწმუნდებით, რომ დღეის შემდეგ ჩემს წიგნებში „თათარი“ აღარ იქნება ნახმარი.“

რაც შეეხება თქვენს წინადადებას დასაბუთებლად წიგნების გადასინჯვისა და გაცნობის შესახებ ამაზედაც თანახმა ვახლავართ და მე არცერთ ისტორიულ წიგნს არ დადებულა უამისოდ, ნამეტურ უთქვენოდ... დანარჩენი წიგნები კი უსათუოდ განხილულ იქნებიან ისე, როგორც თქვენ გვირჩევთ“ (გაზ. „სამშობლო“, 1915 წ., № 106).

XIX საუკუნის ცნობილი ქართველი პოეტი ქალი ვანდევლი ჰაიდარ აბაშიძის მოწოდებას ქართველი ქრისტიანი ძმებისადმი მეტად მგრძნობიარე სიტყვებით გამოხატა: „სახალხო ფურცელში“. ეს გამოხატულება გამიზნული იყო ქალბიძისადმი. ვანდევლი წერდა: „ქართველო ქალებო! გადაიკითხეთ გუშინდელ „სახალხო ფურცელში“ მოთავსებული წერილი ჰაიდარ აბაშიძისა? თუ არ წაიკითხავთ, გთხოვთ წაიკითხოთ და მაშინ დამეთანხმებით, რომ ამ სტრიქონებს წაიკითხვა უცრემლოდ შეუძლებელია, უცრემლოდ-მეთქი ვამბობ. ეს ცოტაა! მე ვკვირდები ბავშვივით... ამავე აღუდებული გულით მოგმართავთ თქვენ

ყური მიაპყრათ იმ საშინელ კენკსას, იმ უმაგალითო უბედურებას, რომელიც ჩვენს მოძმე ქართველ მუსლიმანებს არგუნა ბედმა“.

პოეტის ამ სიტყვებში მოცემულია უდიდესი დაფასება ჰაიდარ აბაშიძის სიტყვის ძლიერებისა და ზემოქმედებისა!

ფსევდონიმს ამოფარებულ უცნობი ავტორი აი რას წერს: „ჰაიდარ აბაშიძე ქართველ მუსლიმანთა შორის ეროვნულ გამოფხიზლების მოციქულია. მისი სახელი ჩვენს მოძმეთა შორის უკვდავი დარჩება... მისი საღი ქვეა, განშორებული სარწმუნოებრივ ფანატოზმს, ძლიერ მალე მიხვდა ქართველ მუსლიმანთა ცხოვრების მწარე სინამდვილეს და ხმამაღლა, თამამად და მოურიდებლად იწყო ქადაგება თავის თანამოძმეთა შორის ქართული ეროვნული შეგნების შესახებ... და ეს ხმა არ დარჩა ხმამაღლადებლისა უღაბნოსა შინა...“ (ეურნ. „თეატრი და ცხოვრება“, 1916 წ., № 48).

უცნობი ავტორის ეს სიტყვები თავისი სისწორითა და სიმართლით ბევრი სხვების მიერ თქმულს ადასტურებს, ამოწმებს.

თანამედროვე პროფესორი ისე ცინცაძე, ჭეშმარიტი მეცნიერ-ისტორიკოსი, ისტორიული ფაქტების ობიექტურად დამდგენელი, საღი პატრიოტი, მაღალ შეფასებას აძლევს ჰაიდარ აბაშიძის მართლაც სანიმუშო ისტორიულ საქმიანობას და მოღვაწეობას.

ერთ-ერთ კერძო წერილში ჰაიდარისადმი აი რა გულლიად გამოთქვამს თავის აზრს ჰაიდარის ისტორიული ღვაწლის შესახებ ისე ცინცაძე: „...თქვენმა საჩუქარმა დიდად მასიპროვა. მიიღეთ უღრმესი მადლობა. მე არ ვიცი, რით დავიმსახურე თქვენისთანა მოღვაწის ყურადღება, რომ თქვენი ხელწერილით შემკული თქვენი შესანიშნავი წიგნი ჩემს წიგნსაცავს შესძინეთ.

თქვენი ნაშრომი მიღებისთანავე გადავსინჯე და უნდა მოგახსენოთ, რომ თქვენ კარგი საჩუქარი მიუძღვენი ქართულ საისტორიო მეცნიერებას. თქვენს წიგნში ისეთი მასალებია თავმოყრილი სამშობლოს თავგადასავლიდან, რომ ჩვენი

ქვეყნის არც ერთ მოამაგეს, რა სპეციალობისაც არ უნდა იყოს ის, არ შეუძლია ბატონო ჰაიდარ, სიყვარულით და მაღლობით არ მოგიხსენიოთ. ქართული
სამშობლო

მუდამ სამშობლოს საღმარაგონე იდეებით, ჩვენო ჰაიდარ, და ახლა ის გვიხარია, რომ თქვენამითოვილი, ჩვენი ერთგული ჰაიდარი ისევე ქარმაგად გამოიყურება.


მოწაფეობის დროიდან დაწყებული თქვენი სახელი მესმოდა. სამშობლოს მძიმე წლებში, იმედად გვეყავით, მარადეამს იმედი და მაგალითი ბრძანებულებით ახალთაობისათვის, მრავალყამიერ სიცოცხლე თქვენი“.

ეს პატარა წერილიც არსებითად ცხადყოფს და ადასტურებს ყოველივე იმას, რაც ჰაიდარ აბაშიძის შესახებ დაწერილია და იმასაც, რაც მე ამ ჩემს წერილშიაც, რასაკვირველია, არასრულყოფილად და ამოუწურავად, აღნიშნული მაქვს ჰაიდარ აბაშიძის დიდად სასარგებლო ეროვნული მოღვაწეობის შესახებ.

ზემთ მოუვანილი ცნობილი პირების დახასიათებებს ჰაიდარ აბაშიძის პიროვნებისა და მოღვაწეობის შესახებ მე დავამთავრებ ილია რურუას წერილზე („ლოცვითური გაზეთი“, 1957 წ., № 34) მითითებით.

ბ. ახვლედიანის ნაშრომის წაკითხვის შემდეგ ილია რურუა, სხვათა შორის, ამბობს: „რამდენი რამ გუჯეტებია, რა დიდი ამაგი მიუძღვის თურმე მშობლიური ხალხის წინაშე ამ ღირსეულ მამულიშვილს — თავაზიან, წყნარ მოხუცს — ჰაიდარ აბაშიძეს“.

ავტორი ერთგვარ საყვედურსაც გამოთქვამს იმის გამო, რომ აქამდე ეს ღვაწლმოსილი მოღვაწე ჩრდილში იდგა და მის შესახებ ისტორიკოსებსა და მკვლევარებს ვრცელი გამოკვლევა, მონოგრაფია არ დაუწერიათ. ავტორის უკანაენელი დებულება სწორია და სამართლიანი. მართლაც, ბ. ახვლედიანის გამოკვლევამდე ჰაიდარ აბაშიძის შესახებ მონოგრაფიული გამოკვლევა არ დაწერილა. მხოლოდ ავტორის მეორე დებულება, რომ ჰ. აბაშიძე დღემდე მივიწყებული იყო და ჩრდილში იდგა, სიმართლეს



მოკლებულია. მის შესახებ თავიდანვე საკმაოდ ბევრი დაწერილა და მისი პიროვნება დამსახურებული პოპულარობით სარგებლობდა საქართველოში. საქართველოს პრესა ჰ. აბაშიძის ყველა გამოცვლას სიტყვით, კალმით თუ მოქმედებით, ყოველთვის ფართოდ აშუქებდა, მაშასადამე, მისი მოღვაწეობის პოპულარობას ხელს უწყობდა.


რასაკვირველია, სასურველია, რომ ხ. ახვლედიანის მეცნიერული გამოკვლევა და დახასიათება პირველი და უკანასკნელი არ იქნებოდეს და ჰაილარ აბაშიძეს მისი პიროვნებისა და მოღვაწეობის აღმნიშვნელ-დამხასიათებელი ღირსეული გამგრძელბეული აღმოუჩნდებოდეს.

უნდა ვაღიარო, რომ ის წერილობითი მასალა, რომელიც დღემდე არსებობს ჰ. აბაშიძის მოღვაწეობის შესახებ, სრულებითი საკმარისია. მაგრამ მისი პიროვნების სრულყოფილად გამოსაკვეთად, მისი მსოფლმხედველობის გამოუმუშავების ისტორიის დასადგენად, სამწუხაროდ, საკმარისი არ არის. ჩვენ არა გვაქვს საკმარისად არათუ მისი პირადი ცხოვრების გამოშუქებელი ფაქტები, არამედ ბიოგრაფიის დასადგენი ელემენტარული, უსაჭიროების ცნობებიც. ჩვენ არ ვიცით, როგორ

ჩაისახა, რა ასაზრდოებდა ახალგაზრდა ჰაილარის ეროვნულ შეგნებას, და გულს ცხრამეტი წლის ასაკამდე.

ჩვენ სიხარულით მივესალმებით. თუ თვითონ ჰაილარი, დიდი დაგვიანებით მაინც, დაწერს ვრცელ ავტობიოგრაფიას, რომელშიც საინტერესო მოგონებებსაც ექნება დათმობილი ადგილი. ჰაილარ აბაშიძე ჯერ კიდევ უეჭველად შეძლებს ასეთი მასალის მოცემას და შესაძლებლობას მისცემს მომავალ მკვლევარს დაწეროს მის შესახებ გამოკვლევა, მონოგრაფია, რომელიც ორ ნაწილს უნდა შეიცავდეს: „ჰაილარ აბაშიძის ცხოვრება“ და „ჰაილარ აბაშიძის მოღვაწეობა“.

ბოლოს. მე გულწრფელად ვაღიარებ განმეორებით, რომ, მიუხედავად იმისა, რომ ღრმა მოხუცი ვარ, მსურდა ჰაილარის შესახებ ვრცელი მონოგრაფია დამეწერა, მაგრამ აუცილებელი, საჭირო მასალის, შეიძლება ითქვას, უქონლობის გამო ხელი ავიღე ჩემს განზრახვაზე და დავკმაყოფილდი ამ წერილით, რომელიც არც მონოგრაფიაა, არც ისტორიული გამოკვლევა. მაპატიოს თვით პატივცემულმა ჰაილარმა და, თუ ეს წერილი დაიბეჭდა, პატივცემულმა მკითხველებმა.



ზუკაბ თანდილავე

ქართვად ზომთა თევზაობა-ნაოსნობის ნაჩსუდიღან

საქართველოს სხვადასხვა კუთხეში თევზჭერის მრავალი ხალხური პრიმიტიული იარაღი და წესია ცნობილი. ეს იარაღები და წესები მიუთითებენ მეთევზეობის იმ საუკეთესო ტრადიციებზე, რომლებიც ქართულ ეთნოგრაფიულ ყოფაში დღემდე შემკვიდრებით არის დაცული და კარგად ახასიათებენ მეთევზეობა-ნაოსნობასთან დაკავშირებული შრომითი საქმიანობის ბუნებას. ნაოსნობა-თევზჭერის ტრადიციები წარსულში ამ დარგის დიდ სამეურნეო მნიშვნელობას მოწმობენ და ცხადყოფენ, რომ ქართველ ტომთა სამეურნეო ყოფის ისტორიაში მეთევზეობასა და ნაოსნობას უხსოვარი დროიდანვე გარკვეული ადგილი ეთმობოდა.

ნაოსნობა-მეთევზეობა სხვა სამეურნეო დარგებიდან ბევრად განსხვავებულ ისეთ ბუნებრივ საშუალებებს მოითხოვს, როგორცაა ზღვა, ტბა და მდინარე. საქართველოში, რომელიც უხსოვარი დროიდანვე ქართველ ტომთა საცხოვრის წარმოადგენს, ამ მხრივ შესანიშნავი პირო-

ბებია. იგი მდიდარია როგორც დიდი, ისე პატარა-პატარა მდინარეებით, ტბებით და, რაც მთავარია, მთელი დასავლეთ საქართველო, დაწყებული მისი ჩრდილოეთით, ვიდრე უკიდურეს სამხრეთ-დასავლეთამდე, რომელიც კოლხეთის სახელწოდებით იყო ცნობილი, ზღვას ეკუთვნის. ყოველივე ეს საფუძველს ვეძილევს ვთქვათ, რომ ქართველ ტომებს წყლის სიმდიდრის მნიშვნელობა და გამოყენება უძველესი დროიდანვე უნდა სცილდნოდათ.

ჩვენამდე მოღწეული ისტორიული წერილობითი ცნობები მოწმობენ, რომ კოლხებს ძვ. წ. V-IV საუკუნეებში თევზის დამარილება და შენახვა კი სცილდნოდათ. ისინი ფართოდ იყენებდნენ აგრეთვე თევზის ქონს. ქსენოფონტეს (ძ31-354) მოსსინიკების (იგივე სანების ანუ ქანების) სახლებში დიდ ქილებში ჩადებული დამარილებული ზღვის ღორის (დელფინის) ხორცი დახვდა, ღორების კი ამ თევზის ქონი, რომელსაც

მცხოვრებლები ძროხის ერბოს მაგივრად ხმარობდნენ.¹

არსებული ცნობები მოწმობენ აგრეთვე, რომ კოლხები თევზის დამარილებას მხოლოდ შინაეკონომიურ საჭიროებათა უზრუნველყოფის მიზნით როდი მიმართავდნენ. მათთვის თევზის საექსპორტო საქონელსაც წარმოადგენდა და დამარილებული სახით მეზობელ ქვეყნებში, მათ შორის საბერძნეთშიც უხვად ვაჭრობდნენ.

საზღვაო გზით მეზობელ ქვეყნებთან სავაჭრო ურთიერთობის არსებობა თავის მხრივ იმაზე მიუთითებს, რომ იმ დროს კოლხეთში მეთევზეობასთან ერთად ზღვაოსნობაც მნიშვნელოვნად მაღალ დონეზე მდგარა. სტრაბონის მიხედვით, ნაოსნობა და ვაჭრობა კოლხეთში დიდად განვითარებული იყო. ერთ-ერთ სავაჭრო ცენტრად კოლხეთის ჩრდილოეთ ნაწილში დიოსკურია ითვლებოდა; რიონზე კიდევ კოლხების სავაჭრო ნავსადგური ფაზისი იყო. მაშინ მდინარე რიონზე გემები შორაპნამდე მიდიოდნენ (დაწვრილებით ამის შესახებ იხ. „საქართველოს ისტორია“, ნაწ. I, 1948 წ., გვ. 31-47).

ბუნებრივია, ადამიანებმა წყლის სიმდიდრის მნიშვნელობა და გამოყენება ბევრად ადრე ისწავლეს, ვიდრე ნავისა თუ ხომალდის კეთება და მეზღვაურობა. როგორც ფრ. ენგელსი მიუთითებს, თევზის გამოყენება ადამიანმა ველურობის დროს დაიწყო და თანდათან ისწავლა სხვადასხვა სათევზაო იარაღისა და ნავის კეთება. მამასადამე, ქართველ ტომებსაც ზღვის სიმდიდრის მნიშვნელობა და გამოყენება უნდა სცოდნოდათ წინაისტორიულ ხანაში, ბევრად უფრო ადრე, ვიდრე კოლხეთს არგონავტები მოადგებოდნენ. ამაზე მეტყველებს ბერძნულ წყაროებში დატული მთელი რიგი წერილობითი ცნობებიც, რომლებიც ზემოთ მოვიტანეთ.

ამიტომ სარწმუნოდ არ შეიძლება მივიჩნიოთ აგათია სქოლასტიკოსის მიერ ქართველ ტომთა ნაოსნობის ისტორიის

დასაწყისის დაკავშირება არგონავტების ლაშქრობასთან, არგოს ნავთან, როგორც თეოქრისტის თქმულებაში კოლხთა ზღვაოსნობის ამბავი პირიქით არის წარმოდგენილი.¹

აპოლონიოს როდოსელის (მე-3 ს. ძვ. წ.), „არგონავტიკაში“ (გვ. 126) ვკითხულობთ, რომ კოლხეთს მომავალი არგონავტები გზაზე კოლხური ზომილით ქ. აიადან ოქრომენისაკენ მიმავალ ფრიქსეს შვილებს შეხვდნენ. იმავე თქმულებიდან ჩანს, რომ არგონავტები მდ. ფაზისით (რიონი) ავიდნენ კოლხეთის დედაქალაქ აიაში, რომელიც სილამაზით ბრწყინავდა. იაზონი და მისი მსლებლები გააკვირვა აიეტის სასახლემ, რომელსაც შემოვლებული ჰქონდა სვეტებიანი ვალავანი ფართო ქიშკრებით. „სასახლის თავზე, სპილენძის ქანგურებზე. ქვის კოშკი იდგა“... ვალავნის ფონით „მადლოსილი ვაზები ვაშლილიყვნენ. ვაზების ქვეშ ოთხი დაუშრეტელი შადრევანი მოჩუხჩუხებდა“... (იქვე, გვ. 159). ოქროს საწმისისა და კოლხთა მეფის აიეტის ქალიშვილის მედეას ხელში ჩაგდების შემდეგ „არგონავტებს ზღვაში გასვლა მოესწროთ და მათი ხომალდი მთელი სისწრაფით მიაპობდა ტალღებს“... გაძარცულმა და დამცირებულმა აიეტმა კოლხებს თავი მოუყარა და უბრძანა, რომ შეეპყროთ არგონავტები, სადაც არ უნდა ყოფილიყვნენ ისინი. „კოლხებმა მყისვე მოამზადეს ხომალდები, იალქნები ააფრიალეს და იმავე დღეს შესცურეს ზღვაში. კაცი იტყოდა, რომ ეს ხომალდთა ლაშქარი კი არა, ფრინველთა ურიცხვი გუნდი არის და ზღვას დაჟრიაპულვბსო“ (იქვე, გვ. 160).

კოლხურ-ელისური თქმულება არგონავტთა ლაშქრობის შესახებ, რომელიც ძვ. წ. VIII საუკუნეზე ადრეა შექმნილი და დაკავშირებულია საბერძნეთისა და კოლხეთის ურთიერთობის ისტორიულ ფაქტთან, „ჩვენი ქვეყნის ნამდვილი ცხოვრებისა და ბუნების ანარეკლზე არის

1 აპოლონიოს როდოსელი, არგონავტიკა (აკაკი ურუშაძის თარგმანი ბერძნულიდან), 1948 წ., გვ. 103.

1 ივ. ჯავახიშვილი, ქართველი ერის ისტორია, ტ. I, 1960 წ., გვ. 26.

აშენებული, მხოლოდ აქ კეშმარიტება შეფერადებულ-გაზღაპრებულია“ („საქართველოს ისტორია“, ნაწ. I, 1948 წ., გვ. 50).

თუ თქმულებაში ნაჩვენები საწმისი ოქროს მოპოვებასა და კარგი მატყლის მქონე ადგილობრივ ცხვარზე მიუთითებს, თუ „ფოლადის სახენელი, სპილენძისწლიებიანი ხარი, ღრმა და სწორე ხნული იმის გამოძახილია, რომ ძველი კოლხები ხელოვანი მიწათმოქმედნი იყვნენ და ლითონის გაუმჯობესებელი იარაღით სარგებლობდნენ“, ხოლო „მედეას გრძნეული წამალი ხალხური სამკურნალო საქმის განვითარებაზე მიუთითებს“ და „ტყავზე დაწერილი წესი ოქროს მოპოვებისა დამწერლობის არსებობას გულისხმობს“ (იქვე, გვ. 50-52), მაშინ აიყობის სასახლის სილამაზე, სვეტებიანი გალავანი, ფართო ჭიშკრები და სპილენძის ქონგურებზე ქვის კოშკი კოლხეთში იმ დროს სამშენებლო საქმის გარკვეულ

დონესაც მოწმობს. ხოლო არგონავტების მოსვლამდე კოლხური ხომალდი ქ. აბიდან ორქომენისაკენ გამგზავრებულ შემდეგ საწმისისა და მედეას პოტაცების შემდეგ კი კოლხთა მიერ ხომალდების მყისვე მოშვადება, იმავე დღეს ხომალდთა ლაშქრის ზღვაში შეცურება არგონავტების წინააღმდეგ, კოლხთა თავგანწირული და მოხერხებული მოქმედება უნდა მეტყველებდეს ლეგენდარულ არგოს მოსვლამდე კოლხეთში გემებისა და ნაევების არსებობაზე, ნაოსნობა-მგზავრობის ისეთ მაღალ დონეზე, რომელსაც არგონავტები ზედმიწევნით უწყევდნენ ანგარიშს და მდედართა მოლოდინში „მთელი ძალღონით მოუხვეს ხოფებს“. მაშასადამე, უნდა დაეასკვნათ, რომ ხომალდ „არგოს“ მოსვლამდე კოლხებს კარგად ესმოდათ წყლის სიმღიდრის მნიშვნელობა და ხომალდის არა მარტო სახელი იცოდნენ, არამედ ზღვაოსნობაშიც კარგად იყვნენ დახელოვნებულნი.





3. ობოლი

სამკურნალო წიგნი

ერთმა მეგობარმა უნივერსალის გამგეს შესჩივლა:

— ამ ბოლო დროს ისე მომეშალა ნერვები, ისე უბრალო რამეზე ვბრაზობ და ვლელდები, რომ მეშინია ოჯახურ უსიამოვნებამდე არ მიმიყვანოს.

— კაი ერთი, თუ კაცი ხარ, მაგან შეგაწუხა? მაგის წამალი მე მკითხე. ისეთი წამალი ვიცი, ხელში კეტი რომ ვეჭიროს და მხეცივით ღრიალებდე, უცებ მოღბები და დამშვიდდები, — უთხრა უნივერსალის გამგემ შეშინებულ მეგობარს.

— მართლა? — გახიარა ავადმყოფმა.

— შენ თავს ვფიცავ.

— ა, ბიჭო მიშველე რამე. — დაეღრიჯა მეგობარი. — მასწავლე ბარემ და შენს პატივისცემას კი გადავიხდი.

— მაგისათვის არც პატივისცემა მინდა და არც ქრთამი. ასეთ პუსტიაკზე კი არა, ზოგიერთს გადანახულ საქონელზე არ ვთხოვ ზედმეტს, ისე ვაძლევ მოფარებულად. — უნივერსალის გამგემ ჯიბიდან ოქროთი მოჭედილი სათუთუნე ამოიღო და პაპიროსი გააბოლა.

— თუ წამალი მარგებს და მომიხდება, პატივისცემას არ დავიზარებ... — კვლავ გაჭირვებულდა მეგობარი. — მითხარი, როგორ მოვიქცე?

— დიდი სიამოვნებით. პირველ ყოვლისა, შეიძინე ერთი წიგნი...

— წიგნი? წიგნების მეტი რა მომეძევა, შენ სხვა თქვი, თორემ...

— დამაცა, კაცო, ნუ ხარ სულწასული! — შეაჩერა გამგემ. — ყველა წიგნი როდი გამოდგება. შენ უნდა შეიძინო საჩივრის წიგნი...

— საჩივრის წიგნი? რომ არავის ვუჩივი? — გაიკვირვა მეგობარმა.

— ხა, ხა, ხა! — გადაიხარხარა გამგემ. — ბიჭო, უჩივი, აბა არა? შენს ავადმყოფობას ხომ უჩივი?

— მერე, ავადმყოფობას საჩივრით რას ვუშველი?

— შენ, ჩემო ძმო, თუ ასე გაკერბდები და ჩემსას არ დაიჯერებ, რა გამოვა? რასაც გეუბნები, ის გააკეთე და, თუ არ წავადგეს, მოდი და თვალებში მომაფურთხე, — მტკიცედ თქვა გამგემ.

— კარგი, აგრე იყოს. ვიყიდე საჩივრის წიგნი. მერე?

— ჩააბარე შენს ცოლს, ან სიდედრს, რომელიც უფრო ავი და კაპასია.

— მერე?

— მერე, როცა რაიმეზე გაბრაზდე, გაკუჭდე და ნერვები ავეშალოს, მიმართე საჩივრის წიგნის მფლობელს. იგი, რასაკვირველია, უარს გეტყვის, წიგნს არ მოგცემს. შენ დაეინებით მოითხოვ, გაბრაზდები, დაკარგავ გრძნობას, იყვირებ, აღრიალდები, ავეშლება ნერვები, დაემსგავსები ნამდვილ გიჟს, გაცოფდები და სახლიდან გაჭრას დააპირებ...

— მერე?

— მერე, რომ შეგხვდავს ასე გაცოფებულს, მოგცემს საჩივრის წიგნს, წვერწაუთლელ ფანქარს, ან კალმისტარსა და მელანგამოლეულ სამელნეს და მორჩა... ესიო.

— რა ესიო, კაცო, რა მორჩა? — თვალები გამოუშტერდა მეგობარს.

— რა მორჩა და შენი სენი.

— იმ წიგნის მოცემით?

— ჰო, იმ წიგნში შენ ჩაწერ შენი გაკუჭების მიზეზს, შეგიძლია წერო დიდხანს. ჩაწერო ყველაფერი, რაც გაწუხებს და რის გამოსწორებაც მიგაჩნია საჭიროდ. რაც უფრო გააგრძელებ წერას, მით უკეთესია, უფრო დაგიმშვიდდება ნერვები და გულზე მოგეშვება.

— მე მეგონა, სერიოზულად მელაპარაკებოდი! მასხრად ასაგდები სხვა მონახე, თუ უკაცრავად არ ვიყო! — გაჯავრდა მეგობარი. — წიგნში ჩაწერა რომ საქმეს შეელოდეს...

უნივერსალის გამგე შეწუხდა.

— შეილებს ვეფიცები, არ გემასხრები. გამოცდილებით რომ არ ვიცოდე, მაშინ კი არ შევიწუხებდი თავს.

— რა იცი, კაცო, გამოცდილებით? საჩივრის წიგნში ჩაწერა განკურნავს ნერვებაშლილ ადამიანს? — შეეკამათა მეგობარი.

— რა გაიკვირს, ბიჭო! ერთი გამიკურნავს ასე თუ ორი? შენ არც პირველი ხარ და არც უკანასკნელი იქნები. ჩვენთან დღეში ათი-თორმეტ კაცს ასე ვმკურნალობთ. ზოგი იმ ზომამდე გამძვინვარდება, რომ მუშტსაც კი დაატრიალებს, მაგრამ...

— მაგრამ რა?

— მივუტანთ საჩივრის წიგნს, ძველ ფანქარს, მიეუთითებთ მაგიდაზე

და მონუსხულივით შეეკრება კრიჭა. დაიწყებს წერას. წერს, წერს, წერს, კითხავს. კიდევ ჩაწერს. ჯერ ხელები უკანკალებს, გული მომეტეხულად უცემს. სიბრაზისაგან კუნთები ეკუმშება, მაგრამ შემდეგ თანდათან დაფრთხილებს, წყნარდება, აღარ კრთის, აღარ კანკალებს, სიბრაზეც აღარ ემჩნევა. წიგნს დახურავს, გადმოგვცემს, მაღლობას გვეუბნება და გადის.

— ვითომ შველის?

— შველის რომელია, შველის კი არა, ბატკანივით უვნებელი ხდება. გაბოროტებული და იჩაურობის დასალეწად ამხედრებული, თავდახრილი და გულზე ხელდაკრეფილი გვტოვებს.

— კარგი საშუალება ყოფილა შენმა მზემ! — ნაღვლიანად ჩაილაპარაკა იმედგაცრუებულმა მომხმარებელმა და გზას გაუდგა.

წერილი ლექსად

ერთმა ბატარა კაცმა ერთ ქალაქში ერთ დიდ კაცს ლექსად დაწერილი ბარათი გაუგზავნა.

დიდი კაცის კანცელარიაში კონვერტს დახედეს, შეათვალიერ-შემოათვალიერეს და ჩაფიქრდნენ.

— რამდენი ვინმე აწუხებს დიდ კაცს. — თქვეს შემდეგ. — უკეთესი იქნება, ეს განცხადება იმ რაიონში გადაგზავნოთ ზომების მისაღებად, საიდანაც გამოგზავნილია. — და ასეც მოიქცნენ: „შეამოწმეთ, გამოარკვიეთ, მოგვახსენეთ“.

ბარათი რაიონის კანცელარიაში მივიდა.

გახსნეს, შეხედეს, ჩაფიქრდნენ.

— აჰ, ლექსი, განცხადება ლექსად?

ლექსი პოეზიას მიეკუთვნება, პოეზია ლიტერატურაა, ხოლო ლიტერატურას მწერალთა კავშირი პატრონობს... მაშასადამე, განცხადება ლექსად მწერალთა კავშირს გადაუგზავნეს: „მიხედეთ, მოაგვარეთ, მოგვახსენეთ“.

მწერალთა კავშირიდან არის კანცელარია.


— გვიჩვიან, გვესუვედურებიან! — აქაც შეიქნა წრიალი, მაგრამ რადგან ქვემდებარე კანცელარია აღარ არსებობდა, იკადრეს და ისევ თვითონ შეუდგნენ საკითხის გადაჭრას.

დიდი ძებნისა და კვლევის შემდეგ იპოვეს ბარათის ავტორი.

— თქვენ ჩვენზე საჩივარი გავზავნეთ ზემდგომ ორგანოებში? — კითხეს მას.

— საჩივარი? — თვალები გაუფართოვდა წერილის ავტორს. — რა საჩივარი? თქვენ ვინ ბრძანდებით?

— მწერალთა კავშირიდან ვართ.



— მაპატიეთ, მე ასეთ ორგანიზაციისთან არაფერი საქმე არა მაქვს!
 გადაჭრით განაცხადა ავტორმა.

— როგორ თუ არა გაქვთ?! ლექსებს წერთ, პოეზიაში მუშაობთ?
 მწერალთა კავშირთან საქმე არა გაქვთ?

— ალბათ, გეშლებათ. მე პოეზიაში კი არა, ლიმონათის ქარხანაში
 ვმუშაობ. ოცდახუთი წელიწადია იქა ვარ. ცოლ-შვილს გეფიცებით, მწე-
 რალთა კავშირთან არავითარი საერთო არა მაქვს, — დაიფიცა წერილის
 ავტორმა.

— არც ლიტფონდს იცნობთ?

— ასეთი გვარი ჩემს დღეში არ მსმენია.

— არც საუდბ იცი?

— არა, ბატონო!

— თავს ნუ იკატუნებ. — შესწყრა სტუმარი. — როგორ შეიძლება
 ლექსებს წერდე, ლიტფონდსა და საუდს კი არ იცნობდე!

— ცილისწამებაა, ბატონო! — შეწუხდა ბარათის ავტორი. — იმდენი
 ჰკუთ და გონება კი გამაჩნია, რომ ამგვარი სისულელე არ ჩავიდინო.
 ლექსების წერა?! ღმერთმა დამიფაროს! მე ერთი უბრალო ოსტატი ვარ,
 პატროსანი, მართალი კაცი. საღ მე, ბატონო, და საღ ლექსები!

— მაშ, ეს ვისი დაწერილია? თქვენ არ დაწერეთ ეს საჩივარი?

— საჩივარი?

— დიახ, საჩივარი.

— არაფერი მესმის!

— როგორ, თქვენ არ მისწერეთ ლექსად გამოთქმული საჩივარი ამხა-
 ნაგ გვერდგვერდიანს? მაშ რა არის ეს?! — და კონვერტი აჩვენეს.

— აჰ, ეს?! — ლოყები შეუფერადდა ავტორს. — დამნაშავე ვარ.
 ალბათ, ეწყინა, ვინ კერკეტაძე და ვინ მეო! მაპატიეთ, შევცდი. რალაც ეშ-
 მაკად ვიფიქრე მისთვის დაბადების დღე ლექსად მიმელოცა და... ხომ მო-
 გახსენეთ, ძალიან შევცდი. რა ვიცოდი, თუ უკან დამიბრუნებდა და თქვე-
 ნისთანა ადამიანებს შეაწუხებდა.

— როგორ, შენ არ გიჩივლია, ლექსებს არ მიბეჭდავენო?

— რას ბრძანებთ! მე მხოლოდ დაბადების დღე მივულოცე იმ არდა-
 საბადებელს. მეგონა გამიხსენებს და ესიამოვნება-მეთქი. მაპატიეთ, რომ
 ასე ცუდად გამომივიდა. — ბარათი გამოართვა და ნაღვლიანად დახედა. —
 აფსუსს, რამდენი ადამიანი შემიწუხებია!..



ხელმოწერილია დასაბეჭდად 22/X, 1963 წ. საბეჭდი 6. საგამომცემლო 5 თაბახი,
შეკვეთის № 7244, ემ 00620. ქალაქის ზომა 60X92. ტირაჟი 2.600.

* * *

საქ. სსრ კულტურის სამინისტროს შთავარბოლიგრაფგამომცემლობათა
სამმართველოს ბათუმის სტამბა-ლითოგრაფია
(ლუქსემბურგის, 22)

3360 40 333.

41954



საქართველოს
მწერთა კავშირი

ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

„ლიტერატურული აჭარა“

ОРГАН АДЖАРСКОГО ОТДЕЛЕНИЯ
СОЮЗА ПИСАТЕЛЕЙ ГРУЗИИ

ИНДЕКС 76118